

সচিত্র সম্পূর্ণ কাশীদাস

মহাভারত

উদ্যোগপর্ব ।

নারায়ণ নমস্কৃত্য নরকৈব নরোত্তমম্ ।

দেবীং সরস্বতীং ব্যাসং ততো জয়মুদীরয়েৎ ॥

যোদ্ধার প্রতি ভীষ্মাবির হিতোপদেশ ।

জিজ্ঞাসেন জন্মেজয় কহ তপোধন ।

মহ্য হ'তে মুক্ত যদি হৈল পঞ্চজন ॥

অপম বিভাগ রাজ্য লাভের কারণ ।

কহ কিবা করিলেন পিতামহগণ ॥

প্রত্যেক আঁর দুর্ব্যোধনে বুঝাবারে ।

কেন দূত পাঠালেন হস্তিনানগরে ॥

উত্তর গোত্র হৈ যুদ্ধ কৌরবপ্রধান ।

পাঠিলেন অর্জুনের স্থানে অপমান ॥

শিবিরে আসিয়া কিবা করিল বিচার ।

কহ শুনি মুনিবর করিয়া বিস্তার ॥

যনি বলে শুনহ নৃপতি জন্মেজয় ।

যদি পরাভূত হ'য়ে কৌরব-তনয় ॥

নগর ভণ্ড হ'য়ে রাজা আইল শিবিরে ।

দহনস্তাপ হেতু দুঃখিত অন্তরে ॥

শত্রু হাতে সিংহ যেন পেয়ে অপমান ।

শত্রুর হাতে যেন কুঞ্জরপ্রধান ॥

দেব পার্থ করিলেন সবাকারে জয় ।

আইল কৌরব অতি পেয়ে লজ্জা ভয় ॥

কহ বলিলেন রাজা তাজ্জ চিন্তা মনে ।

পায়ে মারিব পঞ্চ পাণ্ডুপুত্রগণে ॥

বাসব উপায়ে বৃত্রাসুরেরে মারিল ।

উপায় করিয়া শি৷ ত্রিপুরে বধিল ॥

বিনা উপায়েতে সিদ্ধ না হয় রাজন ।

উপায় স্বজিয়া মার পাণ্ডুপুত্রগণ ॥

বিরট নগরে দূত দেহ পাঠাইয়া ।

পাণ্ডবে হেথায় আন কপট করিয়া ॥

মুখ্য মুখ্য সেনাপতি যত বীরগণে ।

সঙ্গেতে করিয়া তুমি রাগ এইখানে ॥

বিরট দ্রুপদ আর ভাই পঞ্চজন ।

ভোজন কারণে রাজা কর নিমন্ত্রণ ॥

সূপকারগণে সবে সঙ্কেত করহ ।

অন্নপান সনে বিষ সবাকারে দেহ ॥

বিষপানে হানবল হবে সর্বজন ।

যতেক প্রহরা বেড়ি করিবে নিদন ॥

পূর্বাপর আছে হেন শাস্ত্রের বিহিত ।

বলে ছলে শত্রুকে মারিতে সুনিশ্চিত ॥

ছল করি কল মধ্যে রাই পুত্র আর ।

নয়ুচি দানবে পাঠাইল যম-বর ।

সে কারণে এই যুক্ত কহিহু তোমারে ।

মারহ পাণ্ডুর পুত্র বুদ্ধি অনুসারে ॥

নতুবা সকল সৈন্যে সাজ নরপতি ।

বিরট নগরে চল যাইব সম্প্রতি ॥

রাটের পুর সব চৌদিকে বেড়িয়া ॥
 যি দিয়া পাণ্ডবেরে মার পোড়াইয়া ।
 ইমত বিধান করহ নরবর ।
 লক্ষ উচিত নহে করহ সত্তর ॥
 লিলেন রাজা ইহা নাহি লয় মনে ।
 তার শক্তি মারিবে পাণ্ডব পঞ্চজনে ॥
 তেক উপায় আমি করিলাম পূর্ব ।
 পট পাশাতে তার হরিলাম সর্ব ॥
 গরে দিই বনবাস দ্বাদশ বৎসর ।
 তসরেক অজ্ঞাত বসতি তার পর ॥
 ভামাঝে পাণ্ডব করিল যেই পণ ।
 গাহাতে হৈল মুক্ত দৈব-নিবন্ধন ॥
 আমার উপায় যত হইল বিফল ।
 এখন সহায় তার হৈল মহাবল ॥
 য হোক সে হোক যুদ্ধ করিলাম পণ ।
 বিনা যুদ্ধে রাজ্য নাহি দিব কদাচন ॥
 আমারে জিনিয়া পাণ্ডুপুত্র রাজ্য লয় ।
 আমি বা পাণ্ডবে জিনি মম রাজ্য হয় ॥
 প্রতিজ্ঞা আমার এই না হইবে আন ।
 ইহার উপায় সখা করহ বিধান ॥
 না মারিব যে পর্য্যন্ত পাণ্ডু-পুত্রগণ ।
 রাজ্যে রাজ্যে অনুচর করহ প্রেরণ ॥
 নিবসেন যত রাজ্য মম অধিকারে ।
 যুদ্ধ হেতু বরিয়া আনহ সবাচারে ॥
 সবা মধ্যে প্রধান স্মমন্ত্র নরপতি ।
 কলিঙ্গ কামদ ভোজ বাহ্লিক প্রভৃতি ॥
 স্মশ্রু নৃপতি আদি যত রাজগণ ।
 যুদ্ধ হেতু সবাচারে করহ বরণ ॥
 একাদশ অক্ষৌহিণী করহ সাজন ।
 হইবে অবশ্য যুদ্ধ না হয় খণ্ডন ॥
 অস্ত্র শস্ত্র বহুবিধ করহ সঞ্চয় ।
 মিত্রামিত্র বলাবল করহ নির্ণয় ॥
 রাজার বচন শুনি রাধার নন্দন ।
 সাধু সাধু বলিয়া প্রশংসে সেইক্ষণ ॥
 উত্তম বলিয়া যুক্তি নিল মম মনে ।
 তুমি হে ক্ষত্রিয়শ্রেষ্ঠ বুদ্ধি বলে শুনে ॥

দেবগণ মধ্যে যেন দেব শচীপতি ।
 প্রজাপতি মধ্যে যেন দক্ষ মহামতি ॥
 তারাগণ মধ্যে যেন শীতল কিরণ ।
 তাদৃশ ক্ষত্রিয় মধ্যে তোমারে গণন ॥
 ক্ষত্রধর্ম-শাস্ত্র যত আছে পূর্বাপর ।
 ক্ষত্রিয় হইয়া যুদ্ধে না করিবে ডর ॥
 সে কারণে ক্ষত্রধর্ম করাহ উদয় ।
 যুদ্ধ হেতু বরহ যতেক রাজচয় ॥
 হয় বা না হয় যুদ্ধ বিধির লিখন ।
 সৈন্য সমাবেশ কর না ছাড় বিক্রম ॥
 এত বলি আজ্ঞা দিল ডাকি অনুচরে ।
 লিখিলেন লিখন সমস্ত নৃপবরে ॥
 অনন্তরে কহিলেন গঙ্গার তনয় ।
 যে যুক্তি করিলা মম হৃদয়ে না লয় ॥
 ভাই ভাই বিচ্ছেদ হইতে না ঘুয়ায় ।
 হিত উপদেশ রাজা কহিব তোমায় ॥
 মান বুদ্ধি নাই ইথে না হইবে যশ ।
 হারিলে জিনিলে তুল্য না হবে পৌরষ ॥
 অতএব যুদ্ধে রাজা নাহি প্রয়োজন ।
 পাণ্ডব সহিত সবে করহ মিলন ॥
 পাণ্ডবেরা নাহি তব করে অত্যাচার ।
 আপন ইচ্ছায় ভাগ যে দিবে তাহার ॥
 তাহা পেয়ে স্ত্রী হবে ভাই পঞ্চজন ।
 এক্ষণে এমত বুদ্ধি না কর রাজন ॥
 পাশায় জিনিয়া তুমি নিলে সর্ব ধন ।
 তবু তারা তোমা প্রতি নহে ক্রোধমন ॥
 যে সত্য করিল তারা সবার সাক্ষাতে ।
 ধর্ম অনুসারে মুক্ত হইল তাহাতে ॥
 পূর্বে ছিল তাহাদের যেই অধিকার ।
 তাহা ছাড়ি দিতে হয় উচিত তোমার ॥
 তাহাতে প্রবোধ যদি নহে কদাচন ।
 তবে যেই মনে লয় করিও তখন ॥
 পূর্বে অঙ্গীকার তুমি করিলে আপনে ।
 সত্য হতে মুক্ত যদি হয় কদাচনে ॥
 পুনঃ আসি রাজ্য তবে লইবে পাণ্ডব ।
 সেইকালে সাক্ষাতে আছিহু মোরা সব ॥

দ্রুপদে যাহাতে তুমি কুন্তীপুত্র সব ।
 তাহা দিয়া রাজা তুমি প্রবোধ পাওব ॥
 তাহা দিয়া প্রবোধহ পাও-পুত্রগণে ।
 তাই ভাই বিরোধ না হয় প্রয়োজনে ॥
 টঙ্কের এতেক বাক্য শুনি দুর্যোধন ।
 ক্রোধে থাকিয়া তবে বলিলা বচন ॥
 শত্রুকে ভজিব আমি মনে নাহি লয় ।
 হোক সে হোক যুদ্ধ করিব নিশ্চয় ॥
 নিলেন ভাঙ্গ তবে যাহা ইচ্ছা কর ।
 শুনিলে উপদেশ যুদ্ধানলে মর ॥
 অন্তরে দ্রোণ রূপ বাহুলীক রাজন ।
 চক্রেহু ধৃতরাষ্ট্র গুরুর নন্দন ॥
 গুরুর প্রভৃতি আর যত মন্ত্রিগণ ।
 একে দুর্যোধনে কহিল বচন ॥
 যি যে কহিলা তাহা কর মহারাজ ।
 তাই ভাই বিরোধে না হয় ভদ্র কাজ ॥
 লক্ষ্য হইবেক লোকে অপমান ।
 হাতে পৌরুষ কিছু না হয় বিধান ॥
 আপন পৈতৃক ভাগ যে হয় উচিত ।
 তাহা দেহ পাণ্ডবেরে শাস্ত্রীয় বিহিত ॥
 সত্য করিল তারা সম্ভার গোচর ।
 হাতে হইল মুক্ত পঞ্চ সহোদর ॥
 যে যেই অধিকার ছিল তা সবাপ্নি ।
 ই ইন্দ্রপ্রস্থ তুমি দেহ পুনর্ব্বার ॥
 করিলে অপমান না করিল মনে ।
 ত কেহ হৈলে না সহিত কদাচনে ॥
 বাহুর নরমধ্যে খ্যাত পঞ্চজন ।
 তৈকে জিনিবারে পারে ত্রিভুবন ॥
 হর গোত্রহে যুদ্ধ দেখিলে আপনে ।
 ক্রোধে ধনঞ্জয় সবাকারে জিনে ॥
 রাণের গাভীগণ মুক্ত করি দিল ।
 যি অর্জুন বীর কারে না মারিল ॥
 যিহ আক্রোশ যদি থাকিত তাহার ।
 কেন সংগ্রামে করিল পরিহার ॥
 তর দেখ রাজা গন্ধর্ব্ব-প্রধান ।
 মায় ধরিয়া নিয়া করিল প্রয়াণ ॥

মুখ্য মুখ্য যতেক ছিলেন সেনাপতি ।
 ছাড়াইতে না হইল কাহার শক্তি ॥
 তোমারে আক্রোশ যদি পাণ্ডবের ছিল ।
 তবে কেন পার্থ তোমা মুক্ত করি দিল ॥
 যদি বল উত্তর গোত্রহে ধনঞ্জয় ।
 পরকার্যে অপমান করিল আমায় ॥
 দ্রৌপদীর বাক্য পার্থ নারে খণ্ডিবারে ।
 এই হেতু গাভী মুক্ত করিল প্রকারে ॥
 ভাই ভাই যুদ্ধে কি ছু নাহি অপমান ।
 জয় পরাজয় মানি একই সমান ॥
 কহিলে পরম শত্রু মোর পঞ্চজন ।
 তাহারে ভজিলে হয় কুশল ঘোষণ ॥
 তুমি শত্রুভাব কর তাহারা না করে ।
 জ্ঞাতি মধ্যে যে জন অধিক বল ধরে ॥
 সে হয় প্রধান রাজা কহিনু নিশ্চয় ।
 পূর্ব্বের কাহিনী শুন কহি যে তোমায় ॥
 ত্রেতাযুগে ছিল রাজা লঙ্কার ঈশ্বর ।
 বাহুবলে জিনিল সকল চরাচর ॥
 ক্ষত্রবংশে চুড়ামণি শ্রীরাম লক্ষ্মণ ।
 তাঁহাদের সহ যুদ্ধে হইল নিধন ॥
 মুখ্য মুখ্য যতেক আছিল সেনাগণ ।
 শক্তি না হইল কার' করিতে মোচন ॥
 অহিংসা পরমধর্ম্ম শাস্ত্রেতে বাখ্যানে ।
 হিংসা সম পাপ নাহি বলে জ্ঞানিজনে ॥
 অত্র হৈতে হিংসাবুদ্ধি যেই জন করে ।
 পঞ্চ মহাপাপ আঁসি বেড়য়ে তাহারে ॥
 জগতে অকীৰ্ত্তি ঘোষে লোকে নাহি মানে ।
 কহিব পূর্ব্বের কথা শুন সাবধানে ॥
 মহাভারতের কথা অমৃত-সমান ।
 কুলীরাং দাস কহে শুনে পুণ্যবান ॥

ইন্দ্রের জয়, ওংকর্কুক গুরুপত্নী হরণ
 ও গৌতমের অতিশাপ ।

অদিতি দক্ষের কন্যা কশ্যপ-গৃহিণী ।
 পুত্রবাঞ্ছা করিয়া ভজিল শূলপাণি ॥

প্রত্যক্ষ হইয়া বর যাচেন শঙ্কর ।
 মাগিল অদিতি বর করি গোড়কর ॥
 মম গর্ভে হবে যেই সম্ভান উৎপত্তি ।
 ত্রিভুবন মধ্যে যেন হয় মহামতি ॥
 নাগ নর সুর আদি প্রজাগতিগণ ।
 সবে পূজা করিবেন তাহার চরণ ॥
 স্বস্তি বলি বর তারে দেন শূলপাণি ।
 স্বামীরে কহিল তবে দক্ষের নন্দিনী ॥
 আমারে দিলেন বর দেব পঞ্চানন ।
 ত্রিভুবনে রাজা হবে তোমার নন্দন ॥
 কশ্যপ বলিলা শিববাণ্য মিথ্যা নয় ।
 মহাবলবন্ত হবে তোমার তনয় ॥
 ত্রিভুবন মধ্যে সেই হইবেক রাজা ।
 এ তিন ভুবনে লোক করিবেক পূজা ॥
 স্বামীর নিকটে কন্যা পাইল সম্মান ।
 কতদিনে অদিতি করিল ঋতুমান ॥
 স্বামী সহ রতি কেলি কুতূহলে করে ।
 বিষ্ণু অংশে পুত্র আসি জন্মিল উদরে ॥
 পরম হৃন্দর পুত্র ভূমিষ্ঠ হইল ।
 ইন্দ্র বলি নাম তার মুনিবর দিল ॥
 দ্বাদশ আদিত্য তবে জন্মিল বিশেষে ।
 যাহার উদয়ে দিন আপনি প্রকাশে ॥
 কত দিনান্তরে তবে দক্ষের নন্দিনী ।
 ঋতুমান করিয়া স্বামীরে বলে বাণী ॥
 রতি করিলেন মুনি দক্ষের কন্যায় ।
 গর্ভেতে পবন আসি জন্মিল তাহায় ॥
 কহিলেন ভাৰ্য্যারে কশ্যপ তপোধন ।
 ত্রিভুবন ব্যাপিবেক তব এ নন্দন ॥
 ছোট বড় জীব জন্তু আছয়ে যতেক ।
 সর্বভূতে হইবেক নন্দন প্রত্যেক ।
 ইহা সম বলবন্ত কেহ না হইবে ।
 সকল সংসার এই ব্যাপিত করিবে ॥
 শুনি আনন্দিত হৈল দক্ষের নন্দিনী ।
 স্বর্গলোকে চলিলা কশ্যপ মহামুনি ॥
 কত দিনে নারদ আইল সুরপুরে ।
 সঙ্কেতে ডাকিয়া মুনি বলিল ইন্দ্রে ॥

তোমার মায়ে গর্ভে হবে যেই জন ।
 জন্মমাত্র করিবেক জগৎ ব্যাপন ॥
 ইহা বলি যথাস্থানে যান তপোধন ।
 বিশ্বয় মানিয়া ইন্দ্র ভাবিল তখন ॥
 এইক্ষণে না করিলে সংহার ইহারে ।
 জন্মিলে অনেক মন্দ করিবে আমারে ॥
 এতেক বিচার চিন্তে বাসব করিল ।
 সূক্ষ্মরূপে জননীর গর্ভে প্রবেশিল ॥
 যেইকালে নিদ্রাগত দক্ষের নন্দিনী ।
 সেই গর্ভ কাটিয়া করিল সাতখানি ॥
 কাটিলেন পুনঃ একখানি সাতবার ।
 তাহাতে হইল উনপঞ্চাশ প্রকার ॥
 চিন্তিতে মানন্দ ইন্দ্র হইল নির্ভয় ।
 কতদিনে প্রসবিল সকল তনয় ॥
 ক্রমে উনপঞ্চাশ জন্মিল প্রভঞ্জন ।
 দেখিয়া হইল ইন্দ্র সবিস্ময় মন ॥
 অহিংসকে হিংসিয়া পাইলা বড় তাপ ।
 জন্মিল পবনদেব অতুল প্রতাপ ॥
 তবে কতদিনে ইন্দ্র কশ্যপ-নন্দন ।
 গৌতমের স্থানেতে করিল অধ্যয়ন ॥
 চারিবেদ ষটশাস্ত্র অধ্যয়ন কৈল ।
 তথাপিও কিছু তার জ্ঞান না জন্মিল ।
 পরমা হৃন্দরী দেখি গুরুর রমণী ।
 তারে হরিবারে ইচ্ছা করে সুরমণি ॥
 একদিন যান মুনি স্নান করিবারে ।
 দেখে ইন্দ্র গুরুপত্নী একা আছে ঘরে ॥
 মদনে পীড়িত হ'য়ে অদিতি-নন্দন ।
 মায়া কার গুরুরূপী হইল তখন ॥
 গুরুরূপে গুরুপত্নী হারল দেবেন্দ্র ।
 ক্ষণকাল পরে ঘরে আইল মুনেন্দ্র ॥
 স্বামীরে কহিল পরে বিনয় বচন ।
 স্নান করিবারে গেলে করিয়া রমণ ॥
 কিরূপে করিয়া স্নান এলে মুহূর্ত্তেকে ।
 ইহার বৃত্তান্ত প্রভু বলিবা আমাকে ॥
 এত শুনি মুনিবর ভাবি মনে মন ।
 করিল অধর্ম্ম বুঝি কশ্যপ-নন্দন ॥

গুরুপত্নী হরে এত করে অহঙ্কার ।
 অতএব করিব ইহার প্রতিকার ॥
 নিষ্ফল করিলি যত শাস্ত্র অধ্যয়ন ।
 তোর সম অজ্ঞান না দেখি কোনজন ॥
 কপট করিয়া গুরুপত্নী হরিলি ।
 পাণ্ডবি উচিত ফল যে কৰ্ম করিলি ॥
 হটক সহস্রযোনি শক্তের শরীরে ।
 অলজ্ঞ্য গৌতম-বাক্য কে অন্যথা করে ॥
 হইল সহস্রযোনি শক্তের শরীরে ।
 স্বদেহ দর্শনে ইন্দ্র বিবশ্ব অন্তরে ॥
 কোন্ লাঞ্জে দেবমাকো দেখাব বদন ।
 তপস্বী করিয়া আত্মা করিব নিধন ॥
 সকল শরীরে আচ্ছাদিলেক বসন ।
 চিন্তিত হইয়া যান কশ্যপ-নন্দন ॥
 ক্ষীরোদের কূলে গিয়া কশ্যপকুমার ।
 করিল সহস্র বর্ষ তপ অনাহার ॥
 সুরপুর নষ্ট হেথা হয় ইন্দ্র বিনে ।
 পাপিষ্ঠ রাক্ষস নাশ করে রাত্রি দিনে ॥
 তুরন্ত অম্বর সব দেশেতে ব্যাপিল ।
 দান যজ্ঞ তপ জপ সকলি নাশিল ॥
 জানিয়া কশ্যপ মুনি সচিন্তিত মনে ।
 এ সকল তত্ত্ব পরে জানিলেন ধ্যানে ॥
 ব্রহ্মাকে করেন স্তুতি বিবিধ প্রকারে ।
 তোনার নিশ্চিন্ত সৃষ্টি অম্বরে সংহারে ॥
 কুর্কর্ম করিল ইন্দ্র আমার নন্দন ।
 কামবশে গুরুপত্নী করিয়া হরণ ॥
 গৌতম দারুণ শাপ দিলেক তাহারে ।
 হইল সহস্র ভগ তাহার শরীরে ॥
 ক্রোধ করি দেবরাজ মজে অপমানে ।
 ক্ষীরোদের কূলে তপ করে একাসনে ॥
 ইন্দ্র বিনা অম্বরেতে জগৎ ব্যাপিল ।
 তব বিরচিত সৃষ্টি সব নষ্ট হৈল ॥
 অতএব বাসবেরে করহ উদ্ধার ।
 নিস্তার করহ প্রভু শাপান্ত তাহার ॥
 এইরূপ কশ্যপ কহিল বহুতর ।
 শুনিয়া সদয় হইলেন সৃষ্টিধর ॥

গৌতমেরে আনিয়া কেনেহ বহুতর ।
 মম বাক্য রক্ষা তুমি কর মুনিবর ॥
 পাইল উচিত শাস্তি ক্ষমা দেহ মনে ।
 কৃপায় শাপান্ত কর অদিতি-নন্দনে ॥
 গৌতম বলিল মুনি কর অবধান ।
 কহিলাম যে কথা সে না হইবে আন ॥
 তোমার কারণে বর দিলাম তাহারে ।
 সহস্রেক চক্ষু যেন দেবরাজ ধরে ॥
 শুনিয়া কশ্যপ মুনি আনন্দিত মন ।
 যথাস্থানে গেলা করি দেব সম্ভাষণ ॥
 সত্যলোকে গেলেন গৌতম তপোধন ।
 কশ্যপ আইল যথা আপন নন্দন ॥
 অব্যর্থ মুনির বাক্য না হয় থগুন ।
 ভগচিহ্ন অঙ্গে লুপ্ত হইল তখন ॥
 সহস্রেক চক্ষু হৈল ইন্দ্রের শরীরে ।
 আপনাকে দেখি ইন্দ্র হরিষ অন্তরে ॥
 কশ্যপ বলিল পুত্র কর অবধান ।
 অনুচিত কৰ্ম না করিও, সাবধান ॥
 কাম ক্রোধ লোভ মোহ নিতান্ত বর্জিহ ।
 কদাচিত কোনজনে হিংসা না করিহ ॥
 জ্ঞাতি বন্ধু আদি করি যত পরিবার ।
 কদাচিত হিংসা নাহি করিবে কাহার ॥
 এত বলি ইন্দ্রকে প্রেরিল যথাস্থান ।
 এই শুন কাহিলাম পূর্ব উপাখ্যান ॥
 ভীষ্ম যাহা কহিলেন না হয় অন্যথা ।
 সম্প্রতি পাণ্ডবগণে আন রাজা হেথা ॥
 সমুচিত রাজ্য দেহ ছাড়িয়া তাহারে ।
 সমভাবে বাস কর সম ব্যবহারে ॥
 ভাই ভাই বিরোধ নাহিক প্রয়োজন ।
 কুলক্ষয় হবে আর কুশল ঘোষণ ॥
 এইমত দ্রোণ কৃপ বিদ্রর সহিত ।
 বিধিমতে দুর্যোধনে বুঝাইল নীতি ॥
 কার' বাক্য না শুনিল কুরুকুলপতি ।
 অদৃষ্ট মানিয়া গেল যে যার বসতি ॥
 মহাভারতের কথা অমৃত-সমান ।
 কাশীরাম দাস কহে শুনে পুণ্যবান ॥

কুরুসভাতে ধোম্যের প্রবেশ ও কুরুদের প্রতি কথন।

মুনি বলিলেন শুন তবে জন্মেজয় ।
কুরুসভা মধ্যে গেলা ধোম্য মহাশয় ॥
সভায় বসিয়া আছে কোঁরবের পতি ।
সুহৃদ অমাত্য বন্ধুগণের সংহতি ॥
শত ভাই কুরুবংশ রাধাপুত্র আর ।
ভীষ্ম দ্রোণ আর গুরুর কুমার ॥
ধৃতরাষ্ট্র বিদুর অমাত্য যত জন ।
সভা করি বসিয়াছে কোঁরব-নন্দন ॥
হেনকালে কহে গিয়া ধোম্য তপোধন ।
অবধান কর রাজা অশ্বিকানন্দন ॥
পাণ্ডুপুত্র পঞ্চভাই পাঠান আমারে ।
আপন বিভাগ মত রাজ্য লইবারে ॥
কহিলেন বিনয় করিয়া ধর্ম্মরায় ।
সে সকল কথা রাজা কহিতে তোমায় ॥
জ্যেষ্ঠতাতে কহিবা আগার নিবেদন ।
তোমার প্রসাদে জীয়ে ভাই পঞ্চজন ॥
তুমি যে করিবা আজ্ঞা না করিব আন ।
তব অনুবর্তি পঞ্চ পাণ্ডুর সন্তান ॥
যত দুঃখ সহিলাম তোমার কারণ ।
তব বশ হইয়া হারাই রাজ্যধন ॥
যে নির্ণয় পূর্বে হৈল তোমার সাক্ষাতে ।
তাহাতে হইলু মুক্ত দুঃখ সঙ্কটেতে ॥
মহাদুঃখ পাইলাম অরণ্যে বিশেষ ।
জটাবন্ধ পরিধান তপস্বীর বেশ ॥
তৎপরে অজ্ঞাতবাস করি লুকাইয়া ।
পরসেবা করি পর-আজ্ঞাবর্তি হৈয়া ॥
রাজপুত্র হইয়া ক্রীণের ব্যবহার ।
হীনসেবা করিলাম হীন দুরাচার ॥
পাইলাম এত দুঃখ নাহি করি মনে ।
সব দুঃখ পাসরিলু তোমার কারণে ॥
আপন পৈতৃক ভাগ উচিত যে হয় ।
দিয়া শ্রীত কর রাজা আমা সবাঁকায় ॥
ভাই ভাই বিরোধতে নাহি প্রয়োজন ।
এই মত কহিলেন ধর্ম্মের নন্দন ॥

ভীম কহিলেন দর্প করিয়া অপার ।
অন্ধেরে কহিবে অগ্রে মম নমস্কার ॥
ভীষ্ম দ্রোণ কৃপ আর পৃষতকুমারে ।
আমার বিনয় জানাইবে সবাঁকারে ॥
কহিবা নিষ্ঠুর বাক্য রাজা দুর্ঘোষনে ।
যত দুঃখ দিল তাহা সর্বলোকে জানে ॥
ক্ষমিলাম সে সকল চাহিয়া অন্ধেরে ।
উচিত বিভাগ যেন দেয় পাণ্ডবেরে ॥
না দিলে আমার হাতে হবে বংশক্ষয় ।
এইরূপ কহিলেন ভীম মহাশয় ॥
অর্জুন কহিলেন করিয়া মিনতি ।
কহিবা অন্ধের পদে আমার প্রণতি ॥
যত দুঃখ দিল দুই তাহা নাহি মনে ।
তোমার কারণে ক্ষমিলাম দুর্ঘোষনে ॥
যত অপমান কৈল দেখিলে সাক্ষাতে ।
দ্রৌপদীর কেশে ধরি আমিল সভাতে ॥
কপট পাশায় যত সর্বস্ব লইল ।
দ্বাদশ বৎসর বনবাসে পাঠাইল ॥
সহিলাম সেই সেব তোমার কারণে
আমার বিভাগ ছাড়ি দেহ এইরূপে ॥
সম্প্রীতে না দিলে দুঃখ পাইবে অপার ।
এইরূপে বলিলেন ইন্দ্রের কুমার ॥
সহদেব নকুল কহিল বহুতর ।
ধৃষ্টদ্যুম্ন দ্রুপদাদি যত নরবর ॥
পাণ্ডবের সমুচিত বিভাগ যে হয় ।
সন্তোষহ তাহা দিয়া পাণ্ডুর তনয় ॥
এত শুনি ধৃতরাষ্ট্র করিল উত্তর ।
যে কহিলা অসদৃশ নহে মুনিবর ॥
পাইল অনেক দুঃখ পাণ্ডুপুত্রগণে ।
মম হেতু ক্ষমিলেক পাপ দুর্ঘোষনে ॥
কর্ণ দুঃশাসনে নিন্দা করিল অপার ।
মম হেতু ক্ষমিলেক পাণ্ডুর-কুমার ॥
এখন যে কহি তাহা শুন সভাজন ।
প্রিয়ষদ দূত যাক পাণ্ডবের স্থান ॥
প্রিয়বাক্য কহিয়া আনিয়া হস্তিনায় ।
সমুচিত ভাগ দিয়া তোম তা সবায় ॥

নানা বস্ত্র অলঙ্কার ধন বহুতর ।
 পুরস্কার দিয়া তোষ' পঞ্চ সহোদর ॥
 সেই ইন্দ্রপ্রস্থ পুনঃ দেহ অধিকার ।
 যত রত্ন ছিল তার যতেক ভাণ্ডার ॥
 সেই সত্য করিলেক তাহে হৈল পার ।
 সমুচিত ভাগ দেহ উচিত তাহার ॥
 বলিতে অশক্ত নহে ভাই পঞ্চজন ।
 মূর্ত্ত্যুর্ভূতকে জিনিবারে পারে ত্রিভুবন ॥
 অতএব দ্বন্দ্ব কিছু নাহি প্রয়োজন ।
 অর্দ্ধ রাজ্য দিয়া তোষ' পাণ্ডু-পুত্রগণ ॥
 ভীষ্ম বলিলেন ভাল নিল মম মনে ।
 উপযুক্ত যুক্তি বটে কর এইক্ষণে ॥
 বিরোধ হইলে রাজা হবে কোন্ কাজ ।
 সমুচিত ভাগ তারে দেহ মহারাজ ॥
 না দিলে নিশ্চয় রাজা হবে কুলক্ষয় ।
 অতএব সাবধানে শুন মহাশয় ॥
 প্রিয়দত্ত দূত রাজ্য দেহ পাঠাইয়া ।
 পাণ্ডবেরে হেথা আন বিনয় করিয়া ।
 তবে সে তোমার হিত হইবে রাজন ।
 আমারে এতেক কহ কোন প্রয়োজন ॥
 কৌরবের পতি তুমি কৌরবের গতি ।
 তোমা বিনা কুরুকুলে নাহি অব্যাহতি ॥
 তুমি যে কহিবে তাহা কে করিবে আন ।
 সেই চিন্তে লয় তাহা করহ বিধান ॥
 ভাষ্যের এতেক বাক্য শুনি সভ্যগণ ।
 সাধু সাধু বলি প্রশংসিল জনে জন ॥
 ভ্রোণ রূপ বিহুরাদি বাহুল্য নৃপতি ।
 পাণ্ডবে আনিতে সবে দিল অনুমতি ॥
 পুনঃ পুনঃ নানামতে ক'হিল অঙ্করে ।
 নন্দ্রীতে আনহ রাজ্য পঞ্চ সহোদরে ॥
 সমুচিত ভাগ তারে দেহ রাজধানী ।
 এই কন্ম এব প্রিয় শুন নৃপমণি ॥
 এইরূপে কহিল সকল সভাজন ।
 মনে মনে ক্রোধে জ্বলে রাজ্য দুর্ব্যোধন ॥
 পাণ্ডবের প্রশংসা কর্ণেতে লাগে শাল ।
 ক্রোধভরে হেঁটমাথা কুরু মহীপাল ॥

তবে দুর্ব্যোধনে কহে অন্ধ নরপতি ।
 আমার বচন স্মৃত কর অবগতি ॥
 সবার সম্মান রাখ শুন মম বাণী ।
 পাণ্ডবেরে সমুচিত দেহ রাজধানী ॥
 ভাই ভাই সংগীতে করহ রাজাস্থখ ।
 কলহেতে কার্য্য নাহি জন্মে মহাদুঃখ ॥
 লোকেতে কুণ্ঠা ঘোষে অপকীর্ত্তি হয় ।
 পূর্বের কাহিনী শুন কহি যে তোমায় ॥
 মহাভারতের কথা অমৃত-সমান ।
 কাশীরাম দাস কহে শুনে পুণ্যবান ॥

বৃক রাজার উপাখ্যান ।

সূর্য্যবংশে বৃক নামে ছিল নরপতি ।
 মহাধনুশীল রাজা ভগতে স্মৃতি ॥
 স্মৃতি কুমতি তার যুগল বনিতা ।
 কোশলনন্দিনী দৌহে মতা পতিব্রতা ॥
 যুবাকাল গেল তবু পুত্র না হইল ।
 পুত্রবাঞ্ছা করি দৌহে স্বামীরে কহিল ॥
 কত দিনান্তরে বিভাগুর তপোধন ।
 অযোধ্যায় করিলেন শুভ আগমন ॥
 ভার্য্যা সহ নরপতি ছিল অন্তঃপুরে ।
 তথা গিয়া উত্তরিল কে নিবারিবে তাঁরে ॥
 জিতেন্দ্রিয় তেজোময় দেখি তপোধন ।
 ভার্য্যা সহ নরপতি করিল বন্দন ॥
 রাণী সহ করযুড়ি যনি অগ্রে স্থিত ।
 বিভাগুর জিজ্ঞাসেন কিব চাহ হিত ॥
 মহাধনুশীল তুমি নৃপতিপ্রধান ।
 তোমা সম সংসারে ত নাহি ভাগ্যবান ॥
 রূপে কাহ্নেব জিনি শীলতায় ইন্দু ।
 তেজে দিনকর তুমি গুণে গুণসিদ্ধ ॥
 কার্ত্তব্যার্থ্য প্রতাপে সামর্থ্যে হনুমান ।
 কীর্ত্তিতে গণি যে পৃথু রাজার সমান ॥
 সেনাপতি মধ্যে গণি যেন ষড়ানন ।
 সর্ব্বজ্ঞ শ্রেণীতে যেন জ্ঞাবের নন্দন ॥
 কেন দেখি চিন্তাময় উদ্ভ্রম তোমারে ।
 ইহার বৃত্তান্ত রাজা কহিবে আমারে ॥

রাজা বলিলেন মুনি বলিলা প্রমাণ ।
 যে হেতু চিন্তিত আমি বলি সে বিধান ॥
 যুবাকাল গেল মম পুত্র না হইল ।
 এই হেতু মনস্তাপ মনেতে রহিল ॥
 সকল হইতে সেই জন অতি দীন ।
 সর্ব সুখ বিহীন যে হয় পুত্রহীন ॥
 জলহীন নদী যেন নহে স্রশোভন ।
 পদ্মহীন সর ফলহীন তরুগণ ॥
 চন্দ্র বিনা রাত্রি যেন সর্ব অন্ধকার ।
 শাস্ত্রবিদ্যাহীন যেন ব্রাহ্মণ-কুমার ॥
 ধর্মহীন জন যেন ধনহীন গৃহী ।
 জীবহীন জন্তু যেন দন্তহীন অহি ॥
 পুত্রহীন জনের জীবন অকারণ ।
 এই হেতু চিন্তা মম শুন তপোধন ॥
 এত শুনি হৃদয়ে ভাবিল মুনিবর ।
 রাজারে চাহিয়া পুনঃ করিল উত্তর ॥
 পুত্রোষ্টি করহ রাজা করিয়া যতন ।
 মহাবলবন্ত হবে তোমার নন্দন ॥
 পরাজিবে সকল পৃথিবী বাহুবলে ।
 হইবে তনয় তব যজ্ঞ-পুণ্যফলে ॥
 এত বলি অন্তর্হিত হন তপোধন ।
 করিল পুত্রোষ্টি রাজা করি আয়োজন ॥
 স্মৃতির গর্ভে হয় যুগল নন্দন ।
 পরম সুন্দর রূপ নৃপতি-লক্ষণ ॥
 কুমতির গর্ভে হৈল একমাত্র পুত্র ।
 দিনকর সম তেজ তেজপুঞ্জ গাত্র ॥
 দিনে বাড়ে সবে রাজার নন্দন ।
 পুত্র দেখি নরপতি আনন্দিত মন ॥
 স্মৃতির গর্ভে হৈল দুই গুণধাম ।
 পাইলেন তালজজ্য হৈহয় যে নাম ॥
 রূপে গুণে অনুপম কুমতিনন্দন ।
 বাহু নাম রাখিলেন বাছিয়া রাজন ॥
 কত দিনে বৃদ্ধকালে বৃক নরপতি ।
 তিন পুত্রে ডাকিয়া আনিল শীত্ৰগতি ॥
 তিন পুত্রে রাজ্যধন ভাগ করি দিল ।
 ভার্য্যা সহ নরপতি অরণ্যে চলিল ॥

তপঃযোগ সাধিয়া পাইল দিব্যগতি ।
 রাজ্যতে হইল রাজা বাহু নরপতি ॥
 রাজার পালনে প্রজা দুঃখ নাহি জানে ।
 একচ্ছত্র নরপতি এ মর্ত্য ভুবনে ॥
 মহাধর্মশীল রাজা বৃকের নন্দন ।
 নিরন্তর যজ্ঞে রত অন্য নাহি মন ॥
 অযোনিসম্ভবা কন্যা নামে সত্যবতী ।
 বিবাহ করিল শুনি আকাশ ভারতী ॥
 এক ভার্য্যা বিনা তার অন্তে নাহি মতি ।
 পুরুষবা রাজা যেন বুধের সন্ততি ॥
 কতদিনে ঋতুযোগে রাণী গর্ভবতী ।
 গণিয়া গণকগণ কহিল ভারতী ॥
 ইহার গর্ভেতে যেই হইবে নন্দন ।
 ত্রিভুবনে রাজা হবে সেই বিচক্ষণ ॥
 অস্ত্রে শস্ত্রে বিজ্ঞবর মহাধনুর্ধর ।
 করিবেন শত অশ্বমেধ নরবর ॥
 শুনি আনন্দিত রাজা হইল অন্তরে ।
 বহু পুরস্কার দিল ব্রাহ্মণগণেরে ॥
 তবে কত দিনান্তে নারদ তপোধন ।
 হৈহয় রাজার পুরে করিল গমন ॥
 নারদে দেখিয়া রাজা অভ্যর্থনা করি ।
 বসাইল দিব্য রত্ন-সিংহাসনোপরি ॥
 পাণ্ড অর্ঘ্য দিয়া রাজা পূজন করিল ।
 মুনিবরে বিনয়পূর্বক জিজ্ঞাসিল ॥
 সর্বশাস্ত্রে বিজ্ঞ তুমি কুলপুরোহিত ।
 বশিষ্ঠ-মুখেতে তব শুনিয়াছি নাত ॥
 জ্ঞাতি মধ্যে যেই ধনে জনে বলবান ।
 ক্ষত্ৰিয়েতে সেই শত্রু গণি যে প্রধান ॥
 বলে ছলে শত্রুকে না ক্ষমি কদাচন ।
 হেন নাত শাস্ত্রেতে লেখেন মুনিগণ ॥
 কহ মুনি আমা প্রাতি ইহার বিধান ।
 নারদ বলেন রাজা কহিলে প্রমাণ ॥
 বলে ছলে শত্রুকে না ক্ষমিবে কখন ।
 নিজবশে আনি পরে করিবে নিধন ॥
 কহিলা প্রমাণ রাজা না হয় অন্যথা ।
 শত্রুকে করিবে নষ্ট পাবে যথা তথা ॥

গর্ভে যদি জন্মে শত্রু দৈববাণী কয় ।
 তাহারে বধিবে প্রাণে শাস্ত্রের নির্ণয় ॥
 পূর্বে শুনিয়াছি আমি বিরিকির স্থান ।
 কহিব তোমারে নৃপ কর অবধান ॥
 বাহুর ঔরসে যেই হইবে নন্দন ।
 বাহুবলে পরাজিবে সমস্ত ভুবন ॥
 শত্রু অশ্রমে যজ্ঞ করিবে নিশ্চয় ।
 তোমা আদি জ্ঞাতিগণে করিবেক ক্ষয় ॥
 উপায়েতে গর্ভ যদি পার নাশিবারে ।
 তবে তব শ্রেয়ঃ হয় জানাই তোমারে ॥
 এত বলি নারদ হইল অন্তর্দ্বান ।
 শুনিয়া নৃপতি হইল সচিন্তিত প্রাণ ॥
 অনুক্ষণ চিন্তিয়া আকুল নরবর ।
 একদিন বসিলেন সভার ভিতর ॥
 শত্রু পাশে ল'য়ে যুক্তি করেন রাজন ।
 বাহুর ঔরসে যেই হইবে নন্দন ॥
 রান্না আদি করিয়া যতেক জ্ঞাতিচয় ।
 তাহলে করিবেক সবাকারে ক্ষয় ॥
 তাহার উপায় কিছু কর মন্ত্রিগণ ।
 করুণে রাণীর গর্ভ করিব নিধন ॥
 তাহাতে সমর্থ না হইব কদাচন ।
 তি না করিব যুদ্ধ হারাব জীবন ॥
 হিংস্র বলিলেন শুন নৃপমণি ।
 নিমন্ত্রিয়া আন হেথা ভূপতি-রমণী ॥
 তাহা খাওয়ার ছলে উপায় কারণে ।
 বদপান করাইয়া মারহ পরাণে ॥
 এ ভিন্ন উপায় না দেখিতেছি আর ।
 ইমত করি রাজা শিশুকে সংহার ॥
 পতি বলেন মন্ত্রী কহিলে শোভন ।
 রণীশ্র ভক্ষ্য ভোজ্য দ্রব্য আয়োজন ॥
 রন করিতে বল সূপকারগণে ।
 রোহে করিবা যেন কেহ নাহি শুনে ॥
 পরিবারগণ সহ বরিয়া রাজারে ।
 নিমন্ত্রিয়া আন হেথাকারে ॥
 তার আদেশ মত যত মন্ত্রিগণ ।
 হরাজে আনিলেন করি নিমন্ত্রণ ॥

বিষ দিয়া উপহারে ভোজনের কালে ।
 রাজার মহিমীরে খাওয়াইল ছলে ॥
 তথাপিও গর্ভপাত হইল না তার ।
 চলিলেন বাহুরাজা সহ পরিবার ॥
 সে সব বৃত্তান্ত রাণী কহিল রাজারে ।
 বিষ খাওয়াল মোরে মারিবার তরে ॥
 অহিংসায় হিংসা সৃষ্টি কৈল ছুরাচার ।
 শুনিয়া নৃপতি মনে হইল দিকার ॥
 অহিংসকে হিংসয় যে পাপিষ্ঠ দুর্জনে ।
 তাহার সংসর্গে নাহি রহিব কখন ॥
 পাপ সঙ্গে থাকিলে পাপেতে হয় মন ।
 পুণ্যাজ্ঞার সঙ্গ হয় মোক্ষের কারণ ॥
 অপত্য না ছিল হৈল বিধির ঘটন ।
 তাহে দুর্ঘট জ্ঞাতিগণ করিল হিংসন ॥
 এইরূপে করে রাজা সদা অনুভব ।
 দ্বিতীয় বৎসর গর্ভ না হয় প্রসব ॥
 অনুদিন হৈহয় অনুজ তালজঙ্ঘে ।
 রিপুভাব করিলেন ভূপতির সঙ্গে ॥
 কার্তব্যার্থ্যজ্ঞানের সহিত মৈত্র্য করি ।
 সংগ্রামে জিনিয়া তাঁর রাজ্য নিল হরি ॥
 যুদ্ধে পরাজিত হ'য়ে বাহু নরপতি ।
 প্রবেশিল বনমধ্যে বনিতা সংহতি ॥
 দেখিল আশ্রম বন অতি সুশোভন ।
 ফল ফুলে সুশোভিত বৃক্ষলতাগণ ॥
 দিব্য সরোবর আছে বন অভ্যন্তরে ।
 তাহে জলচরগণ সদা কেলি করে ॥
 পুণ্য সরোবর সেই নাম বিন্দুসর ।
 প্রফুল্ল উৎপল কত অতি মনোহর ॥
 ভাষ্যাসহ তথা রাজা করিল গমন ।
 সরোবর দেখি ভূপ গানানন্দিত মন ॥
 তথায় আশ্রম জন্য রচিত্য পুটির ।
 চিন্তায় আসল রাজা চিত্ত নহে স্থির ॥
 নৃপতির কালপ্রাপ্তে হইল নিধন ।
 ব্যাকুল হইয়া রাণী মুদিল নয়ন ॥
 অনেক রোদন করে বনে একেশ্বরী ।
 নিবৃত্তা হইয়া পরে মনে যুক্তি করি ॥

চিতা করি কাষ্ঠ দিয়া জ্বালি বৈশ্বানর ।
 তদুপরি রাখিল নৃপতি-কলেবর ॥
 চিতা আরোহিতে চিতা প্রদক্ষিণ করে ।
 হেনকালে ঔৰ্ব্ব মুনি আইল তথাকারে ॥
 গৰ্ভবতী নারী চিতা আরোহণ করে ।
 দেখিয়া বিস্ময় মুনি মানিল অন্তরে ॥
 নিকটেতে গিয়া শীঘ্র করে নিবারণ ।
 রাণীকে চাহিয়া পরে বলে তপোধন ॥
 চিতা আরোহণ না করিবে কদাচিত ।
 অবধানে শুন মাতা শাস্ত্রের বিহিত ॥
 দিব্যচক্ষে আমরা দেখিতে পাই সব ।
 রাজচক্রবর্তী তব গর্ভে অনুভব ॥
 বাহুবলে জিনিবেক যত রিপুগণে ।
 একচ্ছত্রে রাজা হবে এ মর্ত্ত ভুবনে ॥
 ব্রাহ্মণে দিবেক দান সদা অপ্রমিত ।
 না হইল না হইবে তাহার তুলিত ॥
 গৰ্ভবতী নারী যদি অনুমৃত্যু হয় ।
 পঞ্চ মহাপাপ আসি তাহারে বেড়য় ॥
 কদাচিত স্বামী সঙ্গে না হয় মিলন ।
 ঘোর নরকেতে তার হয় ত গমন ॥
 যত পুণ্যকর্ম তার সব নষ্ট হয় ।
 পুণ্যফল যত কিছু কদাচ না পায় ॥
 রজঃস্বলা কিস্মা শিশু পুত্রেতে ছাড়িয়া ।
 পতি সঙ্গে যেই নারী মরয়ে পুড়িয়া ॥
 পঞ্চ মহাপাতক ভাগিনী সেই হয় ।
 ব্যর্থ তার ধর্ম্ম কস্ম সন্ত বিষয় ॥
 অগ্নিহোত্রে নৃপতির করিয়া দাহন ।
 নারীকে লইয়া গেল আপন সদন ॥
 প্রেতকর্ম করিলেক ভর্ত্তার বিধানে ।
 আর শ্রাদ্ধ শান্তি দান ত্রয়োদশ দিনে ॥
 সেবা বশে সন্তুষ্ট হইল তপোধন ।
 এইরূপে ছিল রাণী মুনির সদন ॥
 অন্যথা না হয় কভু বিধির লিখন ।
 মহারাণী প্রসবিল অপূর্ব নন্দন ॥
 গরল সহিত জন্ম হইল তাহার ।
 এ জন্য সগর নাম হইল প্রচার ॥

দিনে দিনে বাড়িল সে স্মন্দর লক্ষণ ।
 শুক্লপক্ষ চন্দ্রকলা বাড়য়ে যেমন ॥
 দরিদ্র পাইল যেন পূর্ব হারাধন ।
 সেমত পাইল রাণী অপত্য রতন ॥
 মধু ক্ষীর দুগ্ধ চিনি আনি প্রয়োজন ।
 যত্ন করি সেই শিশু করিল পালন ॥
 করাইল নানা অস্ত্র শাস্ত্র অধ্যয়ন ।
 অল্পদিনে হইলেন শাস্ত্রে বিচক্ষণ ॥
 নবীন বয়সে শিশু মহাবলধর ।
 একদিন তীর্থস্থানে গেল মুনিবর ॥
 একান্তে মায়েরে শিশু জিজ্ঞাসিল বাণী ।
 কোন্ বংশে জন্ম মম কহ গো জননী ॥
 কাহার ত-য় আমি কহিবা নিশ্চয় ।
 এই মুনিবর বুঝি মম পিতা হয় ॥
 শিশুকাল পিতৃহীন হয় বেইজন ।
 দুঃখী হৈতে দুঃখী সেই জন্ম অকারণ ॥
 চন্দ্র বিনা রাত্রি যেন সব অন্ধকার ।
 গায়ত্রী বিহীন যেন ব্রাহ্মণ-কুমার ॥
 ধনহীন গৃহী যেন ধর্ম্মহীন নর ।
 বেদহীন বিপ্র যেন পদ্মহান সর ॥
 পিতৃহীন পুত্র তথা শোভা নাহি পায় ।
 সে কারণে কহ মাতা জিজ্ঞাসি তোমার ॥
 শুনি রাণী কহিলেন করিয়া রোদন ।
 বড় ভাগ্য ছিল তুমি হইলা নন্দন ॥
 মহারাজবংশে পুত্র উৎপত্তি তোমার ।
 তুমি সূর্য্যবংশে রাজা বাহুর কুমার ॥
 তালজজ্ঞ হৈহয় সে পাপী জাতগণ ।
 কপটে তোমার বাপে করিল নিধন ॥
 যেই কালে তোমা আমি ধরিনু উদরে ।
 বিষ খাওয়ায় মোরে মারিতে তোমারে ॥
 দৈববলে রক্ষা হৈল তোমার জীবন ।
 আমা সহ এই বনে আইল রাজন ॥
 হিংসকের হিংসাতে চিন্তিত নরবর ।
 ব্যাধিযুক্ত নৃপতি ছাড়েন কলেবর ॥
 অনুমৃত্যু হইতে মম চিন্তা উপজিল ।
 ঔৰ্ব্ব মুনি আসি মোরে বারণ করিল ॥

মুনির আশ্রমে আমি আছি এ কারণ ।
 এতক বলিয়া রাগী করিলা রোদন ॥
 শুনিয়া সগর ক্রোধে অরুণ লোচন ।
 জননীর ক্রন্দন করিয়া নিবারণ ॥
 নানাবিধ অস্ত্র শস্ত্র সঙ্গে করি লয় ।
 প্রণমিয়া জননীরে হইল বিদায় ॥
 মুনির প্রণাম করি বিদায় হইয়া ।
 হৃন্দ বান্ধবগণে সহায় করিয়া ॥
 বর্তমান ছিল যত পিতৃ-শত্রুগণ ।
 অস্ত্রেতে কাটিয়া সবে করিল নিধন ॥
 একেশ্বর বিনাশিল যত রিপুগণ ।
 প্রাণভয়ে কেহ নিল বশিষ্ঠ-শরণ ॥
 কাতর দেখিয়া তারে দিল প্রাণদান ।
 কোন জন মুনিস্থানে রাখিল পরাণ ॥
 তবে মুনি বশিষ্ঠ তাহারে নিবারিল ।
 অযোধ্যায় ল'য়ে সিংহাসনে বসাইল ॥
 একচ্ছত্রা রাজা হৈল ধরণীমণ্ডলে ।
 যত ক্ষত্রগণেরে শাসিল বাহুবলে ॥
 সমস্ত নাটী সহস্র তাহার ঔরসে ।
 অসাবধি যার কীর্তি সংসারেতে ঘোষে ॥
 বনবান পুত্র যত মন্ত ছুরাচার ।
 ব্রহ্মণের শাপে তারা হইল সংহার ॥
 অহংগকে হিংসিলেই হয় এই শ্রুতি ।
 জগতে অকীর্তি রহে অশেষ দুর্গতি ॥
 এ কারণে শুন পুত্র না হও বিমন ।
 পাণ্ডবের সহ হৃন্দে নাহি প্রয়োজন ॥
 সমুচিত ভাগ তার প্রাপ্য যাহা হয় ।
 তাহা দিয়া প্রীতি কর পাণ্ডুর তনয় ॥
 ভাই ভাই বিরোধেতে নাহি প্রয়োজন ।
 অনুমতি কর আনাইতে পঞ্চজন ॥
 সেই ইন্দ্রপ্রস্থে পুনঃ দেহ অধিকার ।
 তাহাদের সহ হৃন্দে কি কাজ তোমার ॥
 হৃদ্যোধন বলিলেন এ নহে বিচার ।
 আমার পরম শত্রু পাণ্ডুর কুমার ॥
 বিনা যুদ্ধে ছাড়িয়া না দিব রাজ্যধন ।
 ক্ষত্রধর্ম শাস্ত্রমত আছে নিরূপণ ॥

ক্ষত্র হ'য়ে বৈরীকে না করিবে বিশ্বাস ॥
 রিপুর মহিমা কেহ না করে প্রকাশ ॥
 যে হোক সে হোক তাত ক্রোধ কর তুমি ।
 বিনাযুদ্ধে পাণ্ডবে না দিব রাজ্যভূমি ॥
 এত বলি সভা হৈতে চলিল উঠিয়া ।
 কর্ণ দুঃশাসন আর দুষ্ক মন্ত্রী নিয়া ॥
 মহাভারতের কথা অমৃত-সমান ।
 ব্যাস বিরচিল দিব্য ভারত-পুরাণ ॥
 শুনিলে অধর্ম খণ্ডে না কর সংশয় ।
 পয়ার প্রবন্ধে কাশীরাম দাস কয় ॥

ধৃতরাষ্ট্রের প্রতি বিদ্রূপের হিতোপদেশে ॥

কহিলা বৈশম্পায়ন শুনহ রাজন ।
 সভা হৈতে উঠি যদি গেল দুর্ব্যোধন ॥
 কারো বাক্য না শুনিল কুরু-অধিকারী ।
 অধোগুথ হইয়া রহিল দণ্ড চারি ॥
 ভীষ্ম দ্রোণ কৃপ আদি যত সভাজন ।
 সভা হৈতে উঠিয়া চলিল সেইক্ষণ ॥
 অদৃষ্ট মানিয়া সবে গেল নিজ স্থান ।
 বিদ্রূপ বলিল ধৃতরাষ্ট্রে বিদ্রুমান ॥
 কুলক্ষয় হেতু দুর্ব্যোধনের বিধান ।
 সুস্পষ্ট কথায় তাহা হইল প্রমাণ ॥
 অর্দ্ধ রাজ্য ছাড়ি দেহ পাণ্ডুর নন্দনে ।
 নতুবা তোমার রাজ্য রহিবে কেমনে ॥
 আপনার রাজ্য যদি বাঞ্ছ নরেশ্বর ।
 পাণ্ডবের সহ কর সম্প্রীত মত্তর ॥
 পূর্বের কাহিনী কিছু কহিব তোমারে ।
 কত কত রাজা হ'য়েছিল এ সংসারে ॥
 আছিল উত্তানপাদ ধর্ম অবতার ।
 মণ্ডুপীপা পৃথিবীতে যার অধিকার ॥
 ইন্দ্রের সম্পদ ভুল্য যাহার ধন ।
 জলবিশ্ব প্রায় সব দেলিল রাজন ॥
 হিংসা হেন বস্ত্র তাঁর না জন্মিল মনে ।
 সকল ছড়িয়া রাজা প্রবেশিল বনে ॥
 তপ যজ্ঞ আরস্তিয়া পান দিব্যগতি ।
 তাঁহার তনয় প্রব জগতে স্মৃতি ॥

যাঁহার মহিমা যশে পূরিল সংসার ।
 মহাধর্ম্মশীল ছিল ধর্ম্ম অবতার ॥
 অনন্তর সূর্য্যবংশে রঘুরাজা ছিল ।
 যাঁর যশস্বস্ত্রে সর্ব্ব ভুবন ভরিল ॥
 অতুল সম্পদ ভোগ করিলা জগতে ।
 নাম মাত্র হিংসা কভু না ছিল মনেতে ॥
 এরূপ ছিলেন কত চন্দ্র সূর্য্যকূলে ।
 নানা দান নানা যজ্ঞ করিল বহুলে ॥
 তব পুত্র দুর্ঘ্যোধন হয়েছে যেমন ।
 পৃথিবীতে জন্মে নাহি হেন কোন জন ॥
 কপটি হিংসক তুর মহাভূম্যমতি ।
 ইহার কারণে রাজা হইবে অখ্যাতি ॥
 কুলক্ষয় হইবেক লোকে উপহাস ।
 কুশল ঘোষণা কূলে কলঙ্ক প্রকাশ ॥
 সে কারণে বলি নৃপ শুন সবাধানে ।
 দ্বন্দ্ব না করিহ রাজা পাণ্ডবের সনে ॥
 ভীমের বিক্রম তুমি শুনিয়াছ কাণে ।
 যুদ্ধেতে করিল জয় যক্ষ-রক্ষগণে ॥
 হিড়িম্ব কিস্কিন্দীর আর বক নিশাচর ।
 বাহুবলে সংহার করিল বৃকোদর ॥
 ভীম ক্রোধ করিলে না আছে রক্ষা কার ।
 মুহূর্ত্তেকে সাবাকারে করিবে সংহার ॥
 অর্জুনের যে অতুল প্রতাপ ভুবনে ।
 বাহুবুদ্ধেপরাভব করে পঞ্চাননে ॥
 স্নেহ করি ইন্দ্র যারে স্বর্গে নিয়া যান ।
 নানা বিত্তা অস্ত্র শস্ত্র দিলা শিগ্গাদান ॥
 কালকেয় নিবাতকবচ দৈত্যগণ ।
 দেবের অবধ্য রিক্ত প্রতাপে তপন ॥
 তাদের মারিয়া শান্তি দিল দেবগণে ।
 কোন্ বীর যুঝিবেক অর্জুনের সনে ॥
 উত্তর গোবৃহে ভাই দেখিহু নয়নে ।
 একেশ্বর ধনঞ্জয় সবাচারে জিনে ॥
 পরকার্য্য হেতু কারে না মারিল প্রাণে ।
 তথাপিও জ্ঞান না জন্মিল দুর্ঘ্যোধনে ॥
 আপনার মৃত্যু বুঝি বাঞ্ছিল আপনে ।
 পাণ্ডবের সনে যুদ্ধ ইচ্ছা করে মনে ॥

এখন যে হিত কহি শুন নরবর ।
 দূত পাঠাইয়া দেহ বিরাটনগর ॥
 সম্প্রীতে হেথায় আন পাণ্ডুর কুমার ।
 সেই ইন্দ্রপ্রস্থে পুনঃ দেহ অধিকার ॥
 এই কর্ম্ম তব প্রিয় দেখি যে রাজন ।
 দ্বন্দ্ব হৈলে হইবেক সমস্ত নিধন ॥
 ধৃতরাষ্ট্র বলিলেন কহিলে প্রমাণ ।
 সম্প্রীতে করিয়া আন পাণ্ডুর সন্তান ॥
 যে সত্য করিয়াছিল পাণ্ডুর কুমার ।
 ধর্ম্মবলে তাহাতে হইল তারা পার ॥
 আপনার ভাগ রাজ্য পাইতে উচিত ।
 দুর্ঘ্যোধনে তুমি ভাই বুঝাও স্মরিত ॥
 অন্ধ দেখি দুর্ঘ্যোধন আমারে না মান ।
 ধর্ম্ম নীতিশাস্ত্র তুমি বুঝাও আপনে ॥
 বিদুর বলিল আমি কি বুঝাব নীত ।
 মম বাক্য শুনিলে সে ভাবে বিপরীত ॥
 এখন কহিয়া মম কোন প্রয়োজন ।
 যেবা ইচ্ছা করুক তাহার যাহে মন ॥
 এত বলি বিদুর বসিল অধোমুখে ।
 ধৌম্য পুরোহিত তবে কহিল রাজাকে ॥
 মহামত্ত দুর্ঘ্যোধন আমি ভাল জানি ।
 সংগ্রীতে পাণ্ডবে নাহি দিবে রাজধানী ॥
 পূর্বে যেন বলি বিরোচনের কুমার ।
 বাহুবলে পরাজিল সকল সংসার ॥
 সম্পদে হইয়া গন্ত না মানিল কারে ।
 জ্ঞাতি বন্ধুজনে হিংসা কৈল অহঙ্কারে ॥
 বলিরে বাঞ্ছিয়া হরি পাতালে রাখিয়া ।
 ইন্দ্রকে ইন্দ্রত্ব পুনঃ দিলেন ডাকিয়া ॥
 সেই হরি পাণ্ডবের সহায় আপনি ।
 যাঁহার প্রসাদে প্রাপ্ত হবে রাজধানী ॥
 এত শুনি জিজ্ঞাসিল অশ্বিকানন্দন ।
 কহ শুনি মুনিবর ইহার কারণ ॥
 কি কারণে বলি দ্বৈষ হৈল সুরগণে ।
 ইন্দ্র সহ বিবাদ হইল কি কারণে ॥
 ধৌম্য বলিলেন তাহা কহিতে বিস্তার ।
 মজ্জেকপে বলিব কিছু শুন সারোদ্ধার ॥

উত্তোগপর্বের কথা অমৃত-সমান ।
পাণ্ডবের উপাখ্যান অদ্ভুত আখ্যান ॥
শুনিলে অধর্ম্য খণ্ডে হরে ভবভয় ।
পয়ার প্রবন্ধে কাশীরাম দাস কয় ॥

বলি বামোনোপাখ্যান ।

তবে ধোম্য কহে শুন অশ্বিকানন্দন ।
কহিব অপূর্ব কথা করহ শ্রবণ ॥
আদি দৈত্য হিরণ্যকশিপু হিরণ্যক্ষ ।
মহাবলয়ন্ত হৈল প্রতাপে পাবক ॥
দ্বিতির গর্ভের জাত কণ্ডপ ঔরসে ।
জগতের মধ্যে দুন্ট হইল বিশেষে ॥
গ্রাহার নন্দন হৈল বিখ্যাত জগতে ।
সর্ব শাস্ত্রে বিচক্ষণ প্রহ্লাদ নামেতে ॥
বীর পুত্র বিরোচন বিখ্যাত ভুবনে ।
সরে বিড়ম্বিল আসি অদिति নন্দনে ॥
ব্রহ্মরূপেতে আসি দান মাগি নিল ।
সেইক্ষণে বিরোচন নিজ অঙ্গ দিল ॥
ব্রহ্মাণের হেতু ত্যজে আপনার প্রাণ ।
গ্রাহার নন্দন হৈল বলি মতিমান ॥
প্রতাপে প্রচণ্ড বলি দেবের দুর্জয় ।
বাহুবলে সর্গ মর্ত্য করিলেক জয় ॥
জানিলেক শুক্র গুরুস্থানে উপদেশে ।
ভুল করি দেবরাজ বাপেরে বিনাশে ॥
পত্নীবৈরী হয় ইন্দ্র শুনিল শ্রবণে ।
সেইক্ষণে ডাকি আজ্ঞা দিল দৈত্যগণে ॥
সুহৃৎ সৈন্যসহ সাজিল ছরিত ।
ইন্দ্রের নগরে গিয়া হৈল উপনীত ॥
বিবিধ বাছের শব্দে পূরিল গগন ।
দৈত্যসৈন্য ব্যাপিলেক ইন্দ্রের ভুবন ॥
শুনি দেবরাজ ক্রোধে ল'য়ে সৈন্যচয় ।
গ্নির সহিত রণ করিল প্রলয় ॥
দৌহে বলবন্ত দৌহে সংগ্রামে প্রচণ্ড ।
নাহি অস্ত্ররুষ্টি করে যেন যমদণ্ড ॥
শূল শক্তি জাঠি ভূষণী মুদগর ।
পরশু পটীশ গদা বিশাল তোমর ॥

যেন প্রলয়ের কালে মজাইতে সৃষ্টি ।
দেবতা অন্তরগণ করে বাণরুষ্টি ॥
বলিরে চাহিয়া ইন্দ্র বলে ক্রোধমন ।
মোর হস্তে আজি তোর হইবে নিধন ॥
এই দেখ অস্ত্র মোর ঘোর দরশন ।
ইহার প্রহারে তোরে করিব নিধন ॥
এত বলি ইন্দ্র অস্ত্র যুড়িল ধনুকে ।
ক্ষণে অস্ত্ররুষ্টি হয় ধনুকের মুখে ॥
শূন্যেতে আইসে অস্ত্র উল্কার সমান ।
অর্দ্ধচন্দ্রে বাণে বলি করে দুইখান ॥
অস্ত্র বার্থ দেখি ইন্দ্র মনে পেয়ে লাজ ।
শক্তি অস্ত্র হানে তার হৃদয়ের মাঝ ॥
দুই বাণে বলি তাহা করে দুই খণ্ড ।
বাহুবলে মায়াবলে বিক্ষল প্রচণ্ড ॥
সেই অস্ত্রাবানে ইন্দ্র হইল মুচ্ছিত ।
মাতলি বাহুড়ি রথ পলায় ছরিত ॥
কতক্ষণে দেবরাজ হন সচেতন ।
মাতলিরে নিন্দা করি বলিল বচন ॥
সম্মুখ সংগ্রাম মধ্যে বাহুড়িলি রথ ।
পলাইয়া গেলি যেন নাহি দেখি পথ ॥
মাতলি বলিল মোরে নিন্দ অকারণ ।
অবধানে কহি শুন শাস্ত্র নিরূপণ ॥
রথী মুচ্ছা দেখি রথ বাহুড়ে সারথি ।
যুদ্ধশাস্ত্রে যোদ্ধাগণ কহে হেন নীতি ॥
ইন্দ্র বলে শীঘ্র তুমি বাহুড়াহ রথ ।
বলিরে দেখাব আমি শমনের পথ ॥
আজ্ঞা মাত্র রথ পুনঃ চালায় মাতলি ।
হাতাতে পরিঘ নিল ইন্দ্র মহাবলী ॥
পরিঘ এড়িল ইন্দ্র উপরে বলির ।
মুকুট কুণ্ডল সহ কাটিলেন শির ॥
হাহাকার শব্দ করে যত দৈত্যগণ ।
পলাইল সকলে না রহে একজন ॥
তবে দৈত্য সমবেত হ'য়ে কতজনে ।
কান্দে করি বলিরাজে ল'য়ে সেইক্ষণে ॥
ক্ষীরসিদ্ধ স্থানে গেল সবে শুক্রস্থান ।
মন্ত্রবলে শুক্র তারে দিল প্রাণদান ॥

গুরুর প্রসাদে বলি পাইল জীবন ।
 বিধিমতে করে বলি গুরু আরাধন ॥
 গুরু আরাধিয়া বলি পায় দিব্য বর ।
 করিলেক শিক্ষা ব্রহ্মমন্ত্র ষড়ঙ্কর ॥
 মহামন্ত্র পেয়ে তবে বিচারিল মনে ।
 অমর অজেয় আমি হৈব ত্রিভুবনে ॥
 এতেক ভাবিয়া বলি সত্বরে চলিল ।
 হিমালয় তটে গিয়া তপ আরম্ভিল ॥
 করিল কটোর তপ লোকে ভয়ঙ্কর ।
 পবন ভক্ষিয়া রহে সহস্র বৎসর ॥
 তপে তুষ্ট হইয়া বলিরে দিতে বর ।
 আইলেন চতুর্মুখ মরাল উপর ॥
 ডাক দিয়া বলিরে কহেন প্রজাপতি ।
 তপসিদ্ধ হৈল তব শুন মহামতি ॥
 তোমার তপেতে তুষ্ট হইলাম আমি ।
 যেই বর মনে লয় মাগি লহ তুমি ॥
 শুনিয়া কহিল বলি করিয়া প্রণতি ।
 বর যদি দিবা মোরে সৃষ্টি অধিপতি ॥
 অজেয় অমর হব ভুবনমণ্ডলে ।
 ত্রিভুবন হউক আমার করতলে ॥
 স্বর্গ মর্ত্য পাতালেতে আছে যত জন ।
 কারো হাতে না হইবে আমার মরণ ॥
 বর দিয়া স্বস্থানে গেলেন প্রজাপতি ।
 তপোযোগ করি বলি করিল আরতি ॥
 শুভকাল উদয় হইল আসি তার ।
 সৈন্য সাজিয়া বলি গেল নিজাগার ॥
 ইন্দ্রের সহিত পুনঃ আরম্ভিল রণ ।
 দৌহাকার রণকথা না হয় বর্ণন ॥
 গুরু আরাধিয়া বলি মহাবল ধরে ।
 যুদ্ধে পরাভব করে অদिति-কুমারে ॥
 পবন শমন রুদ্ধ বরুণ তপন ।
 ইন্দ্রাদি তেত্রিশ কোটি যত দেবগণ ॥
 যুদ্ধে পরাভব বলি করিল সবারে ।
 পলাইয়া দেবগণ গেল স্থানান্তরে ॥
 দেবের সকল কর্ম লইল অশ্বরে ।
 নররূপে দেবগণ ভ্রমে মহীপরে ॥

শুক্র গুরু আসি তবে উপদেশ দিল ।
 শত অশ্বমেধ বলি আরম্ভ করিল ॥
 মহাযজ্ঞ আরম্ভ করিল দৈত্যশ্বরে ।
 নররূপে দেবগণ সংসারে বিহরে ॥
 অদिति পুত্রের দুঃখ হৃদয়ে চিন্তিল ।
 দেবের দেবত্ব বলি দৈত্য হরি নিল ॥
 পুনরপি কি প্রকারে নিজ রাজ্য পায় ।
 চিন্তিল অদिति মনে না দেখি উপায় ॥
 মহাভারতের কথা অমৃত-সমান ।
 কাশীরাম দাস কহে শুনে পুণ্যবান ॥

অদিতির তপশ্চা ও বিষ্ণুর প্রতি শ্রব ।

হৃদে বিচারিল তবে দেবের জননী ।
 উপায় না দেখি আর বিনা চক্রপাণি ॥
 সংসারের হর্তা কর্তা দেব নারায়ণ ।
 বিশ্বস্রষ্টা পোষ্টা তিনি সংহার কারণ ॥
 তাঁহা বিনা এ বিপদে কে করিবে জ্ঞান ।
 তিনি ভক্তজনে কৃপা করেন প্রদান ॥
 বিনা তপে তুষ্ট নহিবেন ভগবান ।
 ভাবিয়া ক্ষীরোদকূলে করিল প্রস্থান ॥
 করিল কঠোর তপ দেবের জননী ।
 তিন দিনে খায় তবে তিন লোটা পানি ॥
 অনন্তরে মাস মধ্যে খায় একবার ।
 তার পার পরিত্যাগ করিল আহার ॥
 ধ্যান অবলম্ব্য হেতু করে নিরূপণ ।
 উদ্ধৃষ্টে রহিলেন পবন অশন ॥
 তার তপে সন্তাপিত-এ তিন ভুবন ।
 দেখিয়া চিন্তিত হইলেন পদ্মাসন ॥
 দেবগণে ডাকি বলিলেন পিতামহ ।
 তপ পরীক্ষিত শীঘ্র সকলেতে যাহ ॥
 ব্রহ্মার আজ্ঞায় ইন্দ্র আদি দেবগণ ।
 মায়েয় সাক্ষাতে গেল পরীক্ষা কারণ ॥
 ইন্দ্র বলিলেন মাতা শুন নিবেদন ।
 আত্মাকে এতেক ক্লেশ দাও কি কারণ ॥
 আমাদের দুঃখ সব অদৃষ্টে লিখন ।
 শুভকাল সমাগতে হইবে খণ্ডন ॥

অশুভ সময়ে কর্ম ফল নাহি ধরে ।
 বেদের নিয়ম হেন শাস্ত্রের বিচারে ॥
 এক্ষণে অশুভকাল হইল আমার ।
 সে কারণে এত দুঃখ হয় অনিবার ॥
 আত্মাকে এতেক ক্লেশ দাও কি কারণ ।
 তপ ত্যাগ করি মাতা স্থির কর মন ॥
 মাতৃহীন পুত্রদের নাহি সুখলেশ ।
 সর্বদা দুঃখিত সেই পায় নানা ক্লেশ ॥
 ধর্মহীন জন যেন ব্যর্থ উপার্জন ।
 ভক্তিহীন জ্ঞানিজন যেন অকারণ ॥
 শ্রদ্ধাহীন শ্রাদ্ধ যেন বীজহীন মন্ত্র ।
 শাস্ত্রহীন গুরু যেন বীজহীন তন্ত্র ॥
 সে কারণে নিবেদন শুনহ জননি ।
 আপনার আত্মা রক্ষা করহ আপনি ॥
 তোমার প্রসাদে মাতা শুভকাল হলে ।
 তুচ্ছ দৈত্যগণেরে জিনিব অবহেলে ॥
 এতক বলিল যদি দেব হ্রস্বপতি ।
 দ্যানভঙ্গ হইয়া চাহেন ক্রোধমতি ॥
 নয়ন প্রবণ হৈতে অগ্নি বাহিরায় ॥
 ভয় পেয়ে দেবগণ পলাইয়া যায় ॥
 করিলেন ব্রহ্মার সাক্ষাতে নিবেদন ।
 শুনি ব্রহ্মা চলিলেন সহ দেবগণ ॥
 ক্ষীরোদের কূলে গিয়া করিল স্তবন ।
 তুচ্ছ হয়ে সন্দর্শন দিলা নারায়ণ ॥
 নবজলধর জিনি অঙ্গের বরণ ।
 পিতবাস পরিধান রাজীবলোচন ॥
 আজানুলম্বিত বনমালা বিভূষিত ।
 নুপুর কঙ্কণ হার মুক্তা বিরাজিত ॥
 দিব্যযুতি সাক্ষাতে দেখিয়া নারায়ণে ॥
 প্রণিপাত স্তুতি করিলেন দেবগণে ॥
 স্তুতিবশে প্রসন্ন হইয়া জগৎপতি ।
 কহিলেন দেবগণ সাক্ষাতে ভারতী ॥
 শীঘ্র হবে তোমাদের দুঃখ বিমোচন ।
 স্বস্থানে প্রস্থান কর যত দেবগণ ॥
 এত বলি অন্তর্হিত হন নারায়ণ ।
 যথাস্থানে গেল ইন্দ্র আদি দেবগণ ॥

অদিতির তপেতে তাপিত ত্রিভুবন ।
 তুচ্ছ হ'য়ে প্রত্যক্ষ দিলেন দরশন ॥
 সজল জলদ যেন অগ্ন স্নশোভন ।
 কোটি শলীমুখ কুল্ল রাজীবলোচন ॥
 কোকনদ কর পদ অধর অতুল ।
 খগরাজ জিনিয়া নাসিকা তিল ফুল ॥
 কাঞ্চন বরণ জিনি অম্বর শোভন ।
 আজানুলম্বিত বনমালা বিভূষণ ॥
 প্রবণে কুণ্ডল দোলে অতি শোভা করে ।
 দেখিয়া মানিল দেবী বিশ্বয় অন্তরে ॥
 সাক্ষাতে দেখিয়া সেই কমললোচন ।
 দণ্ডবৎ প্রণাম করিল সেইক্ষণ ॥
 করযোড়ে স্তুতিপাঠ করিল বিস্তর ।
 জয় জয় নারায়ণ জয় দামোদর ॥
 শিক্টের পালক নমো তুচ্ছ বিনাশন ।
 নমো হয়গ্রীব মধুকৈটভমর্দন ॥
 নমঃ আদি অবতার মৎস্য-কলেবর ।
 নমো কূর্ম অবতার নমস্তে ভূধর ॥
 নমস্তে বরাহরূপ-মোহিনী আকৃতি ।
 অবতার শিরোমণি নমো জগৎপতি ॥
 তুমি ইন্দ্র তুমি চন্দ্র তুমি বৈশ্বানর ।
 আকাশ পাতাল তুমি দেব গদাধর ॥
 অন্তরীক্ষ নাভি তব পাতাল চরণ ।
 পৃথিবী তোমার কটি অস্থি গির্গগণ ॥
 তোমার বিভূতি এই সকল সংসার ।
 আত্মারূপে সর্বস্থানে করিছ বিহার ॥
 পুরুষপ্রধান তুমি আদি সনাতন ।
 বিষম সঙ্কটে দেব করহ তারণ ॥
 এইরূপে স্তুতি করে দেবের জননী ।
 প্রসন্ন হইয়া কহিলেন চক্রপাণি ॥
 তোমার স্তবোক্তে তুচ্ছ হইলাম আমি ।
 মনোনিত বর দিব নাগি লহ তুমি ॥
 যদি বা অসাধ্য হয় ভুবন ভিতরে ।
 অঙ্গীকার করিলাম দিব তা তোমারে ॥
 ভক্ত যাহা বাঞ্ছা করে মম সমিধান ।
 সেই বর করি তারে অবশ্য প্রদান ॥

ভকতবৎসল আমি ভক্তের কারণে ।
 আত্মদান করিয়া সম্ভোষি ভক্তজনে ॥
 সে কারণে বশ আমি হইনু তোমার ।
 বর বাঞ্ছা আছে যদি মাগ সারোদ্ধার ॥
 এত শুনি कहিলেন অমর-জননী ।
 যদি বর দিবা তবে দেব চক্রপাণি ॥
 নিকটক করি দেহ মম পুত্রগণে ।
 ইন্দ্রের ইন্দ্রত্ব নিল অশ্বর দারুণে ॥
 নররূপ ধরিয়া আমার পুত্রগণ ।
 সঙ্গোপনে মহীতলে করিছে ভ্রমণ ॥
 গুরু আরাধিয়া বলি মহাবল ধরে ।
 আমার তনয়গণে জিনিল সমরে ॥
 পুত্রগণ ক্লেণ আমি দেখিতে না পারি ।
 এজন্য তপস্যা করি অভাগিনী নারী ॥
 মম পুত্রগণে দেহ নিজ অধিকার ।
 অশ্বরের অহঙ্কার করহ সংহার ॥
 দৈত্যারি পুণ্ডরীকাক্ষ ক্রীমধুসূদন ।
 এই বর আজ্ঞা মোরে কর নারায়ণ ॥
 এত শুনি গোবিন্দ করিলা অঙ্গীকার ।
 তোমার গর্ভেতে আমি হ'ব অবতার ॥
 রিয়া বামনরূপ ছলিব বলিরে ।
 তব পুত্রগণেরে স্থাপিব অধিকারে ॥
 াখিব অদ্ভুত কীর্তি যাইব ধরণী ।
 এত শুনি कहিলেন কশ্যপ-ঘরণী ॥
 উপহাস কর প্রভু হেন লয় মনে ।
 আমার গর্ভেতে তুমি জন্মিবা কেমনে ॥
 ননস্ত ব্রহ্মাণ্ড তব এক লোমকূপে ।
 তোমারে গর্ভেতে আমি ধরিব কিরূপে ॥
 রি তত্ত্ব যোগিগণ না পায় উদ্দেশে ।
 কল স সার যুদ্ধ যঁার মায়াবশে ॥
 হারে কিরূপে আমি করিব ধারণ ।
 ন বুঝি উপহাস কর নারায়ণ ॥
 সিয়া কহেন হরি উপহাস কেনে ।
 মনভাবে নাহি ভাবি আমি ভক্তজনে ॥
 ক্তজন সবে পারে আমায় ধরিতে ।
 মি সতীশাক্ষী ভক্তি সাধিলে আমাতে ॥

এত বলি স্বস্থানে গেলেন নারায়ণ ।
 প্রণমিয়া দেবমাতা করিল গমন ॥
 স্বামীরে कहিল দেবী এ সব কাহিনী ।
 শুনি তুষ্ট হইল কশ্যপ মহামুনি ॥
 তবে কত দিন পরে দেব দামোদর ।
 করিলেন সুপবিত্র অদिति উদর ॥
 দেবরূপ ধরে তবে দেবের জননী ।
 দেখিয়া বিস্ময়াপন্ন হইলেন মুনি ॥
 জন্মিলেন নারায়ণ জানিয়া নিশ্চয় ।
 নানা স্তুতি করিলা কশ্যপ মহাশয় ॥
 নমো নমো নারায়ণ অখিলপাবক ।
 নমো যজ্ঞকার হিরণ্যাক্ষ বিনাশক ॥
 নমস্তে নৃসিংহরূপী দৈত্য-বিনাশন ।
 নমঃ সর্বময় নমো জগৎপালন ॥
 ব্রহ্মাণ্ডনায়ক নমো নমো জগৎপতি ।
 নমঃ কৃষ্ণ অবতার মোহিনী আকৃতি ॥
 নমো জগৎপতি তুমি নমো নারায়ণ ।
 সর্বভূতে আত্মারূপে তোমার ভ্রমণ ॥
 তুমি সৃজ তুমি পাল করহ সংহার ।
 তোমার বিভূতি দেব সকল সংসার ॥
 শিষ্টের পালন কর দুষ্কের সংহার ।
 সে কারণে মম ঘরে হৈলা অবতার ॥
 নমস্তে বামনরূপ আদি সনাতন ।
 এইরূপে স্তুতি করিলেন তপোধন ॥
 স্তুতিবেশে প্রসন্ন হইয়া পীতবাস ।
 কশ্যপের পুত্ররূপে হইল প্রকাশ ॥
 অদिति গর্ভেতে জন্ম লইলেন হরি ।
 সশ্বরিরি বিরাট বেশ খর্ব্ব মুর্ত্তি ধরি ॥
 জন্মমাত্র कहিলেন পিতারে কুমার ।
 ঝটিতে আমারে কর ব্রাহ্মণ-সংস্কার ॥
 শুনিয়া কশ্যপ মুনি শুভক্ষণ করি ।
 আপন-পুত্রের গলে দিলেন উত্তরি ॥
 কশ্যপেরে कहিলেন প্রভু নারায়ণ ।
 মহাযজ্ঞ করে বিরোচনের নন্দন ॥
 অসংখ্য অদ্ভুত ধন দ্বিজে করে দান ।
 সে কারণে তথা আমি করিব প্রয়াণ ॥

মাগিয়া আনিব দান বলি দৈত্যেশ্বরে ।
 এত বলি চলিলেন বলির দুয়ারে ॥
 বলি রাজা যজ্ঞ করে বলি যজ্ঞস্থলে ।
 দ্বারে দেখি বামনে কহিল শুক্র ছলে ॥
 অবধান কর বলি বলিব বিশেষে ।
 এই যে বামন আসে বালকের বেশে ॥
 অদিতির গর্ভে জন্ম বিষ্ণু অবতার ।
 হইয়াছে তোমারে ছলিতে অগ্রসর ॥
 যে কিছু মাগিবে এই না দিবে তাহারে ।
 এত শুনি দৈত্য কহে শুক্রে হাসি ভরে ॥
 না বুঝিয়া গুরু কেন কহ অকারণ ।
 স্মরণ্য নারায়ণ যদি এই সে ব্রাহ্মণ ॥
 দাঁহার উদ্দেশে যজ্ঞ করি অনিবার ।
 তিনি যদি ইনি তবে সৌভাগ্য আমার ॥
 ব্রহ্মাদি দেবতা যাঁর পূজয়ে চরণ ।
 উদ্দেশে মাগয়ে বর যত দেবগণ ॥
 সেই প্রভু আসে যদি আমার আশ্রয় ।
 তবে গুরু অতি গুরু মম ভাগ্যোদয় ॥
 মাগিবেন যাহা তিনি করিব প্রদান ।
 ইহাতে কি জন্ম কর বিরোধ সন্ধান ॥
 দক্ষকর্ম্মে বাধা দেও অতি অনুচিত ।
 এত শুনি শুক্র গুরু হইল দুঃখিত ॥
 শাপ দিল বলি দৈত্যে মহাক্রোধভরে ।
 মম বাক্য না শুন ঐশ্বর্য্য অহঙ্কারে ॥
 এই শাপে হইবে ক্রীড়ম্বল এইক্ষণে ।
 এত বলি শুক্র গুরু গেল ক্রুদ্ধমনে ॥
 উপমাত হইলেন তথানি বামন ।
 অপূর্ণ বালক রূপ ধরি নারায়ণ ॥
 দেখি যজ্ঞ-হাতাগণ মানিল বিস্ময় ।
 উঠি করষোড়ে বিরোচনের তনয় ॥
 প্রণাম করিয়া দিল বসিতে আসন ।
 সভামধ্যে বিজশিশু বৈসেন বামন ॥
 হৃৎকলি করি স্তুতি কহে মতিমান ।
 হইল সফল মম যাগ যজ্ঞ দান ॥
 অজি সে সকল জন্ম হইল আমার ।
 সে কারণে আইলা আমার এ আগার ॥

যাহা চাহ দিব তাহা না হবে অন্যথা ।
 ত্রিভুবন চাহ যদি অর্পিবে সর্ব্বথা ॥
 শুনিয়া কহেন হাসি কপট বান্ধন ।
 বহুদানে আমার কি আছে প্রয়োজন ॥
 ব্রাহ্মণ বালক আমি তপস্যা-তৎপর ।
 গ্রাম ভূমি আমার কি কাজ দৈত্যেশ্বর ॥
 ধ্যানে তপে জপে মম যায় সর্ব্বক্ষণ ।
 বহুদান ল'য়ে মম নাহি প্রয়োজন ॥
 অরণ্যানিবাসী আমি ফল-মূলহারী ।
 সে কারণে কহি শুনি দৈত্য-অধিকারী ॥
 যদি দিবা দান ভূমি করিয়াছ মনে ।
 তিন পদ ভূমি দাও মাগিয়া চরণে ॥
 তপ করিবারে চাহি বসিয়া তাহাতে ।
 ইহা ভিন্ন অন্য কিছু না চাহি তোমাতে ॥
 ভূমি দান সম দান নাহি ত্রিভুবনে ।
 ভূমিদান মাহাত্ম্য শুনহ নৃপমণে ॥
 স্বঘোষ নামেতে এক আছিল ব্রাহ্মণ ।
 সৌভরী নগরবাসী দরিদ্র লক্ষণ ॥
 ধনার্থে করিল বহু রাজ্য পর্য্যটন ।
 না মিলিল ধন তার অদৃষ্ট কারণ ॥
 ছয় পত্নী পুত্র পৌত্র বহু পরিজন ।
 উপার্জ্জক সেই মাত্র একেলা ব্রাহ্মণ ॥
 নিরন্তর ভিক্ষা মাগি আনয়ে ব্রাহ্মণ ।
 ভ্রমণ ব্যতীক নহে উদর-ভরণ ॥
 একদিন দ্বিজবর ভিক্ষায় না গেল ।
 আলস্য করিয়া নিজ গৃহেতে রহিল ॥
 অন্ন হেতু কান্দয়ে সকল শিশুগণ ।
 শুনিয়া হৃদয়ে তাপ পাইল ব্রাহ্মণ ॥
 আপনারে নিন্দা করি অনেক কহিল ।
 নিরর্থক জন্ম মম জগতে হইল ॥
 ধনহীন মনুষ্যের জন্ম অকারণ ।
 মনুষ্যের মধ্যে কেহ না করে গণন ॥
 ব্রাহ্মণ ক্ষত্রিয় বৈশ্য শূদ্র যত জন ।
 ধনহীন হৈলে কেহ না করে গণন ॥
 ভার্য্যা পুত্র অরি হয় কেহ না আদরে ।
 ধনহীন হৈলে কিছু করিবারে নারে ॥

এইমত চিস্তিয়া চিস্তিত তপোধন ।
 নগর তাজিয়া গেল ল'য়ে পরিজন ॥
 অবস্তি নগরে বিপ্র করিল বসতি ।
 বৃত্তি দিয়া ব্রাহ্মণে স্থাপিল নরপতি ॥
 সেই পুণ্যফলে অবস্তির নরপতি ।
 দুই কল্প ইন্দ্র সহ করিল বসতি ॥
 সে কারণে অবধান কর দৈত্যেশ্বর ।
 ত্রিভুবনে নাহি ভূমি দানের উপর ॥
 তিন পদ ভূমি মাত্র সবে মাগি আমি ।
 ইহা দিয়া আমারে সন্তোষ কর তুমি ॥
 বলি বলে বামন বুঝিয়া বল বাণী ।
 ত্রিপদে তোমার তৃপ্তি তাহা নাহি মানি ॥
 এই দান দিতে মম চিন্তে না আইসে ।
 সংসারেতে অপযশ ঘুষিবে বিশেষে ॥
 অপযশ হইতে মরণ শ্রেষ্ঠ গণি ।
 সে কারণে অবধান কর দ্বিজমণি ॥
 নগর চত্বর গ্রাম যেই ইচ্ছা মনে ।
 সকল মাগিয়া দান লহ মম স্থানে ॥
 এত শুনি হাসি পুনঃ বলেন বামন ।
 ইহাতে আমার কিছু নাহি প্রয়োজন ॥
 অঙ্গীকার করি বলি কহে অনুচরে ।
 ভূঙ্গারে করিয়া জল আনহ সত্বরে ॥
 হাতে জল করি বলি দান দিতে যায় ।
 দেখি দৈত্যগুরু তবে চিস্তিত উপায় ॥
 বজ্রকীটরূপ গুরু প্রবেশি ভূঙ্গারে ।
 নলরুদ্ধ করে জল যন না নিঃসার ॥
 ভূঙ্গার ঢালিল জল নাহি পড়ে হাতে ।
 দেখি বলি দৈত্যেশ্বর পড়িল লজ্জাতে ॥
 এ সকল তত্ত্ব জানিলেন নারায়ণ ।
 বলি প্রতি কহিলেন শুনহ রাজন ॥
 ভূঙ্গারের দ্বার মুক্ত কর কুশাঘাতে ।
 এত শুনি হাতে কুশ লইল ত্বরিতে ॥
 বজ্র সম হৈল কুশ ঈশ্বর-কৃপাতে ।
 ভীষণ বাজিল কুশ ভার্গব চক্ষুতে ॥
 দৈবের নিব্বন্ধ কভু না হয় খণ্ডন ।
 এক চক্ষু অন্ধ তার হৈল সেইক্ষণ ॥

কাতর ভার্গব মুনি গেল নিজ স্থান ।
 বলিদৈত্য বামনে দিলেন ভূমিদান ॥
 দান পেয়ে হরি ধরিলেন ইচ্ছাকার ।
 মহাভয়ঙ্কর মূর্তি পর্বত আকার ॥
 দেখিতে দেখিতে অঙ্গ বাড়ে ক্রমে ক্রমে ।
 মুহূর্ত্তেকে তনু গিয়া ঠেকিলেক ব্যোমে ॥
 পৃথিবী সহিত হরি সকল নগর ।
 এক পায়ে ব্যাপিলেক দেব দামোদর ॥
 সপ্ত স্বর্গ ব্যাপিলেন আর এক পায় ।
 আর পা রাখিতে স্থল নাহিক কোথায় ॥
 ডাক দিয়া বলিকে বলেন বনমালী ।
 চাহিলাম তব স্থানে তিন পদ স্থলী ॥
 দুই পদ ভূমিমাত্র পাইলাম আমি ।
 আর পদ রাখি কোথা স্থল দেহ তুমি ॥
 এত শুনি বলে বিরোচনের নন্দন ।
 অঙ্গীকার পূর্ণ মম কর নারায়ণ ॥
 আমার মস্তকে পদ দেহ জগৎপতি ।
 নরক হইতে মম কর অববাহতি ॥
 এত শুনি প্রশংসা করি নারায়ণ ।
 বলির মস্তকোপরি দিলেন চরণ ॥
 নানাবিধ মতে বলি পূজিল চরণ ।
 গরুড়েরে আজ্ঞা করিলেন নারায়ণ ॥
 বলিকে পাতালে ল'য়ে বান্ধ নাগপাশে
 প্রভুর ইঙ্গিত পেয়ে গরুড় হরিষে ॥
 বলিকে পাতালে ল'য়ে বান্ধে সেইক্ষণ ।
 সাধু সাধু প্রশংসা করিল দেবগণ ॥
 ইন্দ্র আদি দেবগণ আসিয়া হরিষে ।
 হরিকে করিল স্তুতি অশেষ বিশেষ ॥
 ইন্দ্রকে ইন্দ্রত্ব দিয়া দেব ভগবান ।
 অন্তর্হিত হইয়া গেলেন নিজ স্থান ॥
 যাহা জিজ্ঞাসিলে রাজা কহিলু তোমারে
 সেইরূপ দুর্ব্বোধন অহঙ্কার করে ॥
 অচিরাতে সমরে মরিবে কুরুকুল ।
 কুরুকুল প্রতি দেখি বিধি প্রতিকূল ॥
 এত বলি উঠিয়া সে ধোম্য তপোধন ।
 পাণ্ডব-দভাতে উত্তরিল সেইক্ষণ ॥

ধোম্য দেখি আস্তে ব্যস্তে পঞ্চ সহোদর ।
 বসিতে দিলেন দিব্য সিংহাসনোপর ॥
 পাণ্ডা অর্য্য দিয়া পূজি জিজ্ঞাসেন বাণী ।
 এক একে সকল कहিল ধোম্য মুনি ॥
 তোমার কারণে রাজা সবে বুঝাইল ।
 কারো বাক্য দুর্ঘোষন কর্ণে না শুনিল ॥
 অহঙ্কার করিয়া বলিল কুবচন ।
 কেনা যুদ্ধে রাজ্য নাহি দিব কদাচন ॥
 এত শুনি পঞ্চ ভাই কহেন বচন ।
 কুলক্ষয় হেতু বিধি করিল সৃজন ॥
 মহাক্ষয় হইবেক কুলের সংহার ।
 শুনিয়া চিন্তিত অতি ধর্ম্মের কুমার ॥
 মহাভারতের কথা অমৃত-সমান ।
 কশীরাম দাস কহে শুনে পুণ্যবান ॥

কৌরব কৌরব পাণ্ডবের নিকট সঞ্জয়কে প্রেরণ ।
 জন্মেজয় জিজ্ঞাসিল কহ মুনিরাজ ।
 তব কি করিল পরে অন্ধ মহারাজ ॥
 শুন বলে নরপতি শুন একমনে ।
 কারো বাক্য দুর্ঘোষন না শুনিল কাণে ॥
 তাহাতে বিরক্ত হ'য়ে অন্ধ নরবর ।
 কৌরবের ডাকাইয়া कहিল সহর ॥
 দিলেন সঞ্জয় দুর্ঘোষনের ধুকতা ।
 শুনিল না মানিল মহতের কথা ॥
 কারণে যাও তুমি বিরাট নগর ।
 আশীর্বাদ কহ পাণ্ডব গোচর ॥
 এক একে পঞ্চজনে कहিবে কল্যাণ ।
 প্রণয় কার হইয়ে সাবধান ॥
 দ্রৌপদীকে আশীর্বাদ कहিবে আমার ।
 যোগ্যত দেখ এই সকল সংসার ॥
 বিবাহ করে তাহা খণ্ডিতে কে পারে ।
 রত্ন স্রবুন্ধ জ্ঞান দৈবে নষ্ট করে ॥
 কারণে কুবুদ্ধি লাগিল দুর্ঘোষনে ।
 পট করিয়া তোমা পাঠাইল বনে ॥
 ভ্রূপুত্র হ'য়ে তুমি রাজার মাহী ।
 ইলে অনেক কষ্ট অরণ্যে নিবসি ॥

দৈবের ঘটনে এত হৈল বিসম্বাদ ।
 মোরে দেখি কৌরবের ক্ষম অপরাধ ॥
 সতী সাধবী গুণবতী তুমি পতিব্রতা ।
 লক্ষ্মীরূপা নারী তুমি ধর্ম্মকার্যে রতা ॥
 এইরূপে দ্রৌপদীকে कहিবে বিনয় ।
 কদাচ আমার প্রতি ক্রোধ নাহি হয় ॥
 পঞ্চজনে कहিবে সময় অনুক্রম ।
 পাইলে অনেক কষ্ট বনে বনে ভ্রমি ॥
 ত্রয়োদশ বৎসর অবদি তোমা বিনে ।
 দহিছে আমার আত্মা সন্তাপ আগুনে ॥
 অন্ন নাহি রুচে মম নাহি রুচে নার ।
 তোমা সবা বিচ্ছেদতে সর্ব্বদা অস্থির ॥
 নয়নে নাহিক নিদ্রা ভোজনে না স্বপ্ন ।
 তোমা সবাচার দুঃখ বিদরিছে বুক ॥
 গাঙ্গারী স্রবলস্রতা তোমা সবা বিনে ।
 করে খেদ বহে নীর সর্ব্বদা নয়নে ॥
 বিহুর বাহুলীক আর সোমদন্ত বীর ।
 তোমা সবা অভাবেতে সর্ব্বদা অস্থির ॥
 চারি জাতি নগরে যতক প্রজাগণ ।
 তোমা সবা না দেখিয়া অরুণ নয়ন ॥
 হস্তিনার লোক যত দুঃখী রাত্রি দিন ।
 সদা দীন ক্ষীণ যেন জলহীন মীন ॥
 তোমা রাজা বিনা রাজ্য শোভা নাহি পায় ।
 ফলহীন বৃক্ষ যেন জন্ম বৃথা বায় ॥
 জলহীন নদা যেন পার্শ্বহীন সর ।
 চন্দ্রহীন রাত্রি যেন ধর্ম্মহীন নর ॥
 জ্ঞানহীন জ্ঞানী যেন বাজহীন মন্ত্র ।
 বেদহীন বিপ্র যেন যোগহীন তন্ত্র ॥
 তোমা সবা অভাবে তেমনি প্রজাগণ ।
 এইরূপে বিনয়েতে कहিবে বচন ॥
 নানাবিধ অলঙ্কার দিব্য বস্ত্র দিয়া ।
 শীঘ্রগতি যাও পাণ্ডুপুত্র দেখ পিয়া ॥
 ঘোটক সংযুক্ত রথে করি আরোহণ ।
 শুভলয় তিতি আজি করহ গমন ॥
 এত শুনি সঞ্জয় উঠিল সেইক্ষণ ।
 যুড়ি খেচরের রথে পবন গমন ॥

বিরাট নগর মধ্যে পাণ্ডুর কুমার ।
 সভামধ্যে অবস্থিতি দেব অবতার ॥
 হেনকালে সঞ্জয় হইয়া উপনীত ।
 দেখিয়া বিরাট ভারে জিজ্ঞাসিল হিত ॥
 দিব্য রত্ন-সিংহাসন দিলেন বসতি ।
 পাণ্ডবে সম্ভাষি দূত বসিল সভাতে ॥
 কহিল সঞ্জয় প্রতি ভাই পঞ্চজন ।
 সমস্ত কুশলবার্তা কহ বিবরণ ॥
 ধৃতরাষ্ট্র দ্রোণ ভীষ্ম বাহ্লীক নৃপতি ।
 আমাদের মাতা কুন্তী গান্ধারী প্রভৃতি ॥
 ত্রয়োদশ বর্ষ গত নাহি দরশন ।
 কেবা জিয়ে কেবা মরে না জানি কারণ ॥
 কোথা হৈতে এখানে তোমার আগমন ।
 জ্যেষ্ঠতাত পাঠাইল এই লয় মন ॥
 কি কহিয়া পাঠাইল অশ্বিকানন্দন ।
 ভীষ্ম দ্রোণ কৃপ আর যত সভাজন ॥
 কি কহিল কর্ণ বীর রাধার কুমার ।
 দুর্য়োধন কি বলে শকুনি দুরাচার ॥
 উভয় কুলের হিত সবে কি চিন্তিল ।
 সম্প্রীত করিতে বুঝি তোমা পাঠাইল ॥
 যেই সত্য করিলাম সবার অগ্রেতে ।
 তাহাতে হইল মুক্ত ধর্মের কৃপাতে ॥
 সর্বধর্ম মূল হরি ব্রহ্ম সনাতন ।
 তাঁহার কৃপায় হৈল সঙ্কটে তারণ ॥
 এত দুঃখ পেয়ে তবু রাখিলাম ধর্ম ॥
 সবে স্মৃতি আছে সবার মূল কর্ম ॥
 সমুচিত ভাগ যেহ হয়ত আমার ।
 তাহা ছাড় দিতে করিয়াছে কি বিচার ॥
 কহ শুন সঞ্জয় সমস্ত বিবরণ ।
 এত শুনি সঞ্জয় করিল নিবেদন ॥
 ভীষ্ম দ্রোণ কৃপ আর বাহ্লীক নৃপতি ।
 সম্প্রীত করিতে সবে দিল অনুমতি ॥
 কার' বাক্য না শুনিল কোরব দুর্মতি ।
 সান্ত্বনা করিল কত অন্ধ নরপতি ॥
 ভীষ্ম পুত্র শুনি তোমা সবার উদয় ।
 আনন্দিত সকলের হইল হৃদয় ॥

চারিজাতি নগরে যতেক প্রজাগণ ।
 শুনিয়া সকল বার্তা হৃষ্ট সর্বজন ॥
 মৃতদেহে যেন জীবে পাইল জীবন ।
 তোমাদের সংবাদে তেমনি প্রজাগণ ॥
 হৃহাদ অমাত্য জ্ঞাতি যত বন্ধুজন ।
 সদা হাহাকার শব্দে করিল রোদন ॥
 ডাকিত পাণ্ডব বলি সদা উর্দ্ধমুখে ।
 তোমাদিগে না দেখিয়া দগ্ধ ছিল দুঃখে ॥
 আত্মার বিহনে যেন না রহে জীবন ।
 তোমাদের বিহনে তেমনি সর্বজন ॥
 দ্বাদশ-বৎসরাবধি যত প্রজাগণ ।
 স্মৃৎশেষ নাহি কার জীয়ন্তে মরণ ॥
 এবে সমাচার শুনি তোমা সবার ।
 দেখিতে উদ্বিগ্ন চিত্ত আনন্দ অপার ॥
 তোমা পঞ্চভাই যবে গেলে বনবাসে ।
 বিনা মেঘে নগরেতে রুধির বরিষে ॥
 দিবসে ডাকয়ে শিবা অতি কুলক্ষণ ।
 উল্কাপাত কি নির্ঘাত শব্দ ঘনে ঘন ॥
 সেইক্ষণে ধূমকেতু প্রকাশে আকাশে ।
 অথ হস্তা পশুগণ কান্দে চারি পাশে ॥
 অলক্ষণ দেখিয়া বলিল জ্ঞাতিগণ ।
 কুলক্ষয় হৈল রাজা তোমার কারণ ॥
 অতি কুলক্ষণ রাজা দেখি শাস্ত্রমতে ।
 এখন উপায় কর যদি লয় চিতে ॥
 দিনে দিনে অলক্ষণ দেখ মহাবল ।
 পৃথিবী হরিল শস্য মেঘে অগ্নি জল ॥
 সে কারণে নরপতি মম বাক্য ধর ।
 আপন কুলের হিত যদি বাঞ্ছা কর ॥
 ফিরাইয়া আন পঞ্চ পাণ্ডুর কুমার ।
 সেই ইন্দ্রপ্রস্থে পুনঃ দেহ অধিকার ॥
 পুত্রবশে ধৃতরাষ্ট্র শুনি না শুনিল ।
 সেই কাল আসি উপস্থিত যে হইল ॥
 অনন্তর উত্তর গোত্রহে কুরুগণে ।
 পরাজয় করিলেন ধনঞ্জয় রণে ॥
 দগুভয় হইয়া আইল কুরুপতি ।
 ভীষ্ম দ্রোণ ধৃতরাষ্ট্র বুঝাইল নীতি ॥

অনেক দৃষ্টান্ত দিয়া কহিল বচন ।
 কার' বাক্য না শুনিল রাজা দুর্ঘ্যোধন ॥
 পরে ধোম্য পুরোহিত তোমার আদেশে ।
 বুঝাইল বহুমতে শাস্ত্র উপদেশে ॥
 অনাদর করি তাহা না শুনিল কানে ।
 শুনিয়া থাকিবে তাহা ধোম্যের সদনে ॥
 কার' বাক্য দুর্ঘ্যোধন যবে না শুনিল ।
 আমারে ডাকিয়া তবে বুড়াটি বলিল ॥
 এই রত্নধন দিল বস্ত্র অলঙ্কার ।
 পুনঃ পুনঃ অনেক কহিল বারে বার ॥
 কহিল যে সব কথা শুনহ রাজন ।
 ত্রয়োদশ বর্ষ মধ্যে না ছিল মিলন ॥
 পাঠিল অনেক কষ্ট ভ্রমি বনে বন ।
 সে সকল মনে না করিও কদাচন ॥
 কপটী কুমন্ত্রী কর্ণ আর দুঃশাসন ।
 শকুনি সৌবল আর রাজা দুর্ঘ্যোধন ॥
 বহাদুর কপটে হইল সর্বনাশ ।
 তোমরা অরণ্য মধ্যে আমরা নিরাশ ॥
 অন্ধ দেখি দুর্ঘ্যোধন আশা নাহি মানে ।
 যে কথা বলি আমি নাহি শুনে কানে ॥
 আমার বচন সেই চিন্তে নাহি লেখে ।
 কর্ণ দুঃশাসনের বচন মাত্র রাখে ॥
 দুর্ঘ্যোধন রাজ্য ছাড়ি নাহি দিতে চায় ।
 সেই চিন্তে আসে তাহা কর ধর্ম্মরায় ॥
 এই শুনি পুনরপি কহে পঞ্চজন ।
 যে শুনি কি বলিল রাজা দুর্ঘ্যোধন ॥
 বিবলিল কর্ণ বীর রাধার নন্দন ।
 সহ্য করি বাসিবে শুনিব দিয়া মন ॥
 সঙ্গ্য কহিছে শুন পাণ্ডুর কুমার ।
 কহিল নিষ্ঠুর দুর্ঘ্যোধন ছুরাচার ॥
 যেন যুদ্ধে রাজ্য নাহি আমি দিব তারে ।
 কোন শক্তি তার মোরে বলাৎকার করে ॥
 তুমি মহা বীরগণ আমার সহায় ।
 হৃদয়ে করিব পাণ্ডব পরাজয় ॥
 তুমি সত্য নিশ্চয় আমার যুদ্ধ পণ ।
 এইরূপে কহিল নৃপতি দুর্ঘ্যোধন ॥

রাধেয় করিয়া দস্ত করিল বিস্তর ।
 কার শক্তি মম সঙ্গে করিবে সমর ॥
 একমাত্র ধনঞ্জয় সংগ্রামে প্রথর ।
 প্রথম যুদ্ধেতে তারে মারিব সহর ॥
 তারে মারি চারি জনে রাখিব বাকিয়া ।
 নিকটকে রাজ্য কর নির্ভয় হইয়া ॥
 এইরূপে কহিলেন রাধেয় দুঃশ্রুতি ।
 চিন্তে যাহা আসে তাহা কর নরপতি ॥
 নিশ্চয় হইবে রণ না হবে বারণ ।
 বুঝিয়া করহ কার্য্য ভাই পঞ্চজন ॥
 পৃথিবীতে বৈসে যত রাজ-রাজ্যেশ্বর ।
 যুদ্ধ হেতু বরিবারে পাঠাইল চর ॥
 নানা অস্ত্র শস্ত্র রথ সামগ্রী বিস্তর ।
 দুর্ঘ্যোধন আজ্ঞায় করিছে অনুচর ॥
 শুনিয়া সঞ্জয়-বাক্য ধর্ম্মের নন্দন ।
 কহেন কম্পিত অঙ্গ অরুণলোচন ॥
 যাও পুনঃ সঞ্জয় আমার দূত হ'য়ে ।
 যাহা কহি কোরবে করিবে বুঝায়ে ॥
 ধৃতরাষ্ট্র জ্যেষ্ঠতাত তাঁর উপরোধ ।
 সে কারণে পূর্ব্ব হৈতে না করিছু ক্রোধ ॥
 সেই হেতু এতদিন রহিল জীবন ।
 আপনার মৃত্যু বুঝি চাহিছে এখন ॥
 মৃত্যু শ্রেয়ঃ এখন বুঝিল অনুমানে ।
 সে কারণে বুদ্ধ ইচ্ছা করিয়াছে মনে ॥
 অল্প কার্য্য জ্ঞাতবধে নাহি প্রয়োজন ।
 আপনার মান রক্ষা কর দুর্ঘ্যোধন ॥
 সমুচিত ভাগ যেই শাস্ত্র নিরূপণে ।
 তাহা দিয়া বশ কর আমা পঞ্চজনে ॥
 নহিলে প্রলয় বড় হবে কুলক্ষয় ।
 এইরূপে কোরবে কহিও নিশ্চয় ॥
 তবে ভায় কাঙ্ক্ষিলেন ক্রোধ করি মনে ।
 মম বার্তা কাঙ্ক্ষিবে কোরবে বিদ্ভমানে ॥
 হিমাঙ্গি ত্যজয়ে ধৈর্য্য নৃপ্য না প্রকাশে ।
 অনল শীতল হয় সপ্তসিন্ধু শোষে ॥
 নক্ষত্র সহিত শশী ত্যজয়ে আকাশ ।
 পূর্ণিমার চন্দ্র যদি না হয় প্রকাশ ॥

যাগী যোগ ত্যজে ধর্ম ত্যজে ধর্মিজন ।
 গায়ত্রীবিহীন হয় ত্রাঙ্গন-নন্দন ॥
 তথাপি প্রতিজ্ঞা মম না হবে খণ্ডন ।
 ঠকু ভাঙ্গি দুর্ঘ্যোধনে করিব নিধন ॥
 করিয়াছি অঙ্গীকার সভা বিদ্যমানে ।
 কহিলাম সঞ্জয় এখন তব স্থানে ॥
 দুর্ঘ্যোধন লয় যদি ধর্মের শরণ ।
 যতেক প্রতিজ্ঞা মম সব অকারণ ॥
 মম হাতে সব ভাই রক্ষা পাবে তবে ।
 এই কথা অনুসারে কহিবে কৌরবে ॥
 অবশ্য আমার হাতে হইবে নিধন ।
 যত দুঃখ পাইলাম আছে সে স্মরণ ॥
 এই সব দুঃখে অঙ্গ হতেছে দাহন ।
 এই সব দুঃখেতে সদাই পুড়ে মন ॥
 সভামধ্যে দ্রোপদীর দুর্দশা হইল ।
 দেখিয়া অন্ধের মুখ সকলি সহিল ॥
 সেই সব অগ্নিপ্রায় জ্বলিছে অন্তরে ।
 ধর্ম-আজ্ঞা পাইলে যাইবে যমঘরে ॥
 রাজ্যভাগ ছাড়ি দিতে বলিও আমার ।
 নিবৃত্ত হয়েছে অগ্নি জ্বলে পুনর্ব্বার ॥
 এইরূপে কহিবে নৃপতি দুর্ঘ্যোধনে ।
 দুঃশাসন কর্ণ আদি যত কুরুগণে ॥
 এত বলি নিবর্ত্তিল মারুত-তনয় ।
 বলিল সঞ্জয় প্রতি তবে ধনঞ্জয় ॥
 কহিবে অন্ধেরে তুমি মম নমস্কার ।
 তোমা বিদ্যমানে দুঃখ হইল অপার ॥
 কৌরবের পতি তুমি কৌরবের গতি ।
 তোমা বিনা কুরুকুলে নাহি অব্যাহতি ॥
 আমার বিভাগ রাজ্য দেহ অবিকল ।
 অঙ্গ হেতু জ্ঞাতিবধে নাহি কোন ফল ॥
 তুমি যদি আজ্ঞা কর আমারে রাজন্ ।
 আপনার রাজ্য গিয়া লই এইক্ষণ ॥
 তবে যদি বিরোধ করিবে দুর্ঘ্যোধন ।
 আমি হস্ত কদাচ না করিব রাজন্ ॥
 অত্যাচার করিলেও প্রাণে না মারিব ।
 আজ্ঞা যদি দেহ তারে বান্ধিয়া রাখিব ॥

বলিকে বান্ধিয়া যেন ইন্দ্র রাজ্য করে ।
 তব হিত হেতু রাজা কহি সে তোমারে ॥
 কদাচিত যদি না করিবে এইমত ।
 স্ববংশ সহিত তবে মজিবে নিশ্চিত ॥
 এইরূপে মম কথা কহিবে অন্ধেরে ।
 না শুনিলে পুনরপি কহিবে তাহারে ॥
 বাতাপি পক্ষীর কথা শুনেছি কখন ।
 সেইরূপ ধৃতরাষ্ট্র-তব আচরণ ॥
 এত শুনি ধনঞ্জয়ে জিজ্ঞাসে সঞ্জয় ।
 বাতাপি পক্ষীর কথা কহ মহাশয় ॥

বাতাপি পক্ষীর ইতিবৃত্ত ।

অর্জুন কহেন শুন পূর্ব্বের কাহিনী ।
 তপস্বী করিতে যথা গেল খগমণি ॥
 করিয়া ভীষণ তপ বিষ্ণু আরাধিল ।
 মনোনীত বর লভি ফিরিয়া আসিল ॥
 ঋষ্য মুখ পর্ব্বতেতে রহে খগেশ্বর ।
 ঋষ্য-নামে রাজা সেই গিরির ঈশ্বর ॥
 তার ভার্য্যা রূপবতী পরমা সুন্দরী ।
 স্বামী সেবা করে পুত্র বাঞ্ছা করি ॥
 কতদিনে অপুত্রক মরে নরপতি ।
 শোকাকুলা স্বামাশোকে ভার্য্যা গুণবতী ॥
 একাকিনী বন মধ্যে করেন ক্রন্দন ।
 ক্রন্দনের শব্দ শুনি বিনতানন্দন ॥
 ধরিয়া মনুষ্য রূপ গেল তার স্থান ।
 দেখিয়া কামিনারূপ মোহিল তখন ॥
 মদন মোহন বাণে হ'য়ে জ্বর জ্বর ।
 কহিল কন্যারে করি বিনয় উত্তর ॥
 একাকী রোদন কর কিসের কারণ ।
 কার কন্যা তুমি তব পতি কোন্‌জন ॥
 নিজ পরিচয় মোরে কহ সুবদনী ।
 এত শুনি কহে কন্যা যুড়ি দুই পাণি ॥
 দক্ষবংশে জন্ম মম বিখ্যাত ভুবনে ।
 ঋষ্য নামে রাজা ছিল এই ত কাননে ॥
 পুত্র বাঞ্ছা করি তপ করিল রাজন্ ।
 পুত্র না জন্মিল তার হইল নিধন ॥

রাজা হ'য়ে রাজ্য রাখে বংশে কেহ নাই ।
সে হেতু ক্রন্দন করি শুন যাহা কই ॥

গরুড় কহিল শোক না কর অন্তরে ।
আমি জন্মাইব পুত্র তোমার উদরে ॥

এত শুনি কহে কন্যা করি ঘোড়কর ।
কুপা যদি কৈলে তবে শুন খগেশ্বর ॥
শতপুত্র দান দেহ তোমার ঔরসে ।
মহাবলবন্ত যেন হয়ত বিশেষে ॥

কন্যার বচনে খগ অঙ্গীকার কৈল ।

দ্বাদশ বছর ক্রীড়া আনন্দে করিল ॥
কতদিনে ঋতুযোগে হৈল গর্ভবতী ।
এককালে শত ডিম্ব প্রসবিল সতী ॥
শুনীলা নামেতে তার আছিল সতিনী ।

সেবা করি পরিতুষ্ট করে খগমণি ॥
স্বপ্নে বুঝিয়া তারে করিল রমণ ।

ঋতুযোগে গর্ভবতী হৈল সেইক্ষণ ॥
দুটি ডিম্ব এককালে কন্যা প্রসবিল ।

কতদিন পরে ডিম্ব সকলি ফুটিল ॥
শুনীলার গর্ভে হৈল যুগল নন্দন ।

একজন অন্ধ হৈল, দৈব নির্বন্ধন ॥
অন্ধক বলিয়া নাম রাখিল তাহার ।

মহাবলবন্ত হৈল দ্বিতীয় কুমার ॥
মম্বুষ্যের প্রায় যেন পক্ষীর আকৃতি ।

জটায়ু তাহার নাম রাখে খগপতি ॥
আর সব পুত্র হইল মহাবলধর ।

তেজঃ পুঞ্জ স্বগঠন পরম সুন্দর ॥
প্রধান পুত্রের নাম রাখিল কুবল ।

তারে রাজা করিল গরুড় মহাবল ॥
ছত্র দণ্ড দিয়া তারে স্থাপিল রাজ্যেতে ।

কতদিনে গেল রাজা সুমেরু পর্বতে ॥
পবনের সহ তথা বিবাদ হইল ।

চিরকাল খগেশ্বর তথায় রহিল ॥

হেথা সব নাগগণ পেয়ে অবসর ।

অব্যমুক পর্বতেতে আসিল সহর ॥

কুবল পক্ষীর রাজা গরুড় কুমার ।

তার সঙ্গে যুদ্ধ কৈল শতেক বছর ॥

শত ভাই সহ তারে করিল সংহার ।

দেখিয়া অন্ধক পক্ষী করিল বিচার ॥

ভ্রাতৃসহ নিল নাগগণের শরণ ।

অভয় তাহারে দিল যত নাগগণ ॥

অন্ধকেরে রাজা করি স্থাপিয়া রাজ্যেতে ।

স্বদলে চলিয়া নাগ গেল পাতালেতে ॥

কতদিনে খগেশ্বর আসিল তথায় ।

পুত্রগণ মৃত্যু শুনি ক্রোধে কম্পকায় ॥

সেই দোষে মারে বীর বহু নাগগণে ।

ক্রম্ভা আসি শান্ত কৈল বিনতা-নন্দনে ॥

জটায়ু ধার্মিক হৈয়ে, তপস্বী অপার ।

তাহার ঔরসে হৈল যুগল কুমার ॥

শুক সারী নাম রাখে পক্ষীর প্রধান ।

পরম সুন্দর হৈল মহাবলবান্ ॥

অন্ধক-ঔরসে হৈল সহস্র কুমার ।

মহাবলবন্ত হৈল পক্ষীর আকার ॥

প্রথম পুত্রের নাম বাতাপি রাখিল ।

শুভক্ষণ দেখি তারে রাজ্যপদ দিল ॥

মহাবলবন্ত হৈল পক্ষীর প্রধান ।

গরুড় বংশের কথা অদ্ভুত আখ্যান ॥

কোটি কোটি পক্ষী জন্মে তাহার ঔরসে ।

সব জ্ঞাতিগণে পালে ধর্ম উপদেশে ॥

চিন্তিয়া বাতাপি পক্ষী বলে মহাবলী ।

সব নাগগণ সঙ্গে কবিয়া মিতালি ॥

তাহার আশ্বাসে মুগ্ধ নাগরাজ বংশে ।

নিরস্তর বলে ছলে নাগগণে হিংসে ॥

শুক সারী দুই ভাই ছিল বুদ্ধিমন্ত ।

জানিল বাতাপি পক্ষী জ্ঞাতিগণ অন্ত ॥

এতেক চিন্তিয়া দৌহে সহর চলিল ।

হিমাদ্রির তটে গিয়া তপ আরম্ভিল ॥

করিয়া কঠোর তপে গুঞ্জি পক্ষাননে ।

মনোনীত বর পেয়ে ভাই দুই জনে ॥

আসিয়া সকল শত্রু করিল বিনাশ ।

কহিলাম তোমারে এ পক্ষী ইতিহাস ॥

সেইরূপ ধৃতরাষ্ট্র করে আচরণ ।

মহুর্ভেকে সবংশেতে হইবে নিধন ॥

দহিংসকে হিংসে যেই দৈবে তারে হিংসে ।
গর দোষে বাতি দিতে না থাকিবে বংশে ॥

কুরুক্ষেত্রে যুদ্ধসজ্জা করিতে যুধিষ্ঠিরের অমুমতি ও
কুরুক্ষেত্রের উৎপত্তি কথন ।

জন্মেজয় কহিলেন কহ তপোধন ।
অতঃপর কি করিল ভাই পঞ্চজন ॥
হেথা দুৰ্য্যোধন রাজা করিল সাজন ।
তবে কিবা করিলেন পাণ্ডুর নন্দন ॥
কোন্ কোন্ রাজা হৈল সহায় তাঁহার ।
বল শুনি মুনিবর করিয়া বিস্তার ॥
মুনি বলিলেন শুন নৃপ জন্মেজয় ।
হৃদয়ে চিন্তিয়া তবে ধর্ম্মের তনয় ॥
নিশ্চয় হইবে যুদ্ধ না হয় খণ্ডন ।
ভ্রাতাগণে ডাক দিয়া কহিল বচন ॥
শুনিলে কি ভ্রাতৃগণ কোরব কাহিনী ।
সাজিল পাণ্ডিষ্ঠ একাদশ অক্ষৌহিণী ॥
আমাদের পক্ষে যত স্নহদ সৃজন ।
যুদ্ধ হেতু সবাকারে লিখহ লিখন ॥
ভোজ্যবংশ অক্ষবংশ যতেক রাজন ।
সৌবল স্নমিত্র আদি মাদ্রৌর নন্দন ॥
যদুবংশে উগ্রসেন আদি রাজগণ ।
যথা যোদ্ধা সবাকারে পাঠাও লিখন ॥
অমুচরগণে আজ্ঞা কর শীঘ্রতরে ।
কুরুক্ষেত্রে গড়খাই কহ রচিবারে ॥
ভক্ষ্য ভোজ্য আদি করি করহ সঞ্চার ।
নানা অস্ত্র শস্ত্র আর বহু উপহার ॥
নৃপতির আজ্ঞামাড়ে ইন্দ্রের নন্দন ।
ডাকিয়া সে ধৃষ্টদ্যুম্নে কহিল তখন ॥
আপনিও যাও তথা বিলম্ব না সয় ।
কুরুক্ষেত্রে কর গিয়া বিচিত্র আলয় ॥
কুরুক্ষেত্রে মহাতীর্থ পুরাণে বাখানি ।
যাহাতে পড়িলে যুদ্ধে পায় দেবযোনি ॥
পূর্বপিতামহ মম কুরু নৃপমণি ।
ব্যসমুখে শুনিয়াছি তাঁহার কাহিনী ॥

একচ্ছত্র মহারাজ ছিল ভূমণ্ডলে ।
করিলেন কুরুক্ষেত্রে নিজ পুণ্যফলে ॥
বলিলেন ধৃষ্টদ্যুম্ন করিয়া বিনয় ।
ইহার বৃত্তান্ত কহ শুনি ধনঞ্জয় ॥
অর্জুন বলেন শুন পূর্বের কাহিনী ।
মহাধর্ম্মশীল ছিল কুরু নৃপমণি ॥
বাহুবলে শাসিল সকল ভূমণ্ডল ।
একচ্ছত্র রাজা হৈল বলে মহাবল ॥
নানা দান নানা যজ্ঞ করিল নৃপতি ।
কুরুরাজগণ যত জগতে বিখ্যাতি ॥
একদিন পিতৃগণ কহিল তাঁহারে ।
মাংসশ্রাদ্ধে তৃপ্তি কর আমা সবাকারে ॥
পিতৃগণ-আজ্ঞাকারী শুন কুরুপতি ।
মৃগয়া কারণে বনে গেল শীঘ্রগতি ॥
মারিল অনেক মৃগ অরণ্য ভিতর ।
আণ্ড বাড়ি পাঠাইল নৃপ বহুতর ॥
মৃগয়াস্তুে শ্রান্ত বড় হইল রাজন ।
জল অশ্বেষিয়া রাজা ভ্রমিলেন বন ॥
জল নাহি পান রাজা হইয়া দুঃখিত ।
দণ্ডক কাননে রাজা হৈল উপনীত ॥
মুনির আশ্রম সেই অপূর্ব কানন ।
মনুষ্য-অগম্য স্থল অতি সুশোভন ॥
আছে দিব্য সরোবর বনের ভিতরে ।
দেবকন্যাগণ তাহে নিত্য কেলি করে ॥
সেই সরোবরে রাজা হন উপনীত ।
সরোবর দেখিয়া পাইল বড় প্রীত ॥
বহুরূপা নামে কন্যা দেবের নর্ত্তনী ।
রূপেতে কনকলতা খঞ্জননয়নী ॥
মুখরুচি শত শশী করিয়াছে শোভা ।
ওষ্ঠস্থল অতুল বন্ধুক পুষ্প আভা ॥
শুচচক্ষু জিনি নামা জিনি তিলফুল ।
কামের কামান ভুরু কিবা দিব তুল ॥
দেখিয়া কন্যার রূপ মোহিত রাজন ।
ক্ষুধা তৃষ্ণা পাসয়িল কামে অচেতন ॥
নিকটে যাইয়া রাজা কহিল কন্যারে ।
নিজ পরিচয় তুমি কহিবে আমারে ॥

তোমার রূপের সীমা না যায় বর্ণনে ।
 তোমা সম রূপ গুণ না দেখি নয়নে ॥
 কিবা লক্ষ্মী সরস্বতী হবে হরপ্রিয়া ।
 সাবিত্রী রুক্মিণী কিবা হবে সর্বজয়া ॥
 কিবা নাগকন্যা হবে তিলোত্তমা প্রায় ।
 নিজ পরিচয় কন্যা কহিবে আমায় ॥
 কন্যা বলে শুন মম পূর্বের কাহিনী ।
 বহুরূপা নাম মম ইন্দ্রের নর্তনী ॥
 পূর্বজন্মে আছিল আমার পক্ষিযোনি ।
 প্রভাসে বসতি ছিল নাম সারঙ্গিণী ॥
 হুবা স্থিতি করিয়া ছিলাম বহুকাল ।
 ৩৩ দিনে বুদ্ধদশা হইল জঞ্জাল ॥
 ভরাতে আমার তনু ব্যাধিতে গীড়িল ।
 সেই বৃক্ষ উপরে আমার যুহু হৈল ॥
 মরিয়া শুকায়ে ছিনু বৃক্ষের উপরে ।
 বহুকাল ছিলাম সে বাসার ভিতরে ॥
 দৈবের নির্বন্ধ কভু না হয় থগুন ।
 কতদিনে ঘোরতর বহিল পবন ॥
 বাসার সহিত মম শুষ্ক কলেবরে ।
 উড়াইয়া ফেলিলেক প্রভাসের নীরে ॥
 পদশ করিতে অঙ্গ প্রভাসের পানী ।
 সর্ব পাপে মুক্ত হইলাম নৃপমণি ॥
 দিব্যযুতি হইলাম রূপেতে পদ্মিনী ।
 সেই পুণ্যে হইয়াছি ইন্দ্রের নর্তনী ॥
 স্বরাজ্যে সাক্ষাতে নৃত্য করি বরাবর ।
 একদিন পাপবুদ্ধি হইল আমার ॥
 সূর্যবংশে মহারাজ খট্টাঙ্গ আছিল ।
 যুঁহু হেঁচু ইন্দ্র তাঁরে বরিয়া আনিল ॥
 করিলেন অস্ত্র সহিত ঘোর রণ ।
 সবাকারে পরাজিল খট্টাঙ্গ রাজন ॥
 হুঁহু হ'য়ে সভাতে লইল ইন্দ্র তারে ।
 বহু করাইল নৃত্য আমা সবাকারে ॥
 খট্টাঙ্গ নৃপতি রূপে পরম সুন্দর ।
 তাঁরে দেখি হৃদয়ে বিজ্বিল কামশর ॥
 নঃ পুনঃ চাহিলাম তাঁহার বদন ।
 দেখি ইন্দ্র ক্রোধে শাপ দিল সেইক্ষণ ॥

দেবলোকে থাকি কর মনুষ্য-আচার ।
 নরলোকে কিছুকাল কর ব্যবহার ॥
 সে কারণে নরপতি হেথায় বসতি ।
 বিরহিণী আছি নাহি মিলে যোগ্যপতি ॥
 এত শুনি হাসিয়া বলিল নৃপমণি ।
 আমারে বরণ তুমি কর বিরহিণী ॥
 চন্দ্রবংশে মম জন্ম কুরু নাম ধরি ।
 সমস্ত সংসার মধ্যে আমি অধিকারী ॥
 তোমারে দেখিয়া মন মজিল আমার ।
 কামানলে দহে তনু করহ নিস্তার ॥
 শ্রেষ্ঠ পাটেশ্বরী আমি করিব তোমারে ।
 এত শুনি কন্যা পুনঃ কহিল রাজারে ॥
 নিশ্চয় নৃপতি আমি করিব বরণ ।
 এক সত্য মম অগ্রে করহ রাজন ॥
 আপন ইচ্ছায় আমি করিব যে কাজ ।
 আমারে নিষেধ না করিবে মহারাজ ॥
 কুবচন বল যদি ত্যজিব তোমারে ।
 কন্যার বচনে রাজা অঙ্গীকার করে ॥
 কন্যারে লইয়া রাজা গেল নিজ দেশে ।
 নিরবধি কেলি করে অশেষ বিশেষে ॥
 একদিন নরপতি কহিল কন্যারে ।
 শীঘ্রগতি জল দেহ আনিয়া আমারে ॥
 কন্যা বলে এবে মম আছে প্রয়োজন ।
 মুহূর্তেক পরে জল দিতেছি রাজন ॥
 কহিলেন ভূপতি ব্যাকুল কলেবর ।
 আমারে আনিয়া জল দেহ শীঘ্রতর ॥
 নৃপতির বাক্য কন্যা না করে শ্রবণ ।
 ক্রুদ্ধ হ'য়ে বলিলেন বহু কুবচন ॥
 ক্রোধেতে করিল নিন্দা বিবিধ প্রকারে ।
 গণিকার জাতি হুঁহু ক'রে বলিব তোরে ॥
 এত শুনি হাসি কন্যা কহিল রাজারে ।
 পূর্ব সত্য পাসরিলা ছাড়িনু তোমারে ॥
 এইক্ষণে ত্যাগ করি যাব নিজ স্থান ।
 এতেক বলিয়া কন্যা হৈল অগোচর ॥
 কন্যারে না দেখি রাজা আকুল জীবন ।
 কন্যার ভাবনা বিনা অন্যে নাহি মন ॥

রাজ্যপদে নাহি মতি অন্তরে বিরাগ ।
 বিবাহ না করে রাজা যৌবনানুরাগ ॥
 বৃদ্ধ মন্ত্ৰিগণ সবে বুঝান রাজারে ।
 কি হেতু ভূপাল চিন্তা করিছ অন্তরে ॥
 বহুরূপা কন্যা সেই ইন্দ্রের নাচনী ।
 ইন্দ্রশাপে হ'য়েছিল তোমার রমণী ॥
 শাপে মুক্ত হ'য়ে সেই গেল স্বরপুরে ।
 তার হেতু শোক কেন করহ অন্তরে ॥
 যদি তুমি সেই কন্যা চাহ নরবর ।
 দেবরাজ হন সেই কামিনী-ঈশ্বর ॥
 বিনয় করিয়া কর ইন্দ্র-আরাধন ।
 তবে সেই কন্যা প্রাপ্তি হইবে রাজন ॥
 হস্তিনার উত্তরেতে সরস্বতী তীরে ।
 আছে উপবন রম্য তাহার উপরে ॥
 নিত্য আসি স্বরভি চরয়ে সেই বনে ।
 ইন্দ্র-আরাধনা কর স্বরভি-সেবনে ॥
 তবে পুনর্ব্বার তুমি পাইবে কন্যারে ।
 তত্ত্ব উপদেশ রাজা কহিনু তোমারে ॥
 এত শুনি আনন্দিত হইয়া অন্তরে ।
 বিধিমতে নরপতি ইন্দ্রে স্তুতি করে ॥
 করিল কঠোর তপ শাস্ত্রের বিহিত ।
 করিল স্বরভি সেবা রাজা যথোচিত ॥
 তুষ্ট হ'য়ে স্বরভি বলিল নৃপতিরে ।
 অভিমত বর রাজা মাগহ আমারে ॥
 এত শুনি করযোড়ে কহে নৃপমণি ।
 যদি বর দিবে তথা শুনগো জননি ॥
 বহুরূপা নামে কন্যা আছে স্বরপুরে ।
 সেই কন্যা প্রাপ্তি যেন হয় ত আমারে ॥
 স্বস্তি বলি বর তবে দিলেন স্বরভি ।
 পাইবে সে কন্যা তুমি দেবরাজ সেবি ॥
 ইন্দ্রমন্ত্ৰ পঞ্চাক্ষর দেই রাজা লহ ।
 ইন্দ্রমন্ত্ৰ জপি তুমি ইন্দ্রে আরাধহ ॥
 ত্রিরাত্রি জপিলে ইন্দ্রে দিবেন দর্শন ।
 যে বাঞ্ছা করিবে রাজা পাইবে তখন ॥
 এত বলি দিল মন্ত্ৰ প্রসন্ন হইয়া ।
 হৃষ্টচিত্ত নরবর সে মন্ত্ৰ পাইয়া ॥

ত্রিরাত্রি জপিল মন্ত্ৰ বসি একাসন ।
 প্রসন্ন হইল তবে সহস্রলোচন ॥
 সাক্ষাতে দেখিয়া ইন্দ্রে কুরু নরপতি ।
 দণ্ডবৎ প্রণাম করিল বহু স্তুতি ॥
 তুষ্ট হ'য়ে ইন্দ্র বলিলেন মাগ বর ।
 এত শুনি বলে রাজা যুড়ি দুই কর ॥
 বহুরূপা নামে সেই তোমার নর্ত্তনী ।
 সেই কন্যা আজ্ঞা মোরে কর স্বরমণি ॥
 কহিলেন ইন্দ্র তাহা দিলাম তোমারে ।
 আর বর মাগ যাহা বাঞ্ছিত অন্তরে ॥
 বলিলেন রাজা আজ্ঞা কর পুরন্দর ।
 এইখানে হয় যেন পুণ্যক্ষেত্রবর ॥
 কুরুক্ষেত্র নাম হবে পুণ্যক্ষেত্র সার ।
 ইথে যুদ্ধ করি যেই হইবে সংহার ॥
 ভূঞ্জিবে অক্ষয় স্বর্গ সহিত তোমার ।
 এই বর আজ্ঞা কর দেব গুণাধার ॥
 বলিলেন ইন্দ্র পূর্ণ তব মনস্কাম
 পুণ্যক্ষেত্র হৈল এই কুরুক্ষেত্র নাম ॥
 এত বলি ইন্দ্র আজ্ঞা দিল মাতলিরে ।
 বহুরূপা কন্যা তুমি আনহ এথারে ॥
 ইন্দ্রের আজ্ঞায় কন্যা তথায় আনিল ।
 সেইক্ষণে নৃপ তারে বিবাহ করিল ॥
 নানামতে যৌতুক দিলেন নরপতি ।
 অন্তর্দ্বান হ'য়ে ইন্দ্র গেলেন বসতি ॥
 ইন্দ্রবরে পুণ্যক্ষেত্র তখনি হইল ।
 কুরুক্ষেত্র বলি নাম জগতে ব্যাপিল ॥
 তবে কন্যা সহ ল'য়ে কুরু নরপতি ।
 হৃষ্টচিত্তে গেল তবে আপন বসতি ॥
 মদগর্বে স্বরভিরে সম্ভাষা না কৈল ।
 সেই হেতু স্বরভি রাজারে শাপ দিল ॥
 এই অহঙ্কারে পুত্র না হইবে তোঁর ।
 এত বলি প্রবেশিল পাতাল ভিতর ॥
 এ সকল বৃত্তান্ত না শুনিল রাজন ।
 নিতম্বিনী ল'য়ে কেলি করে অনুক্ষণ ॥
 পুত্র না হইল তার যুবাকাল যায় ।
 ইহা ভাবি চিন্তাকুল মহারাজ তায় ॥

পুরোহিত আপনি বশিষ্ঠ তপোধন ।
 ভাৰ্গ্য সহ তাঁহাকে করিল নিবেদন ॥
 দণ্ডবৎ প্রণাম করিল বহু স্তুতি ।
 ক্ষুণ্ণ হ'য়ে দৌড়ে আশ্বাসিল মহামতি ॥
 মনোনীত বর মাগি লও দুইজনে ।
 যেই বর ইচ্ছা কর মাগ মম স্থানে ॥
 রাণী সহ কহিলেন পরে নরপতি ।
 পুত্রবর আঞ্জা মোরে কর মহামতি ॥
 তব বর দানে যেন হই পুত্রবান্ ।
 ইহা বিনা আর নাহি চাহি তব স্থান ॥
 এত শুনি ধ্যানস্থ হইয়া মুনিবর ।
 স্মরতির শাপেতে নির্বংশ নৃপবর ॥
 জনিয়া কারণ তার কহিল রাজারে ।
 পুত্রবান অবশ্য হইবে মম বরে ॥
 কিন্তু স্মরতির শাপ আছেয়ে তোমায় ।
 সে কারণে রাজা তব না হয় তনয় ॥
 অভিমানে পাতালেতে গেলেন জননী ।
 ন্য গৃহে স্থিত রাজা তাঁহার নন্দিনী ॥
 নিয়ম করিয়া সেবা করহ তাঁহার ।
 অগ্নিরাং পুত্র রাজা হইবে তোমার ॥
 সম্বৎসর সেবা তাঁর কর নৃপমণি ।
 তত্ক্ষণ দাসীর মত তোমার ঘরগী ॥
 তবে সে নৃপতি তুমি হবে পুত্রবান্ ।
 অধিতে সে নন্দিনী আইল বিদ্যমান ॥
 নন্দিনীকে কহি মুনি কহিল রাজারে ।
 হইবে তোমার কার্যাসিদ্ধ মম বরে ॥
 স্মরির বচনে রাজা সেবিল তাঁহারে ।
 নিয়ম করিয়া রাজা এক সম্বৎসরে ॥
 রাজার সেবনে গাভী সন্তুষ্ট হইল ।
 তাঁর সাধি তারে শাপান্ত করিল ॥
 শাপ মুক্ত হ'য়ে রাজা হৈল পুত্রবান্ ।
 সেই পুত্র জনমিল মহা মতিমান্ ॥
 মপম পুত্রের নাম স্বয়ম্বর খুল ।
 হইল হৈতে কুরুবংশ বর্দ্ধিষু হইল ॥
 মবশেষে পুত্রে রাজ্য দিয়া নরবর ।
 ইন্দ্রের আঞ্জায় গেল অরণ্য ভিতর ॥

সাধিয়া পরম যোগ পায় দিব্যগতি ।
 কহিলু তোমারে এই পূর্বের ভারতী ॥
 শীঘ্রগতি যাও তুমি না কর বিলম্ব ।
 কুরুক্ষেত্রে কর গিয়া গড়ের আরম্ভ ॥
 হইবে দারুণ যুদ্ধ না হয় শগুন ।
 কুলক্ষয় বাসনা করিল দুৰ্য্যোধন ॥
 এত শুনি ধৃষ্টদ্যুম্ন হ'য়ে ক্ষমতি ।
 বহু অনুচরগণ লইল সংহতি ॥
 দুই অক্ষৌহিণী বলে চলিল ত্বরিত ।
 কুরুক্ষেত্রে মধ্যে গিয়া হৈল উপনীত ॥
 খনকগণেরে আঞ্জা দিল সেইক্ষণ ।
 রচিল অদ্ভুত গড়খাই বিচক্ষণ ॥
 স্থানে স্থানে রচিল বিচিত্র দিব্য ঘর ।
 রাজগণ রহিবারে আবাস বিস্তর ।
 অশ্বশালা রচিল বিচিত্র গজাগার ।
 নানা অস্ত্র শস্ত্রে পূর্ণ করিল ভাণ্ডার ॥
 নিশ্চাইয়া গড়খাই আসিল সহর ।
 নিবেদন করিলেন রাজার গোচর ॥
 শুনি দ্রুপদমন হৈল ভাই পঞ্চজন ।
 যুদ্ধ হেতু রাজগণে লিখিল লিখন ॥
 কারক্ষর রাজা আর রাজা জয়সেন ।
 শিশুপালপুত্র সহদেব সুলক্ষণ ॥
 কাশীরাজ সুষ্মেণ প্রমোদনরপতি ।
 অঙ্গরাজ কারক্ষক সুধর্মা প্রভৃতি ॥
 বাহুল্যক নৃপতি আর বতেক রাজন ।
 দূতমুখে পাইয়া পাণ্ডব নিমন্ত্রণ ॥
 চতুরঙ্গ দলে সাজি কুরুক্ষেত্রে এল' ।
 যুদ্ধের সামগ্রী দ্রব্য অনেক আনিল ॥
 সাত অক্ষৌহিণী সেনা আসিয়া মিলিল ।
 নানা বাস্ত্র কোলাহল পৃথিবী পূরিল ॥
 সাত অক্ষৌহিণীপতি হ'ল পঞ্চজন ।
 একাদশ অক্ষৌহিণীপতি দুৰ্য্যোধন ॥
 অষ্টাদশ অক্ষৌহিণী হৈল সেনাগণে ।
 কোলাহলে মহাশব্দ না শুনি অবশে ॥
 কুরুক্ষেত্রে দুই দল সমানে রহিল ।
 নানা অস্ত্র শস্ত্র সবে সঞ্চয় করিল ॥

মহাভারতের কথা অমৃত-সমান ।
কাশীরাম দাস কহে শুনে পুণ্যবান ॥

শ্রীকৃষ্ণের নিকটে দুর্ঘ্যোধন কর্তৃক দূত প্রেরণ ।

মুনি বলে শুন শুন রাজা জন্মেজয় ।
তবে দুর্ঘ্যোধন রাজা চিন্তিল হৃদয় ॥
দ্বারকা গেলেন কৃষ্ণ পেয়ে সমাচার ।
বরিবারে দূত পাঠাইল আগুসার ॥
গোবিন্দেরে লিখিল সকল বিবরণ ।
কৌরব পাণ্ডবে হবে ঘোরতর রণ ॥
উভয় কুলের হও কুটুম্ব আপনি ।
সে কারণে অগ্রে তোমা বরিলাম আমি ॥
মহারণে হবে তুমি আমার সারথি ।
এত বলি দূত পাঠাইল শীঘ্রগতি ॥
সবে মস্ত্রিগণে ল'য়ে কৌরবের পতি ।
নিভৃতে বসিয়া যুক্তি করি মহামতি ॥
ভীষ্ম দ্রোণ কৃপ আর প্রতীপনন্দন ।
দুঃশাসন কর্ণ আদি যত মস্ত্রিগণ ॥
রাজা বলে একমনে শুন সর্বজন ।
দুই কুল হিত হন দেব নারায়ণ ॥
হইবে ভারতযুদ্ধ না হয় থগুন ।
সম্বন্ধে সমান হন দেব জনার্দন ॥
দূত প্রেরিলাম আমি বুঝিতে রহস্য ।
দুই কুল হিত কৃষ্ণ করিবে অবশ্য ॥
সে কারণে বুঝিব কৃষ্ণের বলাবল ।
পাণ্ডবে সন্তোষ কিবা জানিব সকল ॥
করে কি না করে কৃষ্ণ মম হিতাহিত ।
বুঝিবার জন্য দূত পাঠান উচিত ॥
এত শুনি কহিলেন গঙ্গার নন্দন ।
না বুঝিয়া পাঠাইল দূত অকারণ ॥
ত্রিভুবন জ্ঞাত কৃষ্ণ পাণ্ডবের হিত ।
তোমার সাপক্ষ না হবেন কদাচিত ॥
বলিলেন কর্ণ মনে নাহি লয় কথা ।
পাণ্ডবের হিত কৃষ্ণ জানিবে সর্বথা ॥
যদি বা সপক্ষ তব অনুরোধে হন ।
নাসিবেন কপটে তোমার সর্বজন ॥

মুখেতে সুন্দর ভাষা অন্তরে তা নয় ।
তোমার পরম শত্রু জানিবা নিশ্চয় ॥
ধৃতরাষ্ট্র বলিল দূতের কস্ম্য নয় ।
আপনি যাইয়া বর দেবকীতনয় ॥
সমৈন্যে দ্বারকাপুরী যাও দুর্ঘ্যোধন ।
সাক্ষাতে বরিলে সেই মানিবে বচন ॥
দুর্ঘ্যোধন বলে অগ্রে শুনি দূতস্থানে ।
কি বলয়ে আগে শুনি দেব নারায়ণে ॥
হন বা না হন কৃষ্ণ আমার সারথি ।
দূতমুখে জানা যাবে ইহার ভারতী ॥
ধৃতরাষ্ট্র বলিল কহিলে যুক্তি সার ।
আপনি বলহ গিয়া দেকীকুমার ॥
যাবৎ না বরে পঞ্চ পাণ্ডুর কুমার ।
সমৈন্যে দ্বারকা তুমি হও আগুসার ॥
এত শুনি বিদূর কহেন সেইক্ষণ ।
বিপদ সময়ে জ্ঞান হারায় সৃজন ॥
আরে দুর্ঘ্যোধন তোর হেন লয় মন ।
তোমার সারথি হইবেন নারায়ণ ॥
ব্রহ্মা শিব ইন্দ্র আদি দেব যত জন ।
উদ্দেশে করেন যাঁর চরণ-সেবন ॥
বার বার অবতার হ'য়ে জগন্নাথ ।
করিলেন কোটি অহর নিপাত ॥
মৎস্য-কলেবর ধরি দেব নারায়ণ ।
দৈত্য মারি করিলেন বেদ উদ্ধারণ ॥
কৃষ্ণ অবতার হ'য়ে শ্রীমধুসূদন ।
করিলেন পৃষ্ঠদেশে ধরণী ধারণ ॥
অনন্তরে ধরি কৃষ্ণ বরাহ-আকৃতি ।
হিরণ্যাক্ষের বধ করি উদ্ধারিলা ক্ষিতি ॥
ধরিয়া নৃসিংহরূপ হইয়া প্রকাশ ।
করিলেন হিরণ্যকশিপুকে বিনাশ ॥
ধরিয়া বামনরূপ দেব নারায়ণ ।
পাতালে নিলেন বলি করিয়া ছলন ॥
ভৃগুবংশে রামরূপে হ'য়ে অবতার ।
নিঃকৃত্য করেন ক্ষিতি তিন সপ্তবার ॥
রামরূপে বধিলেন লঙ্কার রাবণ ।
হলধরবেশধারী আছেন এখন ॥

পূর্ণরূপ অবতার কৃষ্ণ যদুমণি ।
 আগম পুরাণে যাঁর মহিমা বাখানি ॥
 হন কৃষ্ণ সূত্রবৃত্তি করিবে তোমার ।
 হন বাক্য না বুঝিয়া বল বারে বার ॥
 কিস্ত ভক্তিবশ হন দেব হৃষীকেশ ।
 ভক্তের বাসনা পূর্ণ করেন অশেষ ॥
 এইরূপে কহিল বিদুর মহামতি ।
 তনি কিছু উত্তর না দিল কুরূপতি ॥
 ভা হৈতে উটি রাজা গেল অন্তঃপুরে ।
 লিলেন কুরূগণ যে যাহার ঘরে ॥
 হাতারতের কথা অমৃত-সমান ।
 চণীরাম দাস কহে শুনে পুণ্যবান ॥

দ্বারকায় শ্রীকৃষ্ণের নিকট উলুকের গমন ।

জন্মেজয় জিজ্ঞাসিল কহ তপোধন ।

স্বপ্নের কি করিল কুরুর নন্দন ॥
 তবে দ্বারকায় দূত গেল কোন্ জন ।
 তমুখে শুনি কি কহিল নারায়ণ ॥
 সবরীয়া মনিবর কহিবা আমারে ।
 শুনিয়া তোমার মুখে যুড়াক অন্তরে ॥
 লিলেন মনি শুন নৃপ জন্মেজয় ।
 উলুকের পাঠাইল কুরু মহাশয় ॥
 তপোধন আজ্ঞায় উলুক অনুচর ।
 প্রগতি চলি গেল দ্বারকানগর ॥
 কোর সাফাতে গিয়া হন উপনীত ।
 গুণং করি পত্র দিলেন হরিত ॥
 ডিলেন পত্র কৃষ্ণ ঈষৎ হাসিয়া ।
 চাতুরে কহিছেন দূতেরে চাহিয়া ॥
 ই কুল হিত আমি বিখ্যাত ভুবন ।
 ত্য কুলের হিত চিন্তি অনুকূল ॥
 তপোধনে কহ গিয়া বচন আমার ।
 এই ভাই বিরোধিয়া কি কার্য্য তোমার ॥
 জানাতে অপ্রীত নহে পাণ্ডুর নন্দন ।
 কার্কসর হাতে তোমা রাখিল অর্জুন ॥
 ভামধ্যে পূর্বে যেই করিল নির্ণয় ।
 হাতে হইল মুক্ত পাণ্ডুর তনয় ॥

আপনি কহিলে তুমি সভা বিচক্ষমান ।
 সত্য হৈতে মুক্ত হৈলে পাণ্ডুর সন্তান ॥
 পুনর্বার আপনার পাবে রাজ্য ধন ।
 তবে কেন কলহ করিতে কর মন ॥
 সমুচিত পাণ্ডবের বিভাগ যেই হয় ।
 তাহা দিয়া প্রীতি কর পাণ্ডুর তনয় ॥
 এইরূপে দুর্যোধনে কহিবে আপনে ।
 পশ্চাতে যাইব আমি সবা বিচক্ষমানে ॥
 সারথির হেতু যাহা কহিলে আমারে ।
 করিব সারথ্য পণ তাঁহার গোচরে ॥
 কিন্তু অগ্রে আমারে কহিল ধনঞ্জয় ।
 অঙ্গীকার করিয়াছি শুন মহাশয় ॥
 তথাপি তোমার বাক্য না পারি খণ্ডিতে ।
 আপনি আসিবে হেথা আমারে বরিতে ॥
 আসিবে আমারে পার্থ করিতে বরণ ।
 পঞ্চম দিবসে সে করিবে আগমন ॥
 আমারে আসিয়া অগ্রে যে জন বরিবে ।
 তাহার সারথ্য মম করিতে হইবে ॥
 তবে যদুগণ ল'য়ে দেব জগৎপতি ।
 গুপ্তরূপে মন্ত্রণা করেন মহামতি ॥
 কোরব পাণ্ডবে হইবেক মহারণ ।
 সে কারণে দুর্যোধন দিল নিমন্ত্রণ ॥
 পাণ্ডব আমারে পূর্বে করিল বরণ ।
 দুই কুল হিত আমি জানে জগজ্জন ॥
 কাহার সাপক্ষ হব করিব কেমন ।
 ইহার স্তুয়ুক্তি যাহা কহ সর্বজন ॥
 এত শুনি কহিল সকল যদুগণ ।
 কপটি কুবুদ্ধি থল রাজা দুর্যোধন ॥
 তাহার সাপক্ষ হৈতে উচিত না হয় ।
 বিশেষ তোমার প্রিয় পাণ্ডুর তনয় ॥
 তোমারে বরিতে যাদ আসে দুর্যোধন ।
 তাহার সহায় দেহ কিছু নৈষ্ঠগণ ॥
 কপট করিয়া তার কর উপকার ।
 আমাদের চিন্তে লয় এই হুবিচার ॥
 যদুগণ বিচার শুনিয়া নারায়ণ ।
 শিল্পকারগণে আজ্ঞা দিলেন তখন ॥

এক সিংহাসন দেহ আমার অগ্রেতে ।
 আজ্ঞামাত্র শিল্পকার লাগিল গঠিতে ॥
 হইল দিবসত্রয় মধ্যে সিংহাসন ।
 গোবিন্দের অগ্রে আনি দিল সেইক্ষণ ॥
 অনন্তর পঞ্চম দিবসে নারায়ণ ।
 করিলেন বাহির মন্দিরেতে শয়ন ॥
 সঙ্কীর্ণ রহিল স্থান শিতানের পানে ।
 রত্ন সিংহাসন রাখিলেন সেই স্থানে ॥
 পাছে রাখিলেন স্থান বুঝিয়া বিস্তার ।
 অচেতন নিদ্রা যায় দৈবকীকুমার ॥
 মহাভারতের কথা অমৃত-সমান ।
 কাশীরাম দাস কহে শুনে পুণ্যবান ॥

উলুকের পুনরাগমন ও দুর্গোদধনের
 দ্বারকায় আগমন ।

দূত গিয়া দুর্গোদধনে কহিল বারতা ।
 আপনি বরিতে কৃষ্ণ তুমি যাহ তথা ॥
 আপনি অর্জুন আসি বরিবে কৃষ্ণেরে ।
 সে কারণে নারায়ণ কহিল আমারে ॥
 প্রথমে আমারে আসি যে জন বরিবে ।
 তার পক্ষ অবশ্য আমাকে হ'তে হবে ॥
 সম্বন্ধে সমান মম কুরু পাণ্ডুগণ ।
 দুই কুল হিত আমি চিন্তি অনুক্ষণ ॥
 আর যে কহিল তাহা শুন কুরুপতি ।
 পাণ্ডবের সহ তোমা করিতে পীরিতি ॥
 পাণ্ডবের সহিত বিরোধে নিষেধিল ।
 সব রাজগণ তাহে অনুমতি দিল ॥
 এইরূপে দূতবাক্য শুনি মহারাজ ।
 মুহূর্ত্তেকে তথা গেল, না করিল ব্যাজ ॥
 অল্প সৈন্য সঙ্গে নিল শীঘ্র যাইবার ।
 হইলেন দ্বারকানগরে অগ্রসর ॥
 দুর্গোদধন উত্তরিল দ্বারকানগরে ।
 সৈন্য সব রাখিলেন পুরীর বাহিরে ॥
 একেশ্বর পুরে প্রবেশিলা কুরুনাথ ।
 যেই গৃহে শয়নে আছেন জগন্নাথ ॥

তথা গিয়া উত্তরিল রাজা দুর্গোদধন ।
 অচেতনে নিদ্রা যান দেব নারায়ণ ॥
 দেখে দিব্য সিংহাসন কৃষ্ণের শিয়রে ।
 বারিপূর্ণ ভূঙ্গ তার দেখিল আধারে ॥
 বিস্ময় মানিয়া রাজা ভাবে মনে মন ।
 আমার মর্যাদা বেশ জানে নারায়ণ ॥
 না আসিতে হেথা আমি দিব্য সিংহাসন ।
 আপন শিয়রে কৃষ্ণ করেছে স্থাপন ॥
 পাণ্ড অর্ঘ্য রাখিয়াছে দিব্য জলাধার ।
 আমার সম্ভ্রম হেতু নানা উপচার ॥
 নিশ্চয় হবেন কৃষ্ণ আমার সারথি ।
 এত বলি সিংহাসনে বসিল ভূপতি ॥
 আইলেন ধনঞ্জয় পরে ভক্তি করি ।
 প্রবেশিল একাকী যাইয়া অন্তঃপুরী ॥
 বনুদেব উগ্রসেন আদি যতুগণে ।
 একে একে প্রণাম করিল জনে জনে ॥
 মাতুলগনেরে পার্থ করিয়া সম্ভাষ ।
 তথা হৈতে চলিলেন যথা শ্রীনিবাস ॥
 অচেতন শয়নে আছেন নারায়ণ ।
 শিয়রে বসিয়া তাঁর রাজা দুর্গোদধন ॥
 সিংহাসনে বসিয়াছে বাসবের প্রায় ।
 দেখি চিত্তে চিন্তিত হইল পার্থ তায় ॥
 ভাবিয়া চিন্তিয়া পার্থ যুক্তি করি মনে ।
 বসিলেন গিয়া শেষে কৃষ্ণের আসনে ॥
 কৃষ্ণপদকমল চাপেন ধীরে ধীরে ।
 দেখি দুর্গোদধন ত্রুদ্ধ হইল অন্তরে ॥
 মনেতে ভাবিয়া তবে কহে অর্জুনেরে ।
 কুরুবংশে জন্মি হেন কদাচার করে ॥
 বংশের অধম এই কুলের অঙ্গার ।
 কোন বা বীরিক এই দৈবকীকুমার ॥
 আমারে না করে শঙ্কা নাহি লাজ মনে ।
 ব্যর্থ নাম পার্থ বলি ধরে অকারণে ॥
 এইরূপে মনে মনে নিন্দিত্তে রাজন ।
 সব জানিলেন অন্তর্যামী নারায়ণ ॥
 তথাপি উত্তর কিছু না দিলেন হরি ।
 নিদ্রায় অলস যেন সিংহাসনোপরি ॥

তরুণে নিদ্রাভঙ্গ হইল তাঁহার ।
 স্মৃতিতেই দেখিলেন কুন্তীর কুমার ॥
 মলিন দিয়া জিজ্ঞাসিলেন কুশল ।
 এক একে ধনঞ্জয় কহিল সকল ॥
 কবেশমে ত্রীগোবিন্দে কহে ধনঞ্জয় ।
 কৌরব পাণ্ডবে যুদ্ধ হইবে নিশ্চয় ॥
 পাঠাইলা যুধিষ্ঠির এজন্য আমারে ।
 সারথি করিয়া যুদ্ধে বরিতে তোমারে ॥
 যথেষ্ট সারথি তুমি হইবে আমার ।
 ত শুনি গোবিন্দ করেন অঙ্গীকার ॥
 কথ্য শুনিয়া পার্থ আহ্লাদিত মনে ।
 দেখিলেন পরে কৃষ্ণ রাজা দুর্ঘ্যোধনে ॥
 গতা করি সম্ভাষণে উঠি নারায়ণ ।
 কি আনন্দ দেখি আজি কৌরবনন্দন ॥
 কিবা প্রয়োজনে হেথা কৈলে আগমন ।
 কি কার্য্য তোমার আমি করিব সাধন ॥
 কি বা দুষ্কর কৰ্ম্ম হয় অতিশয় ।
 কিম্বা হৈতে যদি হয় করিব নিশ্চয় ॥
 কি কার্য্যে প্রীত আমি তব আজ্ঞাকারী ।
 কি কার্য্য কহিবা তাহা সাধিবারে পারি ॥
 মান কুটুম্ব মম কুরু পাণ্ডুগণ ।
 উভয় কুলের হিত বাঞ্ছি অনুক্ষণ ॥
 উভয় কুলের হিত করি প্রাণপণ ।
 কি আজ্ঞা করিবা তাহা করিব সাধন ॥
 ত শুনি বলিল নৃপতি দুর্ঘ্যোধন ।
 তুমি করিয়াছি প্রথমে বরণ ॥
 অঙ্গীকার করিয়াছ তাহে নারায়ণ ।
 তখন আমায় অগ্রে করিবে বরণ ॥
 ইহার পক্ষ আমি হইব নিশ্চয় ।
 কারণে আইলাম তোমার আলয় ॥
 লক্ষণ হৈল আমি আসিয়াছি হেথা ।
 শচী আইল হেথা পার্থ মহারথ ॥
 পাণ্ডব সব তব বিখ্যাত ভুবনে ।
 প্রের মাতলি সম শুনিমু শ্রবণে ॥
 যুদ্ধ হইবে তুমি আমার সারথি ।
 ই হেতু আসিয়াছি হেথা যদুপতি ॥

ইথে মান অপমান নাহি যদুমনি ।
 অবধানে শুন কহি পূর্বের কাহিনী ॥
 ত্রিপুরে জিনিতে যবে যান শূলপাণি ।
 বরিলেক ব্রহ্মাকে সারথি গুণ জানি ॥
 ত্রিপুরবিজয়ী শিব সারথির গুণে ।
 বৃহস্পতি সারথি যে ইন্দ্র-দৈত্য-রণে ॥
 দেবের পরম গুরু অগ্নিরানন্দন ।
 স্বধর্ম্ম জানিয়া তবু করে সূতপণ ॥
 বৃহস্পতি সারথি করিয়া বজ্রপাণি ।
 ব্রাহ্মণেরে মারিলেন বিখ্যাত ধরণী ॥
 গোবিন্দ বলেন তুমি কহিলা প্রমাণ ।
 অগ্রে মোরে বরিল অর্জুন মতিমান ॥
 সারথি করিয়া আমি করিল বরণ ।
 ইহার উপায় কি করিব দুর্ঘ্যোধন ॥
 ব্যতিক্রম করি যদি দুই কুল হিতে ।
 আমার কুয়শ বহু ঘুষিবে জগতে ॥
 দশদিন করি যদি পার্থের সারথ্য ।
 করি যদি দশদিন তোমার সূতজ ॥
 এমত নিয়ম হৈলে উপহাসে লোকে ।
 সে কারণে দুর্ঘ্যোধন কহি যে তোমাকে ॥
 তুমি কুরুপতি রাজা জগতে বিদিত ।
 তোমার মর্যাদা গুণ ঘোষে অপ্রমিত ॥
 কুরুবংশে যদুবংশে চৈদি ভোজবংশে ।
 রবিবংশোদ্ভব যত রাজা অবতংসে ॥
 তব কার্য্যে রত সবে তোমার শাসিতে ।
 তোমার অপ্রিয় কেহ নহে পৃথিবীতে ॥
 তোমারে করিবে মান্য যত রাজগণ ।
 অগ্রেতে করিল পার্থ আমারে বরণ ॥
 তীর্থগাত্রা হেতু যবে যান হলপাণি ।
 কুরু পাণ্ডবের দ্বন্দ্ব চরনুখে শুনি ॥
 যুদ্ধ করিবারে করিলেন নিবারণ ।
 খণ্ডিতে না পারি আমি তাঁহার বচন ॥
 আমি আদি করিয়া যতক যদুগণ ।
 যুদ্ধ করিবারে মানা করিল তখন ॥
 উভয় কুলের কোন পক্ষ না হইল ।
 রামের বচন কেহ খণ্ডিতে নারিল ॥

আমি মাত্র করিব কেবল সূতপণ ।
 সে কারণে শুন কহি রাজা দুর্ঘ্যোধন ॥
 নারায়ণী সেনা মম আছে কোটি সাত ।
 মম সম তেজ বীর্যে জগতে বিখ্যাত ॥
 মহাবলবান সবে বিক্রমে অপার ।
 এক এক জন হয় সমান আমার ॥
 প্রতাপেতে কার্ত্তবীর্য্য সম জনে জন ।
 মহারথি মধ্যে গণি বিপক্ষে শমন ॥
 এত শুনি দুর্ঘ্যোধন ভাবিল অন্তরে ।
 নারায়ণী সেনাগণ অতুল সংসারে ॥
 নারায়ণী সেনা যদি পাই কোটি সাত ।
 করিব অতুল যুদ্ধ পাণ্ডবের সাথ ॥
 একক ইহারে নিলে হবে কোন্ কায ।
 এতেক ভাবিয়া চিন্তে কহে কুরুরাজ ॥
 আমার সাহায্যে দেহ সেনা নারায়ণী ।
 এই মম সাহায্য করহ চক্রপাণি ॥
 গোবিন্দ বলেন রাজা যে আজ্ঞা তোমার ।
 শুনিয়া হইল হৃষ্ট কৌরব-কুমার ॥
 নারায়ণী সেনা ল'য়ে গেল দুর্ঘ্যোধন ।
 দেখিয়া অর্জুন হইল বিষন্ন-বদন ॥
 জয় প্রভু জগন্নাথ জয় চক্রধারী ।
 তোমার মহিমা-গুণ কি বলিতে পারি ॥
 শিষ্টজন পাল তুমি দুষ্করে সংহার ।
 জগন্নাথ নাম এই কারণ তোমার ॥
 দারুণরূপে পূর্ণব্রহ্ম নীলাচলে বাস ।
 জগতের হিত তব অতুল প্রকাশ ॥
 অনুক্ষণ তাঁহার চরণে বহু নতি ।
 কাশীরাম দাস কহে মধুর ভারতী ॥

অর্জুনের মনোহরণে শ্রীকৃষ্ণের প্রবোধবাক্য ।

নারায়ণী সেনা কৃষ্ণ দিল দুর্ঘ্যোধনে ।
 দেখিয়া হইল দুঃখ অর্জুনের মনে ॥
 পার্থের অন্তর বুঝি কহিলা শ্রীপতি ॥
 কি হেতু হইলে সখা তুমি দুঃখমতি ॥
 নারায়ণী সেনা যত দিলাম উহারে ।
 সবে হত হইবেক তোমার প্রহারে ॥

পূর্বের কাহিনী কহি শুন দিয়া মন ।
 একদিন আমারে কহিল পিতৃগণ ॥
 বংশের তিলক তুমি পূর্ণ ব্রহ্মরূপে ।
 সকল সংসার এই তব লোমকূপে ॥
 তুমি বিষ্ণু বিশ্বরূপ নর-অবতার ।
 আমাদেরি কর প্রভু আপনি উদ্ধার ॥
 মগধ রাজ্যেতে জাত বরাহ আছয় ।
 তার মাংস আনি শ্রাদ্ধ কর মহাশয় ॥
 তবে হ'বে তৃপ্তিযুক্ত আমাদের মন ।
 এই মত কহিলা আমাকে পিতৃগণ ॥
 পিতৃগণবাক্যে করিলাম অঙ্গীকার ।
 পুনরপি আমারে কহিল আরবার ॥
 একাকী যাইবে তুমি বরাহ মারিতে ।
 একজন সঙ্গে নাহি লবে কদাচিতে ॥
 যদি সেই দুষ্ক মাংস হইবে নিশ্চয় ।
 না হইবে আমাদের তাহে পাপক্ষয় ॥
 পিতৃগণ বাক্য শুনি অশ্বে আরোহিয়া ।
 একাকী মগধ রাজ্যে প্রবেশিলু গিয়া ॥
 জরাসন্ধ আসিয়া কহিল সমাচার ।
 সসৈন্যে সাজিয়া সেই আছে দুরাচার ॥
 একেশ্বর বেড়িলেক করি শতপুর ।
 সৈন্য-কোলাহল শব্দ গেল বহুদূর ॥
 ভাবিলাম উপায় না দেখিয়া তখন ।
 একেশ্বর বলে পরাজিব কত জন ॥
 দুরন্ত দুর্জয় সেই মগধের সেনা ।
 যত মরে তত জীয়ে না হয় গণনা ॥
 অনেক ভাবিয়া আমি যুক্তি করি সার ।
 অঙ্গ বুদ্ধি করিলাম পর্ব্বত আকার ॥
 অঙ্গ হৈতে সেইরূপে হইল সৃজন ।
 দেখিতে দেখিতে নারায়ণী সেনাগণ ॥
 শত সহস্র মহারথী অঙ্গেতে জন্মিল ।
 জরাসন্ধ সঙ্গে তারা যুদ্ধ আরম্ভিল ॥
 যুদ্ধে পরাভূত হৈল মগধ রাজন ।
 ভঙ্গ দিয়া পলাইল যত সৈন্যগণ ॥
 তবে সেই বরাহেরে চক্রেতে গ্রহণি ।
 আসিলাম নারায়ণী সেনা সঙ্গে করি ॥

ক্ট হ'য়ে বলিলাম সেই সেনাগণে ।
 ই বর ইচ্ছা কর মাগ মম স্থানে ॥
 ত শুনি বলিলেক সেই সেনাগণ ।
 দি বর দিবা তবে দেহ নারায়ণ ॥
 তরের হাতে যত্না অভিলাষ নয় ।
 তাম'র সমান রূপে গুণে যেবা হয় ॥
 র হাতে যত্না যেন হয় সবা'কার ।
 ই বর আজ্ঞা কর দৈবকীকুমার ॥
 হাদের বাক্যেতে দিলাম বর দান ।
 বে চিতে করিলাম এই অনুমান ॥
 সগ রূপে গুণে কে আছে সংসারে ।
 গুণ বিনা আর না দেখি কাহারে ॥
 জ্ঞানের হাতে হবে তোমাদের ক্ষয় ।
 বে ভারত-যুদ্ধ না হয় সংশয় ॥
 কারণে নারায়ণী সেনা যত জন ।
 রলাম দুর্ঘোষন প্রতি সমর্পণ ॥
 অস্ত্র নিহত হইবে মৈত্র্যগণ ।
 বলি মায়া দেখাইল নারায়ণ ॥
 হার মন্তক নাহি কবন্ধের প্রায় ।
 দিয়া অর্জুন চিতে মানেন বিশ্বয় ॥
 র কৃষ্ণ অর্জুন কহিল যোড়করে ।
 নার বিষম মায়া কে বুঝিতে পারে ॥
 র পুন্ডলি তুমি কত মায়া জান ।
 নি নিরঞ্জন তুমি পূর্ণ ভগবান ॥
 কতে সহায় তুমি কিবা মম ভয় ।
 রব কৌরবগণে না ভাবি সংশয় ॥
 নিলাম নারায়ণ যুদ্ধে হবে জয় ।
 ইলাম এই হেতু তোমার আশ্রয় ॥
 নার সাহায্যে ইন্দ্র জয়ী ত্রিভুবনে ।
 রূপাবলে দণ্ড পাইল শমনে ॥
 নার সাহায্যে সৃষ্টি করে প্রজাপতি ।
 নার প্রতাপে শিব সংহার মুরতি ॥
 ই প্রভু হৈলে তুমি আমার সারথি ।
 নাত্র কুরুকূলে নাহি অব্যাহতি ॥
 প্রভু হইলা যে আমার সহায় ।
 যেন মধ্যে মম আর কারে ভয় ॥

অর্জুনের বাক্যে হাসি বলে নারায়ণ ।
 না বুঝিয়া পার্থ আমা করিলে বরণ ॥
 কৌরবের সহায় অনেক যোদ্ধাপতি ।
 একেশ্বর কি করিতে আমার শক্তি ॥
 এত শুনি হাসিয়া কহিল ধনঞ্জয় ।
 বাক্য না বুঝিয়া হেন কহ মহাশয় ॥
 এ তিন ভুবনে ব্যাপ্ত তোমার বিভূতি ।
 তুমি আদি অন্ত তুমি জগতেরপতি ॥
 তুমি সৃষ্টি পাল তুমি করহ সংহার ।
 তোমার বিভূতি বুঝে সামর্থ্য কাহার ॥
 কোন্ ছার অল্পমতি কৌরব-তনয় ।
 সহস্র কৌরবে মম আর নাহি ভয় ॥
 এক্ষণে যে কহি তাহা শুন দিয়া মম ।
 যুধিষ্ঠির-আজ্ঞা তথা যাইবে আপন ॥
 পাইয়া রাজার আজ্ঞা বিলম্ব না করি ।
 সেইক্ষণে রথে চড়ি চলিলেন হরি ॥
 বিরাট নগরে যান অর্জুন সহিত ।
 কৃষ্ণকে দেখিয়া ধর্মরাজ মহাপ্রীত ॥
 যত্নপি গোবিন্দ বন্ধ পাণ্ডবের সনে ।
 তথাপি বসিতে দেন রত্ন-সিংহাসনে ॥
 মহাভারতের কথা অমৃত-নান ।
 ব্যাস-বিরচিত দিব্য ভারত-আখ্যান ॥
 যেবা পড়ে যে পড়ায় করয়ে শ্রাণ ।
 তাহারে প্রসন্ন হন দেব নারায়ণ ॥
 এই কথা কহি আমি রচিয়া পয়ার ।
 অবহেলে শুনে যম সকল সংসার ॥
 মন্তকে বান্ধিয়া বিপ্রপল-পদজ ॥
 কহে কাশীদাস গদ্যের দাশ গ্রন্থ ॥

কৃষ্ণ ও যুধিষ্ঠিরের যুক্তি ।

জিজ্ঞাসিল জন্মে জন্ম কহ যুধিষ্ঠির ।
 সভামধ্যে কি বুদ্ধি হইল অতঃপর ।
 পাণ্ডবের দূত হ'য়ে দেব জগৎপতি ।
 কি প্রকারে বুঝাইল কৌরবের প্রতি ॥
 কৃষ্ণের বচন না শুনিল দুর্ঘোষন ।
 কিরূপে ভারত-যুদ্ধ হৈল আরম্ভন ॥

কহিবে সে সব কথা করিয়া বিস্তার ।
 মুনি বলিলেন শুন নৃপতি-কুমার ॥
 পাণ্ডবের সভায় বসিলা নারায়ণ ।
 দেখি আনন্দিত বড় পাণ্ডুর নন্দন ॥
 গোবিন্দ দেখিয়া রাজা মহাহর্ষমনে ।
 নিভৃতে করিলা যুক্তি শ্রীকৃষ্ণের সনে ॥
 যুধিষ্ঠির বলিলেন শুন নারায়ণ ।
 হইবে ভারত-যুদ্ধ না হয় থগুন ॥
 দুর্ঘ্যোধন দুর্শ্মতি সে করিবে প্রলয় ।
 যুদ্ধ হেতু হইবেক জ্ঞাতিগণ ক্ষয় ॥
 ক্ষত্রগণ অস্ত যাবে পৃথ্বী হতস্বামী ।
 এ কারণে মনে যুক্তি করিয়াছি আমি ॥
 জ্ঞাতিগণ বধ মম প্রাণে নাহি সহে ।
 কুলক্ষয় নয়নে দেখিতে ঘোণ্য নহে ॥
 দূতযুখে দুর্ঘ্যোধনে কহি পুনঃ পুনঃ ।
 কদাচিত ছাড়িয়া না দিবে রাজ্যধন ॥
 করিলাম পূর্ব্ব যে নিয়ম পঞ্চজনে ।
 হইলাম ধর্ম্ম হৈতে মুক্ত এইক্ষণে ॥
 ভ্রমিলাম তপস্বীবেশেতে বনে বনে ।
 ইহাতেও দয়া না জন্মিল দুর্ঘ্যোধনে ॥
 অজ্ঞাত বৎসর এক রহি পরদেশে ।
 রাজপুত্র হ'য়ে এত ক্লেশ ক্লীববেশে ॥
 এত দুঃখ দিয়া ক্ষান্ত না করিল মন ।
 সমুচিত রাজ্য নাহি দিবে দুর্ঘ্যোধন ॥
 বহুকষ্টে পারি যদি করিতে সংহার ।
 রাজ্যধন তবে সে পাইব পুনর্ব্বার ॥
 হেন রাজ্যধনে মম নাহি প্রয়োজন ।
 কিবা কার্য্য করিব মারিয়া জ্ঞাতিগণ ॥
 এই হেতু চিন্তে ভাবি সব ক্ষমা দিব ।
 তব আজ্ঞা হইলে পুনশ্চ বনে যাব ॥
 তীর্থযাত্রা করিয়া ভ্রমিব বনে বন ।
 লউক সকল রাজ্য পাপী দুর্ঘ্যোধন ॥
 পিতৃহৃত্য পিতামহ আচার্য্য মাতুল ।
 আত্মীয় বান্ধব আর যত জ্ঞাতিকুল ॥
 এ সকল সংহারিব রাজ্যের নিমিত্তে ।
 হেন রাজ্যপদে স্থখ নাহি চাহি চিন্তে ॥

না বুঝিয়া প্রবৃত্ত হইব অহঙ্কারে ।
 কি জানি যদি না পারি কুরু জিনিবারে
 সংসার যুড়িয়া লজ্জা হবে অতিশয় ।
 এই হেতু মম চিন্তে হইতেছে ভয় ॥
 হের ভীম ধনঞ্জয় মাদ্রীর নন্দন ।
 আজন্ম দুঃখেতে গেল কে করিবে রণ ॥
 বলহীন শরীর কেবল আত্মামাত্র ।
 কৌরব সম্মুখে নাহি হয় যুদ্ধপাত্র ॥
 বিরাট দ্রুপদ ধৃষ্টদ্যুম্ন শিখণ্ডাদি ।
 দ্রৌপদীর পঞ্চপুত্র আর সত্যবাদী ॥
 এই সব বীর আছে আমার সহায় ।
 ইহারা কি করিবেক কৌরব দুর্জয় ॥
 কৌরবের সহায় অনেক বীরগণ ।
 এক এক জন যেন দ্বিতীয় শমন ॥
 ভীষ্ম দ্রোণ অশ্বথামা কৃপ মহামতি ।
 সোমদত্ত ভুরিশ্রবা সুশর্ম্মা নৃপতি ॥
 মহারথী মহামতি সবে মহাবল ।
 শত ভাই দুর্ঘ্যোধন আর বৃহদ্বল ॥
 যুদ্ধে কাজ নাহি মম না পারিব জানি ।
 বনবাসে কর আজ্ঞা যাব চক্রপাণি ॥
 এত শুনি হাসিয়া কহেন নারায়ণ ।
 সন্ন্যাস ধর্ম্মেতে তব নাহি প্রয়োজন ॥
 রাজধর্ম্ম নীতি কিছু কহিব তোমাতে ।
 পূর্ব্বতে নিষ্পন্ন যাহা হইল বিচারে ॥
 রাজা হ'য়ে ক্ষমাবন্ত নহিবে কখন ।
 অতি উগ্র না হইবে সদা শান্তমন ॥
 ক্ষত্রধর্ম্মে যেই জন হয় বলবান ।
 অহঙ্কারে জ্ঞাতি বন্ধু করে তৃণজ্ঞান ॥
 ক্ষত্র মধ্যে শত্রুশত্রু গণি যে তাহারে ।
 করিবে তাহাকে নষ্ট যে কোন প্রকারে
 বলে ছলে যুদ্ধে তারে যেরূপে পাইবে ।
 অবশ্য তাহারে রাজা সংহার করিবে ॥
 ইহাতে অধর্ম্ম নাহি শুন নরবর ।
 সেই সব দুর্ঘ্যোধন করিল পামর ॥
 তাহারে মারিতে নহে পাপের উদয় ।
 জ্ঞাতিমধ্যে শত্রু সেই মহা দুরাশয় ॥

হিলাম হিতবাক্য তোমারে রাজন ।
 ত বলি প্রবোধ দিলেন নারায়ণ ॥
 চিল ধর্মের ভয় আনন্দিত মন ।
 তে ভৈষ ধনঞ্জয় আর মন্ত্রিগণ ॥
 কে একে রাজাকে কহিল বিবরণ ।
 দ্রোণ করহ রাজা করিবারে রণ ॥
 স্কন্ধ বচনে ধর্ম না কর সংশয় ।
 কৌরবে মারিয়া রাজ্য কর মহাশয় ॥
 না দ্বন্দ্ব রাজ্য নাহি দিবে দুর্ঘ্যোধন ।
 গাহারে মারিলে নহে পাপের কারণ ॥
 আমার সহায় তব শঙ্কা কারে আর ।
 রাজ্যমাত্র কৌরবেরে করিব সংহার ॥
 হার্য সর্বশষ তব দেব জগৎপতি ।
 হার প্রসাদে জয় হবে নরপতি ॥
 হিলেন ধর্ম ইহা কভু নহে আন ।
 আমার সহায় সর্বশষ যে নারায়ণ ॥
 হার প্রসাদে ভয় নাহি ত্রিজগতে ।
 খাপিও চাহে লোকে ধর্মের তরেতে ॥
 ত দূত কর্ম নহে কহি এ কারণ ।
 রু সভামধ্যে তুমি যাও নারায়ণ ॥
 তিধর্ম কহিয়া বুঝাবে দুর্ঘ্যোধনে ।
 চরাষ্ট্র জ্যেষ্ঠতাত জাহ্নবী-নন্দনে ॥
 ধমে কহিবা অর্ক রাজ্য ছাড়ি দিতে ।
 জন রত্ন যেই ছিল ইন্দ্রপ্রস্থে ॥
 ধাপর অধিকার ছিল মম যত ।
 দিয়া প্রীতি কর পাণ্ডব সহিত ॥
 তিজ্ঞা যে ছিল তাহা হইয়াছি পার ।
 বে কেন রাজ্য ছাড়ি না দিবে আমার ॥
 হি দিলে ধর্ম বল তরিবে কেমনে ।
 ই তাই যুদ্ধ হৈলে কি হয় সাধনে ॥
 তিগণ পড়িবে পড়িবে বন্ধুগণ ।
 যুদ্ধ হবে সর্ব কুল-বিনাশন ॥
 কারণে যুদ্ধ কার্যে নাহি প্রয়োজন ।
 রাজ্য দিয়া তোম পাণ্ডবের মন ॥
 কহিবা তারে করিয়া বিনয় ।
 কমল রাজা পাণ্ডুর তনয় ॥

রাজ্য দেশ বৃত্তি যত অশ্ব ধন জন ।
 সকল ছাড়িয়া দিল তোমার কারণ ॥
 পঞ্চ ভাই পাণ্ডবেরে পঞ্চ গ্রাম দেহ ।
 সাগর অবধি রাজ্য সকল ভুঞ্জহ ॥
 ইন্দ্রপ্রস্থ কুশস্থল বারণানগর ।
 হস্তিনার উত্তরে শ্রুগান্তি গ্রামবর ॥
 পাণ্ডব নগর গ্রাম তাহার দক্ষিণে ।
 এই পঞ্চ গ্রাম দিয়া তোম পঞ্চজনে ॥
 এইরূপে বুঝাইবে রাজা দুর্ঘ্যোধনে ।
 তোমার বচন যদি না শুনে শ্রবণে ॥
 আপনার দোষে দুষ্ট হইবে নিধন ।
 এতে পাপ কলঙ্ক না হবে নারায়ণ ॥
 অধর্ম করিলে পাপ হইবে অপার ।
 লোক ধর্ম ভাল মন্দ নহিবে বিচার ॥
 তার পাপে হইবেক জ্ঞাতিগণ ক্ষয় ।
 শীঘ্রগতি যাও তুমি কৌরব-আলয় ॥
 গোবিন্দ বলেন রাজা যে আজ্ঞা তোমার ।
 ইহার উচিত বটে জানা একবার ॥
 যত্নপি সম্প্রীতে রাজ্য দেয় দুর্ঘ্যোধন ।
 দুই কুল রক্ষা হয় জীয়ে জ্ঞাতিগণ ॥
 ভীমার্জুন বলিলেন নাহি লয় মন ।
 সম্প্রীতে যে রাজ্য দিবে দুষ্ট দুর্ঘ্যোধন ॥
 তাহাতে রাধেয় মন্ত্রী বড় চুরাচার ।
 গান্ধারী নন্দন দুঃশাসন দুষ্ট আর ॥
 এই তিন জনের বুদ্ধিতে দুর্ঘ্যোধন ।
 আমাদের সঙ্গে নাহি করিবে মিলন ॥
 তথাপিও যাও তুমি ধর্মের আজ্ঞায় ।
 সাবধান হইয়া যাইবা হস্তিনায় ॥
 কুবুদ্ধি কুমন্ত্রী খল রাজা দুর্ঘ্যোধন ।
 একাকী পাইয়া পাছে করে কুমন্ত্রণ ॥
 একারণে লও সঙ্গে মহারথিগণ ।
 এক অকোহিণী সঙ্গে করুক গমন ॥
 গোবিন্দ বলেন মম ভয় আছে কারে ।
 শত দুর্ঘ্যোধন মম কি করিতে পারে ॥
 তবে যদি প্রবৃত্ত হইবে অহঙ্কারে ।
 মুহূর্ত্তেকে বিস্মৃচক্রে মারিব সবারে ॥

বাতি দিতে না রাখিব কূলে একজনে ।
 বংশ সহ সংহার করিব দুর্ঘ্যোধনে ॥
 এত বলি করিলেন গোবিন্দ প্রস্থান ।
 রথী দশ সহস্রেক ল'য়ে ধনুর্বাহণ ॥
 বলিল শ্রীকৃষ্ণ প্রতি ভাই পঞ্চজন ।
 অমিলাম বিষম সঙ্কটে কত বন ॥
 তোমার প্রসাদে দুঃখ হইল মোচন ।
 সান্ত্বাইবা মায়ে যেন দুঃখিতা না হন ॥
 শুনিয়া গোবিন্দ করিলেন অঙ্গীকার ।
 দ্রোপদী কৃষ্ণেরে চাহি বলিছে আবার ॥
 শুনহ দুঃখের কথা কমললোচন ।
 অত্যন্ত নিষ্ঠুর শত্রু পাপ দুর্ঘ্যোধন ॥
 যত দুঃখ দিলেক সে জানহ বিশেষ ।
 সভামধ্যে ধরিয়া আনিল মম কেশ ॥
 বিবস্ত্রা করিতে ইচ্ছা কৈল দুর্ঘটগণ ।
 করিয়াছ তুমি প্রভু লজ্জা নিবারণ ॥
 হেন জন মুখ পুনঃ চাহ দেখিবারে ।
 তব বাক্য কদাচ না রাখিবে পামরে ॥
 তার সঙ্গে প্রীতি করি কিবা আছে হিত ।
 সবংশে মারিতে তারে হয়ত উচিত ॥
 তোমার আশ্রয়ে দেব কেবা বীর্যহত ।
 সবাই যুঝিবে কৃষ্ণ তোমার সন্মত ॥
 মম পিতা যুঝিবেন দ্রুপদ স্ত্রধীর ।
 ভাই আরো যুঝিবেন ধৃষ্টদ্যুম্ন বীর ॥
 শিখণ্ডী করিবে যুদ্ধ মহাবলবান ।
 পঞ্চভাই করিবেন রণ সমাধান ॥
 মম পঞ্চ পুত্র আছে সংগ্রামে স্ত্রধীর ।
 দ্বিতীয় বাসব তুল্য অভিমন্যু বীর ॥
 ভোজবংশে মৎস্যবংশে যত বীরগণ ।
 এক এক জন যেন দ্বিতীয় শমন ॥
 কৌরবেরে পরাজয় করিবে সমরে ।
 কোন প্রয়োজনে প্রভু যাও তথাকারে ॥
 স্বপ্ন আজি দেখিয়াছি শুন মহাশয় ।
 রথে চড়ি রণ করে পাণ্ডুর তনয় ॥
 রাক্ষস আকার ধরি বীর বৃকোদর ।
 রণমধ্যে দুঃশাসন চিরিল উদর ॥

রক্তপান করিলেন দেখিষু নয়নে ।
 ধবল কুঞ্জর চড়ি মাদ্রীর নন্দনে ॥
 কৌরবের সহিত হইল মহারণ ।
 ধবল পুষ্পের মালা পরি পঞ্চজনে ॥
 শ্বেত কৃষ্ণ লোহিতাদি বর্ণ ছত্রে বাণ ।
 কৌরবের সেনা করে রক্তজলে স্নান ॥
 স্রোতোধারে মহাবেগে রক্তধারা বয় ।
 দেখিয়াছি এই স্বপ্ন শুন মহাশয় ॥
 কৌরবের পরাজয় পাণ্ডবের জয় ।
 গোবিন্দ বলেন দেবী হইবে নিশ্চয় ॥
 শত্রু মধ্যে যাইবার উচিত না হয় ।
 তথাপি যাইব আমি ধর্ম্মের আজ্ঞায় ॥
 বুঝাইব নীতিধর্ম্ম দুর্ঘট দুর্ঘ্যোধনে ।
 মৃত্যুকালে ঔষধ না খায় রোগিজনে ॥
 কদাচিত মম বাক্য না শুনিবে কাণে ।
 সবংশে যাইবে দুর্ঘট যমরাজ-স্থানে ॥
 অচিরে হবে তব দুঃখ বিমোচন ।
 হস্তিনায় রাজধানী হইবে এখন ॥
 এত বলি সান্ত্বাইয়া দ্রুপদ-কন্যায় ।
 শুভযাত্রা করি হরি যান হস্তিনায় ॥
 মহাভারতের কথা অমৃত-সমান ।
 কাশীরাম দাস কহে শুনে পুণ্যবান ॥

শ্রীকৃষ্ণের হস্তিনায় আগমন সম্বন্ধে কুরুদের পর

গুনি বলে শুন কুরুবংশ চুড়ামণি ।
 বিদুর আদিয়া অন্ধ্র কহেন তখনি ॥
 হস্তিনায় আসিবেন আপনি শ্রীপতি ।
 দুর্ঘ্যোধনে বুঝাইতে ধর্ম্মশাস্ত্র নীতি ॥
 সকল মঙ্গল রাজা হইবে তোমার ।
 এই হেতু গোবিন্দ হইল আগুসার ॥
 তোমার পূর্বের ধর্ম্ম হইল উদয় ।
 সম্প্রীতি করিল কৃষ্ণ হেন মনে লয় ॥
 সাবধানে মহারাজ পূজিবা কৃষ্ণেরে ।
 ত্যজিয়া কাপট্য শাঠ্য নির্ম্মল অন্তরে ॥
 উভয় কূলের হিত চিন্তি নারায়ণ ।
 আসিবেন তোমার সভায় এ কারণ ॥

স্তম্ভের সমান রত্ন অসংখ্য কাঞ্চন ।
 অশ্রুক্রায় যদি কৃষ্ণে করে নিবেদন ॥
 তাহাতে না হন শ্রীত দেব দামোদর ।
 অশ্রুয় অত্যন্ত দিলে মানেন বিস্তর ॥
 অশ্রুযিত হইয়া যে কৃষ্ণপূজা করে ।
 প্রথম সঙ্কটে কৃষ্ণ উদ্ধারেন তাঁরে ॥
 নররূপে পূর্ণব্রহ্ম আদি নারায়ণ ।
 সর্বদা হইয়ে তাঁরে পূজিবা রাজন ॥
 এত শুনি ধৃতরাষ্ট্র সানন্দ হৃদয় ।
 পুনরুৎপত্তি তনু হৈল অতিশয় ॥
 বিদুরে চাহিয়া পরে বলিলা বচন ।
 মনোবাঞ্ছা পূর্ণ মম হইল এখন ॥
 কুরুক্ষেত্র হবে বলি জানি জগন্নাথ ।
 সে কারণে আসিবেন আমার সাক্ষাৎ ॥
 আমার ভাগ্যের সীমা বলিতে না পারি ।
 দ্রিষ্ট করিবারে হেথা আসেন শ্রীহরি ॥
 কৃষ্ণের মতি যেন কুমতি বিনাশিনী ।
 ক্রোধেধনে শান্তি বুঝাইবেন আপনি ॥
 ঈশ দ্রোণ কর্ণ রূপ আর দুর্যোধনে ।
 দ্রাক দিয়া আন শীঘ্র আমার সদনে ॥
 দ্রাক দেখি কিবা বলে করিব বিচার ।
 কুরুক্ষেত্রে যুক্তি দেয় সে আবার ॥
 ঈশ বিদুর তবে গিয়া সেইক্ষণ ।
 দ্রাক দিয়া আনাইল যত সভাজন ॥
 ঈশ দ্রোণ রূপ কর্ণ প্রতীপনন্দন ।
 রাজানাত্র আনাইল যত সভাজন ॥
 তাতে বসিল সবে সিংহ অবতার ।
 দ্রিষ্ট লাগিল তবে অম্বিকাকুমার ॥
 মনস্কাম পূর্ণ হৈল এতদিনে ।
 তব কুলের হিত চিন্তা করি মনে ॥
 দ্রাক দুর্যোধনে ধর্ম্মনীতি বুঝাইতে ।
 কুরুক্ষেত্রে আসিতেছেন হস্তিনাপুরীতে ॥
 কুরুক্ষেত্রে পূজিব কৃষ্ণে বলহ আমারে ।
 দ্রাক বিধান তবে করিব বিস্তারে ॥
 ত শুনি কহিলেন গঙ্গার তনয় ।
 আমার পুণ্যের ফল হইল উদয় ॥

যাহে শ্রীত হন কৃষ্ণ কহি শুন নীত ।
 বিচিত্র মন্দির কর শীঘ্র বিরচিত ॥
 ইন্দ্রের নগর তুল্য নগরপ্রধান ।
 নানা রত্ন মাণিক্যেতে করহ নিৰ্ম্মাণ ॥
 পথে পথে দেহ রাজা জলছত্র দান ।
 স্থানে স্থানে রত্নবেদী করহ নিৰ্ম্মাণ ॥
 অগুরু চন্দন ছড়া দেহ ত নগরে ।
 করুক মঙ্গল বাঢ় প্রতি ঘরে ঘরে ॥
 গুবাক কদলী আনি রোপ সারি সারি ।
 স্থানে স্থানে নানা যজ্ঞ মহোৎসব করি ॥
 নট নটীগণ আর নর্তক গায়ন ।
 গোবিন্দ-গুণানুবাদ করুক কীর্ত্তন ॥
 দিব্য বস্ত্র অলঙ্কার করিয়া স্রবেণ ।
 চারি জাতি ল'য়ে বসে এই চারি দেশ ॥
 আগুসারি আন গিয়া দৈবকীনন্দনে ।
 পূজা কর গোবিন্দেরে এইত বিধানে ॥
 তবে সুখ নরপতি হইবে তোমার ।
 মম চিন্তে লয় রাজা এইত বিচার ॥
 এতেক বলিল যদি ভীষ্ম মহামতি ।
 দ্রোণ রূপ আদি সবে দেন অনুমতি ॥
 এইরূপে পূজা কৃষ্ণে হয়ত উচিত ।
 ধৃতরাষ্ট্র বলে মম এই লয় চিত ॥
 দুর্যোধন বলে মম নাহি রুচে মম ।
 এইরূপে কৃষ্ণপূজা কোন্ প্রয়োজন ॥
 ক্ষত্রধর্ম্ম পৃথিবাতে কে করে বাখান ।
 কোন্ রাজগণ কৃষ্ণে করিল সম্মান ॥
 শিশুপাল রাজা ছিল বিখ্যাত ভুবনে ।
 কদাচিত মান্য নাহি করে নারায়ণে ॥
 কপট করিয়া কৃষ্ণ সংহারিল তারে ।
 জরাসন্ধ রাজা নিন্দা করিল তাহারে ॥
 গোবিন্দেরে সে বলিল গোয়ালানন্দন ।
 ক্ষত্রিয় অধম বলি করিত গণন ॥
 বড়ই কপট ক্রুর রুষ্ণিগীর পতি ।
 তারে মান্য কদাচ না করি নরপতি ॥
 মান্য কৈলে উপহাস করিবে সংসারে ।
 ক্ষত্ররাজগণ কত কৃষ্ণে মান্য করে ॥

পহাস হতে মৃত্যু বরং শ্রেষ্ঠ কৰ্ম্ম ।
 না করিল কেহ দেখি তার ধৰ্ম্ম ।
 তর জনের প্রায় পূজি নারায়ণে ।
 ত বুঝাইবে তাহা না শুনিব কাণে ॥
 যার মনে লয় রাজা এইত যুক্তি ।
 ত শুনি কহে তবে ভীষ্ম মহামতি ॥
 যবে বুঝি দুৰ্য্যোধন হারাইল জ্ঞান ।
 জানহ নারায়ণ পুরুষপ্রধান ॥
 মান্য করিতে তাঁরে চাহ অহঙ্কারে ।
 নারায়ণ মুহূর্ত্তেকে মারিবে সবারে ॥
 তি দিতে না রাখিবে কৌরববংশেতে ।
 ত বলি ভীষ্ম বীর উঠে সভা হৈতে ॥
 মাপন মন্দিরে গেল হয়ে ক্রুদ্ধমন ।
 আর যে শিবিরে গেল যত সভাজন ॥
 তবে দুৰ্য্যোধনে অন্ধ বলিল বচন ।
 বলিল ভীষ্ম তাহা না কর হেলন ॥
 না করি পূজ কৃষ্ণ না করি রহস্ত ।
 এই কুল হিত কৃষ্ণ করিবে অবশ্য ॥
 তামারে ভেটিবে আসি দৈবকীকুমার ।
 তামার ভাগ্যের সীমা কিবা হবে আর ॥
 প্রদানিত হ'য়ে বৎস পূজ নারায়ণ ।
 প্রদায় সকল কার্য্য হইবে সাধন ॥
 মল্ল বা বিস্তর দেয় শ্রদ্ধা পুরস্কারে ।
 অকপট হ'য়ে যেন কৃষ্ণপূজা করে ॥
 আপনাকে দিয়া তাঁর বশ হন হরি ।
 সে কারণে কহি শুন কুরু অধিকারী ॥
 অকপট হ'য়ে তুমি পূজ নারায়ণ ।
 মম বাক্য কদাচিত না কর হেলন ॥
 দুৰ্য্যোধন বলে তাত কহিলে যেমন ।
 তব আজ্ঞা হেতু আমি করিব তেমন ॥
 শিল্পকারগণে ডাকি বলে দুৰ্য্যোধন ।
 দিব্য রত্নসিংহাসন করহ রচন ॥
 রত্নের মন্দির ঘর বিচিত্র আবাস ।
 বসিবেন তাতে আসি দেব ত্রিনিবাস ॥
 নগরে নগরে কর পুষ্পের মন্দির ।
 পথে পথে স্থানে স্থানে রচহ শিবির ॥

উৎসব করুক সদা স্থখে সৰ্ব্বজনে ।
 নট নটী নৃত্য যেন করে স্থানে স্থানে ॥
 রাজ-আজ্ঞা পেয়ে যত অনুচরগণ ।
 যে কহিল ততোধিক করিল রচন ॥
 নগরে নগরে করে রত্ন বাস ঘর ।
 স্থানে স্থানে যজ্ঞারম্ভ করিল বিস্তর ॥
 নানা বৃক্ষগণ রোপিলেক সারি সারি ।
 বিচিত্র শোভন যেন ইন্দ্রের নগরী ॥
 চারি জাতি নগরেতে যত প্রজাগণ ।
 সবাকারে চরগণ বলিল বচন ॥
 আসিবেন কৃষ্ণ আজি নৃপ ভেটিবারে ।
 আগু হ'য়ে সবে গিয়া আনিবে তাঁহারে ॥
 শুনিয়া আনন্দে মগ্ন নগরের জন ।
 সুসজ্জ হইল ভেটিবারে নারায়ণ ॥

হস্তিনা যাইতে পথে প্রজা কর্তৃক শ্রীকৃষ্ণের স্তব ।
 সুসজ্জ হইয়া হরি, রথে অরোহণ করি
 হস্তিনায় করেন গমন ।
 নানাবিধ বাঘ বাজে, কেহ অশ্বে কে গজে
 সঙ্গে চতুরঙ্গ সৈন্যগণ ॥
 বিরাতনগর তরি, তরিলে সে কাঞ্চীপুর
 বাম করি মগধের দেশ ।
 কাঞ্চন নগর দিয়া, কাশীরাজ্য এড়াইয়া
 ব্রহ্মদেশে আসে হৃষীকেশ ॥
 অবসান হৈল বেলা, বনমালী উত্তরিল
 বিজ্ঞাম করেন কতক্ষণ ।
 জানি কৃষ্ণ আগমন, ব্রহ্মবাসী প্রজাগণ
 ভেটিতে আসিল সৰ্ব্বজন ॥
 নানা ভক্ষ্য উপহার, দিয়া নানা অলঙ্কার
 শকটে পুরিয়া রত্ন ধন ।
 দণ্ডবৎ প্রণতি করি, ষড়ঙ্গে পূজিয়া হা
 নানাবিধ করিল স্তবন ॥
 নমো নমো জয় জয়, নমস্তে করুণাময়
 পূর্ণব্রহ্ম আদি গদাধর ।
 নমো হুয়গ্রীব কাশ্য, নমো বেদ উদ্ধার
 নমো নমো মীন কলেবর ॥

নমঃ কুস্মরূপধারী, সমুদ্র মথনকারী,
জয় জয় নমস্তে ত্রীধর ।
নমস্তে বামনরূপ, মোহহারী বলি ভূপ,
নমো নমো দেব দামোদর ॥
নমস্তে বরাহ কায়, হিরণ্যাক্ষ বিনাশয়,
নমস্তে মোহিনী কলেবর ।
দেবাসুর মোহ যায়, রুদ্ধ তত্ত্ব নাহি পায়,
নমো নমঃ অখিল ঈশ্বর ॥
নমো নমো নারায়ণ, মহাদৈত্য-বিনাশন,
নমস্তে নৃসিংহ-রূপধারী ।
নমো রাম ভৃগুকায়, ক্ষত্রবংশ বিনাশয়,
জয় জয় নমস্তে মুরারি ॥
নমো রবিবংশধারী, নমস্তে বামন হরি,
দুষ্ক শিশুপাল-বিনাশন ।
নমো রামকৃষ্ণতনু, বাসুদেব অঙ্গজনু,
জয় প্রভু জয় নারায়ণ ॥
তুমি আদি তুমি অন্ত, তুমি সূক্ষ্ম স্থূলতন্ত্র,
আত্মারূপে সর্বত্র বিহার ।
কষ্ট পক্ষী মংস্ত্র আদি, জীবজন্তু নিরবধি,
কেহ ভিন্ন না হয় তোমার ॥
তোমার চরণ সেবি, নারদাদি মহাকবি,
মৃত্যুঞ্জয় কৈল মৃত্যু জয় ।
সবিয়া তোমার পায়, ব্রহ্মা ব্রহ্মপদ পায়,
ব্রহ্মপদ দেহ মহাশয় ॥
নমো বুদ্ধ দেহধর, ভবিষ্যতি কলেবর,
নমঃ কল্কি স্লেচ্ছ বিনাশয় ।
নাহি তার কোন ভয়, সদা সে নির্ভয় হয়,
তব গুণকথা যেই গায় ॥
আমরা অত্যন্তমতি, কি জানি তোমার স্তুতি,
না জানেন ব্রহ্মা হরি হর ।
পাণ্ডবেরা ইন্দ্রপ্রস্থে, চিরকাল মনঃস্বাস্থ্যে,
নির্ভয়েতে করিল আশ্রয় ॥
দুর্যোধন কুরুমণি, পাশায় সর্বস্ব জিনি,
সবারে পাঠায় বনবাসে ।
দেখি দুষ্ক ছুরাচার, মানি সবে পরিহার,
নিবাস করিষু এই দেশে ॥

চিরকাল আছি আশে, পাণ্ডব আসিবে দেশে
পুনরপি যাইব তথায় ।
আহা ধর্ম যুধিষ্ঠির, ভীম পার্থ নহে স্থির,
না দেখিয়া তোমা সবা কায় ॥
তোমা সবা বিনা কায়, দেখিবারে মা যুয়ায়
পুত্রবৎ করিতে পালন ॥
স্মরি পাণ্ডুপুত্রগণ, ব্রহ্মবাসী প্রজাগণ,
মহাশোক হৈল অচেতন ॥
দুষ্ক হ'য়ে নারায়ণ, আশ্বাসিয়া প্রজাগণ,
কহিতে লাগিলেন তখন ।
শোক না করিহ আর, যাও সবে নিজাগার,
শীঘ্র হবে পাণ্ডব দর্শন ॥
হইয়া পাণ্ডব দূত, বুঝাইতে কুরুস্থত,
যাই আমি হস্তিনা ভুবনে ।
পাণ্ডবের রাজ্যবাড়ী, যদি নাহি দেয় ছাড়ি,
দুর্যোধন আমার বচনে ॥
কৃষিবে পাণ্ডবগণ, বলে লবে রাজ্যধন,
কুরুবংশ করিয়া বিনাশ ।
এত বলি নারায়ণ, আশ্বাসিয়া প্রজাগণ,
সেই দিন তথা করি বাস ॥
বিচিত্র ভারত-কথা, ব্যাস বিরচিত গাথা,
শুনিলে অধর্ম হয় নাশ ।
কমলাকান্তের স্তত, হেতু স্বজনের শ্রীত,
বিরচিল কাশীরাম দাস ॥

হস্তিনায় শ্রীকৃষ্ণের উপস্থিত ।

মুনি বলে শুন কুরুবংশ চূড়ামণি ।
ব্রহ্মদেশে রাত্রি বঞ্চি দেব চক্রপাণি ॥
প্রাতঃকৃত্য নিবর্তিয়া অরোহিয়া রথে ।
মেলান মাগিয়া চলিলেন হস্তিনাতে ॥
বিচিত্র মন্দির পথে পথে নানা বাস ।
দেখিয়া বিস্মিত হৈল দেব ক্রীনিবাস ॥
কোনখানে মুনিগণে বেদ উচ্চারয় ।
কোনখানে বাণকর সুবান্ন বাজায় ॥
নগরের প্রজাগণ দিব্য বেশ ধরি ।
চতুরঙ্গ দলে বসিয়াছে সারি সারি ॥

দেখিয়া কহেন কৃষ্ণ ডাকি সাত্যকিরে ।
 পূর্বমত হইবেক দেখি হস্তিনারে ॥
 দ্বিতীয় ইন্দ্রের পুর দেখি সুশোভন ।
 বড়ই ধর্ম্মাশ্রা দেখি হেথা প্রজাগণ ॥
 বুঝি এবে ধৃতরাষ্ট্র ধর্ম্মে মতি দিল ।
 সে কারণে মহোৎসব গীত আরম্ভিল ॥
 সাত্যকি বলিল নহে ধর্ম্মের কারণ ।
 তোমার পরীক্ষা করিতেছে দুর্য়োধন ॥
 লোকমুখে শুনি ভক্তাধীন জনার্দন ।
 পাণ্ডবের বশ তেঁই ভক্তির কারণ ॥
 ভক্তিতে পাণ্ডব বশ করিয়াছে তাঁরে ।
 আমি ভক্তি করি দেখি এবে কিবা করে ॥
 এমত মন্ত্রণা করি যত কুরুগণ ।
 যক্ষ মহোৎসব করিয়াছে আরম্ভণ ॥
 এত শুনি হাসি হাসি কহে দামোদর ।
 আমার কপট ভক্তি নহে প্রীতিকর ॥
 বিড়ম্বিলে মোরে সেই নিজে বিড়ম্বিবে ।
 এই দোষে যমঘরে অবিলম্বে যাবে ॥
 এত বলি জগন্নাথ করিয়া প্রস্থান ।
 নগর মধ্যেতে উত্তরিলেন শ্রীমান ॥
 কৃষ্ণ আগমন শুনি কৌরবের পতি ।
 আগু বাড়াইয়া গিয়া আনে শীঘ্রগতি ॥
 চতুরঙ্গ দলে গিয়া বীর দুঃশাসন ।
 আগু বাড়াইয়া শীঘ্র আনে নারায়ণ ॥
 সাত্যকি সহিত কৃষ্ণে আনিল সভাতে ।
 যথাযোগ্য স্থানে সবে দিলেন বসিতে ॥
 ভক্তি করি দুর্য়োধন রত্নসিংহাসনে ।
 সভামধ্যে বসাইল দেব নারায়ণে ॥
 যত দ্রব্য আহরণ করে দুর্য়োধন ।
 গোবিন্দের অগ্রে ল'য়ে দিল সেইক্ষণ ॥
 অশ্রদ্ধায় যত দ্রব্য করে সমর্পণ ।
 কোন দ্রব্য না নিলেন তার নারায়ণ ॥
 প্রসঙ্গ করিয়া কহিলেন জনার্দন ।
 আজি কোন' দ্রব্যে মম নাহি প্রয়োজন ॥
 আজি আমি বৃহি গিয়া বিহুরের বাসে ।
 শালি রাজা মম পূজা করিও বিশেষে ॥

এত বলি সভা হ'তে উঠি নারায়ণ ।
 সাত্যকির হাত ধরি করেন গমন ॥
 তবে দুর্য়োধন রাজা উঠি সভা হৈতে ।
 কর্ণ দুঃশাসন মাতুলেরে নিল সাথে ॥
 অন্দরে আমত্য সহ বসি দুর্য়োধন ।
 যুক্তি করে কি উপায় করিব এখন ॥
 পাণ্ডবের পক্ষে দেখি দেব নারায়ণ ।
 পাণ্ডবের গতি কৃষ্ণ পাণ্ডব-জীবন ॥
 কৃপা করি বান্ধ এবে রাখ শ্রীনিবাস ।
 দন্ত উপাড়িলে যেন ভুজঙ্গ নিরাশ ॥
 কৃষ্ণ বিনা মরিবেক পাণ্ডু-অঙ্গজন্ম ।
 জলহীন মৎস্য যেন নাহি ধরে তন্ম ॥
 দুঃশাসন বলে যুক্তি নিল মোর মন ।
 গোবিন্দেরে রাখ রাজা করিয়া বন্ধন ॥
 বলিকে বান্ধিয়া যথা ইন্দ্র রাজ্য করে ।
 এই কশ্মে তব হিত দেখি যে অন্তরে ॥
 শকুনি বলিল যুক্তি নিল মোর মন ।
 এই কশ্মে সব স্তুত দেখি যে রাজন ॥
 পূর্বাপর শাস্ত্রমত আছে হেন নীত ।
 বলে ছলে শত্রুকে না ক্ষমিতে উচিত ॥
 তোমার পরম শত্রু পাণ্ডুর নন্দন ।
 তার অনুগত হয় দেব নারায়ণ ॥
 তারে বন্দি করা দোষ নাহিক ইহাতে ।
 বন্ধন করিয়া কৃষ্ণে রাখহ স্ত্রিতে ॥
 কর্ণ বলে ভাল বলে গান্ধারীনন্দন ।
 এই কশ্মে তব স্তুত হইবে রাজন ॥
 পাণ্ডবের পক্ষ হবে যত যদুগণ ।
 গোবিন্দ বিচ্ছেদে সবে কল্লিবেক রণ ॥
 যাহা হোক তারা তব কি করিতে পারে ।
 নিভূতে বান্ধিয়া তুমি রাখ দামোদরে ॥
 এতেক বলিল যদি রাখার নন্দন ।
 কপট মন্ত্রণা করি আনন্দিত মন ॥
 যত দৃঢ়ঘাতিগণ দ্বারেতে আছিল ।
 নিভূতে ডাকিয়া আনি সবারে কহিল ॥
 কল্য কৃষ্ণ আসিবেন মোর অন্তঃপুরে ।
 দ্বারকা যাশেন তিনি কহিয়া আমারে ॥

মহাপাশে শীত্র তাঁরে করিয়া বন্ধন ।
 দতনে রাখিবে তাঁরে করিয়া গোপন ॥
 শুনি অঙ্গীকার কৈল দুৰ্দ্ধমতিগণ ।
 হইল সানন্দ চিত্ত রাজা দুৰ্য্যোধন ॥

বিহরের গৃহে কুন্তীসহ শ্রীকৃষ্ণের দর্শন ।

কহে জনমেজয় শুন তপোধন ।
 অতঃপর কিবা করিলেন নারায়ণ ॥
 দুৰ্য্যোধন-সভা হতে উঠি হৃষীকেশ ।
 কিবা কর্ম করিলেন কহ সবিশেষ ॥
 মমি বলে শুন পরীক্ষিতের নন্দন ।
 চহিব পুরাণ কথা করহ শ্রবণ ॥
 সত্যকি সহিত কৃষ্ণ চলিলা সহরে ।
 দেখেন বিদুর নাহি আপনার ঘরে ॥
 বিদুর বিদুর বলি ডাকেন ত্রীহরি ।
 বহির হ'লেন কুন্তী শব্দ অনুসরি ॥
 গোবিন্দ দেখিয়া কুন্তী আনন্দে পূরিল ।
 পুণিয়ার চন্দ্র যেন হাতেতে পাইল ॥
 অনিঙ্গিয়া শিরে চুম্বি কান্দে অবিশ্রাম ।
 দুই পায়ে ধরি কৃষ্ণ করেন প্রণাম ॥
 প্রসন্ন অর্ঘ্য আনি কুন্তী দিল সেইক্ষণে ।
 বসাইল গোবিন্দেবে কুশের আসনে ॥
 গোবিন্দের আগে কুন্তী কান্দে উচ্চৈঃস্বরে ।
 মম মম ভাগ্যহীন নাহিক সংসারে ॥
 আজন্ম দুঃখেতে মম দহিল শরীর ।
 এত কষ্টে পাপ আত্মা না হয় বাহির ॥
 শিশুপুত্র রাখি স্বামী স্বর্গবাসে গেল ।
 পুত্রগণে এত কষ্ট চক্ষে না দেখিল ॥
 অগ্ন্যবতী সঙ্গে গেল মদ্রের নন্দিনী ।
 আমি সঙ্গে না গেলাম অধম পাপিনী ॥
 পাপগণ পাপিষ্ঠ খল রাজা দুৰ্য্যোধন ।
 বার বারে যত দুঃখ দিলেক দুর্জয়ন ॥
 বিহ পাণ্ডবাল ভীমে মারিবার তরে ।
 মম হতে রক্ষা পাইলেক বৃকোদরে ॥
 অনন্তরে কপটতা করি পাপমতি ।
 অগ্নিগৃহ করি দিল করিবারে স্থিতি ॥

তাহাতে পাইল রক্ষা বিদুর কৃপাতে ।
 দ্বাদশ বৎসর দুঃখে ভ্রমিষু বনেতে ॥
 ভিক্ষাতে যে করিলাম উদর পূরণ ।
 ক্ষত্র হ'য়ে করিলাম বিপ্র-আচরণ ॥
 বহু কষ্ট পেয়ে তবে গেমু পাঞ্চালারে ।
 পাঁচটি কুমার গেল ভিক্ষা অনুসারে ॥
 আমার পুণ্যের ফল উদয় হইল ।
 সভামধ্যে লক্ষ্য বিধি দ্রৌপদী পাইল ॥
 পুত্রগণ পক্ষ রাজা দ্রুপদ হইল ।
 দিনকত তথা মাত্র সুখেতে বঞ্চিল ॥
 অনন্তরে দেশে এলে খল কুরুপতি ।
 হরিবারে ইন্দ্রপ্রস্থে দিলেক বসতি ॥
 আপন ইচ্ছায় ভাগ দিল যেবা কিছু ।
 তাহাতে সন্তুষ্ট হৈল মোর পক্ষ শিশু ॥
 ধর্ম্যবলে বাহুবলে সঞ্চল রতন ।
 পিতৃ-আজ্ঞা ল'য়ে যজ্ঞ করিল সাধন ॥
 দেখিয়া বৈভব মোর দুর্দ্ধ দুৰ্য্যোধন ।
 শকুনির সহ যুক্তি করিয়া দারুণ ॥
 কপট পাশায় জিনি সর্বস্ব লইল ।
 নিয়ম করিয়া বনবাসে পাঠাইল ॥
 যে নিয়ম করে পুত্র সবার অগ্রেতে ।
 তাহাতে হইল মুক্ত ধর্ম্যবল হ'তে ॥
 তপস্বীর বেশ ধরি মম পুত্রগণ ।
 দ্বাদশ বৎসর বনে করিল ভ্রমণ ॥
 এক সম্বৎসর অজ্ঞাতে কাটাইল ।
 এত কষ্ট দিয়া তবু দয়া না জন্মিল ॥
 সম্প্রীতে ছাড়িয়া রাজ্য পাপিষ্ঠ না দিল ।
 যুদ্ধ করি মারিবেক এই সে হইল ॥
 যুদ্ধ করিবারে চাহে মোর পুত্র মনে ।
 না জানি কপালে কিবা আছয়ে লিখনে ॥
 এতেক বলিতে শোক বাড়িল অপার ।
 উচ্চৈঃস্বরে কান্দে কুন্তী করি হাহাকার ॥

শ্রীকৃষ্ণের নিকটে কুন্তীর রোদন ।

হাহা ভীম যুধিষ্ঠির, হাহা পুত্র পার্শ্ববীর,
সহদেব নকুল তনয় ।
রূপ গুণ শীলযুতা, হাহা বধু পতিব্রতা,
তোমার বিচ্ছেদে প্রাণ রয় ॥
দুর্গম বিষম বনে, সঙ্গে নিজ স্বামীগণে,
ভয়ানকে বঞ্চিলে কেমনে ।
দারুণ পাপিষ্ঠ পশু, ব্যাঘ্র সর্প যত কিছু,
যক্ষ রক্ষ ভয়ানক স্থানে ॥
তপস্বীর বেশধারী, যত জীব হিংসাকারী,
ভাগ্যে পুণ্যে না মারিল প্রাণে ।
পূর্ব পুণ্যফল হ'তে, রক্ষা হৈল রিপুহাতে,
ধর্ম্যবলে বাঁচিলে জীবনে ॥
প্রাণের দোসর ভূমি, নির্ভয় করিলে ভূমি,
সংহারিয়া রাক্ষস দুর্জয়ন ।
হাহা পুত্র বৃকোদর, মম গোত্রে গোত্রধর,
হাহা পার্শ্ব আমার জীবন ॥
করিয়া খাণ্ডব দাহ, তুষ্ট কৈলে হব্যবাহ,
ইন্দ্রের ভাঙ্গিলে মহাভয় ।
মহা উগ্র তপ করি, তুষ্ট কৈলে ত্রিপুরারি,
বাহুযুদ্ধে কৈলে পরাজয় ॥
এইরূপে পুত্রগণ, মনে করি চতুর্গুণ,
কান্দে দেবী ভোজের নন্দিনী ।
শোকাকুল অতি দীন, শরীর অত্যন্ত ক্ষীণ,
মূর্ছা হ'য়ে পড়িল ধরণী ॥
দেখি ব্যস্ত হ'য়ে হরি, তুলিলেন হাতে ধরি,
প্রবোধিয়া কহিছেন তাঁরে ।
শোক ত্যজ পিতৃষমা, গেল তব দুঃখদশা,
পুত্রগণ দুঃখ গেল দূরে ॥
প্রসন্ন হইল কাল, ধর্ম্য হবে মহীপাল,
আজি কালি হস্তিনানগরে ।
আমারে করিয়া দূত, পাঠাইল ধর্ম্মসূত,
জানাইতে কৌরব-কুমারে ॥
যদি নাহি শুনে বাণী, ক্রুরবুদ্ধি কুরুমণি,
যদি নাহি দেয় রাজ্যভার ।

তবে তব পুত্র জয়, ক্রুরবুদ্ধি কুরুচয়,
সবংশেতে হইবে সংহার ॥
বলিলেন যুধিষ্ঠির, শীঘ্র যাও যত্ববীর,
জননীরে কহিবে এমতি ।
হবে দুঃখ অবসান, ধর্ম্ম রাখিবেন মান,
অচিরে যুচিবে দুর্গতি ॥
এত বলি জগৎপিতা, প্রবোধেন ভোজসুতা,
শুনি কুন্তী হৈল হৃষ্টমন ।
উদ্যোগপর্বের কথা, ব্যাসবিরচিত গাথা,
কাশীরাম দাস বিরচন ॥

শ্রীকৃষ্ণের প্রতি বিহ্বলের স্তব ও তাঁহার
গৃহে শ্রীকৃষ্ণের ভোজন ।

কুন্তী কাছে বসিয়া ছিলেন নারায়ণ ।
নানা কথা আলাপনে অতি হৃষ্টমন ॥
সহসা বিদুর উপনীত নিজালয় ।
কান্ধে হ'তে ভিক্ষাবুলি ভূমিতে নামায় ॥
গৃহে প্রবেশিতে দেখে দেবকীনন্দন ।
কহে গদগদ স্বরে সজল লোচন ॥
আমার ভাগ্যের কথা কহিতে না পারি ।
রূপা করি মম গৃহে আসিলে মুরারি ॥
কোন্ দ্রব্য দিয়া আমি পূজিব তোমারে ।
আছুক অন্যের কাজ অন্ন নাহি ঘরে ॥
বড় ভাগ্যহীন আমি অধম বঞ্চিত ।
ক্ষমিবে আমারে প্রভু দেখিয়া দুঃখিত ॥
এত বলি দণ্ডবৎ হ'য়ে করে স্তুতি ।
নমোনমঃ পূর্ণব্রহ্ম জগতের পতি ॥
তুমি আত্ম তুমি অন্ত তুমি মধ্যরূপ ।
সকল সংসার প্রভু তোমার স্বরূপ ॥
নমো নমঃ আদি ব্রহ্ম মংশুরূপধর ।
নমো নমো হয়গ্রীব নমস্তে ভূধর ॥
নমস্তে বরাহ হিরণ্যাক্ষবিদারক ।
নমো ভৃগুপতিরূপ ক্ষত্রকুলান্তক ॥
নমঃ কৃষ্ণ অবতার মন্দরধারণ ।
নমস্তে মোহিনীরূপ অম্বরমোহন ॥

নমস্তে নৃসিংহরূপ দৈত্যবিনাশক ।
 নমস্তে প্রহ্লাদ প্রতি কৃপা-প্রকাশক ॥
 নমস্তে বামনরূপ বলিদ্বারে দ্বারী ।
 বাহুদেব নমো জয় নমস্তে যুরারি ॥
 ভবিষ্যতি অবতার নমো বৌদ্ধকায় ।
 নমঃ কল্কি অবতার শ্বেচ্ছবিনাশয় ॥
 কি জানি তোমার স্তুতি আমি হীনজ্ঞান ।
 ব্রহ্ম শিব আদি যাঁরে সদা করে ধ্যান ॥
 তুমি সে প্রকৃতিপর দেব নিরঞ্জন ।
 আত্মরূপে সর্বভূতে তোমার গমন ॥
 শিশুর পালন কর ছুঁকের সংহার ।
 এই হেতু জগৎপতি নাম যে তোমার ॥
 তে বলিতে পারে তব গুণ অগোচর ।
 তোমার মহিমা বেদ শাস্ত্রের উপর ॥
 একে বিদুর করে নানাবিধ স্তুতি ।
 প্রবন হইয়া তারে কহেন ত্রীপতি ।
 পরম মহৎ তুমি সংসার ভিতরে ।
 তব তুল্য ধর্ম্মশীল নাহি চরাচরে ॥
 উক্তবশ আমি থাকি ভক্তের অধীনে ।
 অধিক নাহিক শ্রীতি ভক্তজন বিনে ॥
 মেরুতুল্য রত্ন যে অভক্ত জন দেয় ।
 তীর্থে আমায় তুষ্টি কিঞ্চিৎ না হয় ॥
 অন্ন বস্তু দেয় যদি ভক্তি পুরস্কারে ।
 প্রগাঢ় যতেক তুষ্টি কে কহিতে পারে ॥
 শ্রীহরির স্নেহবাক্য বিদুর শুনিল ।
 প্রতি অঙ্গ পুলকিত কহিতে লাগিল ॥
 কি দিয়া করিব তুচ্ছ আমি অভাজন ।
 আপনার গুণে কৃপা কর নারায়ণ ॥
 কৃপার অধীন তুমি দয়ার সাগর ।
 কৃপা করি পদছায়া দেহ গদাধর ॥
 বিদুরের স্তবে তুচ্ছ হ'য়ে নারায়ণ ।
 কৌতুহল কহেন পুনঃ কপট বচন ॥
 বিদুর সে সব কথা হইবে পশ্চাতে ।
 সম্প্রতি কাতর আমি অত্যন্ত ক্ষুধাতে ॥
 স্তবেতে কাহার কবে পূরিল উদর ।
 অন্নবস্ত্র আন কিছু জুড়াক অন্তর ॥

জ্ঞান করি বসিয়াছি বিনা জলপানে ।
 যে কিছু আছেয়ে শীঘ্র আন এইখানে ॥
 শুনিয়া বিদুর গৃহে করিল প্রবেশ ।
 তগুলের খুদমাত্র আছে অবশেষ ॥
 তাহা আনি দিল পদ্মাবতি পদাকরে ।
 পদ্মা সহ পদ্মাপতি বাঞ্চিল অন্তরে ॥
 সন্তুষ্ট হইয়া কৃষ্ণ করেন ভক্ষণ ।
 বিদুর লজ্জিত হ'য়ে না মেলে নয়ন ॥
 পুনশ্চ বিদুর কহে দেব দামোদরে ।
 আচ্ছা কর বাই আমি ভিক্ষা অনুসারে ॥
 নগরে যে পাই ভিক্ষা অতিরিক্ত নয় ।
 এত শুনি হাসি কয় দৈবকীতনয় ॥
 ভিক্ষার কারণ বহু কৈলে পর্যটন ।
 পুনঃ যাবে ভিক্ষাতে না রুচে মম মন ॥
 যে কিছু পাইলে তাহা করহ রক্ষন ।
 সব মেলা বাঁটিয়া তা করিব ভক্ষণ ॥
 শুনিয়া বিদুর আচ্ছা দিলেন কুন্তীরে ।
 রক্ষন করিয়া কুন্তী দিলেন সত্বরে ॥
 সাত্যকি সহিত কৃষ্ণ বিদুরের বাসে ।
 ভোজনান্তে আচমন করিলেন শেষে ॥
 তাম্বুল নাহিক আনি দিল হরিতকী ।
 ভক্ষণ করিয়া কৃষ্ণ পরম কৌতুহী ॥
 বিদুর সাত্যকি আর দেব নারায়ণ ।
 ইচ্ছা আলাপনে করিলেন জাগরণ ॥
 বিদুর বলেন দেব কর অবধান ।
 কি হেতু হস্তিনাপুরে তোমার প্রয়াণ ॥
 পাণ্ডবের দূত হ'য়ে এলে অভিপ্রায়ে ।
 ধর্ম্মনীতি বুঝাইতে গান্ধারী তনয়ে ॥
 তব বাক্য না রাখিবে কভু দুর্ব্যোধান ।
 সম্প্রীতে ছাড়িয়া রাখা দিব দর্শন ॥
 গোবিন্দ বলেন বাহা কহিলে প্রমাণ ।
 না করিবে সম্প্রীতে সে পাণ্ডব সম্মান ॥
 তথাপিও লোকধর্ম্মে তাঁরবার তরে ।
 ধর্ম্ম-আত্মা যুগিষ্ঠির পাঠাইল মোরে ॥
 পক্ষ ভাই জন্মে নাগি লব পক্ষগ্রাম ।
 এই হেতু আসিলাম দুর্ব্যোধান ধাম ॥

আকাশ ভাঙ্গিয়া পড়ে পৃথি যদি ভাসে ।
 দিনকর তেজে যদি সপ্তসিদ্ধি শোষে ॥
 ইন্দ্র আদি দেব যদি তব পক্ষ হয় ।
 জিনিতে নারিবে তব পাণ্ডুর তনয় ॥
 অপরাধ যে করিলে পাণ্ডব সদনে ।
 বিনয় করিয়া দোষ খণ্ডাও এক্ষণে ॥
 গলায় কুঠার বান্ধি দন্তে তৃণ করি ।
 গৌত্রগতি যাও যথা ধর্ম অধিকারী ॥
 যত ধন রাজ্য নিলে জিনিয়া পাশাতে ।
 তাহার দ্বিগুণ করি দেহ ত সাক্ষাতে ॥
 ইন্দ্রপ্রস্থে ধর্ম আনি অভিষেক কর ।
 এই কস্মে তব হিত দেখি কুরুবর ॥
 এতেক নারদ মুনি বলিল বচন ।
 বলিল পরশুরাম জানিয়া কারণ ॥
 ব্যাস বুঝাইল কত না শুনিল কাণে ।
 পৌলস্ত্য যে বুঝাইল বেদের বিধানে ॥
 অনন্তরে বুঝাইল যত সভাজন ॥
 কার' বাক্য না শুনিল গান্ধারীনন্দন ॥
 অদৃষ্ট মানিয়া তবে ধৃতরাষ্ট্র বলে ।
 কালেতে কুবুদ্ধি ফল দুর্ঘ্যোধনে কলে ॥
 সে কারণে কার' বাক্য না শুনে শ্রবণে ।
 এত শুনি মৌন হ'য়ে রহে সভাজনে ॥
 অদৃষ্ট মানিয়া তবে অশ্বিকানন্দন ।
 নিশ্বাস ছাড়িয়া হেঁট করিল বদন ॥
 পুনরপি হস্তমুখে বলে নারায়ণ ।
 জানিলাম দুর্ঘ্যোধন তোমার যে মন ॥
 অবশেষে বলিলেন যদুবংশপতি ।
 কহি অবধানে শুন কুরুবংশপতি ॥
 অর্ক রাজ্য ছাড়ি যদি না দিবে রাজন ।
 তোমার অধীন হৈল পাণ্ডুপুত্রগণ ॥
 পঞ্চ গ্রাম ছাড়ি দেহ পঞ্চ পাণ্ডবকে ।
 সকল পৃথিবী ভোগ ভুমি কর স্থখে ॥
 ইন্দ্রপ্রস্থ বারণাবত আর কুশস্থল ।
 পাণ্ডব নগর আর সিদ্ধি গ্রামবল ॥
 এই পঞ্চগ্রাম ছাড়ি দেহ পাণ্ডবেরে ।
 স্বন্দে কার্য নাহি রাজা কহিনু তোমারে ॥

পঞ্চ গ্রাম দিয়া শান্ত কর পঞ্চ জন ।
 পৌরুষ বৈভব যদি চিন্তহ রাজন ॥
 উভয় কুলের আমি সদা চিন্তি হিত ।
 মম বাক্যে পাণ্ডুপুত্রে করহ সংপ্রীত ॥
 বনে বনে ভ্রমে পাণ্ডবেরা পঞ্চজন ।
 বলহীন কিছুমাত্র ধরয়ে জীবন ॥
 যুদ্ধে অসমর্থ তারা নারিবে জিনিতে ।
 না হয় উচিত জ্ঞাতি হনন করিতে ॥
 জ্ঞাতিবধ মহাপাপ সর্বশাস্ত্রে গণি ।
 সে কারণে উপেক্ষা না কর নৃপমণি ॥
 এতেক বলিল যদি দেব জগৎপতি ।
 মহাক্রোধ চিতে কহিছেন কুরুপতি ॥
 মহাক্রোধ নিবারিয়া উঠে সভা হতে ।
 গোবিন্দে চাহিয়া তবে লাগিল কহিতে ॥
 তীক্ষ্ণ সূচি অগ্রদেশে ধরে যত ভূমি ।
 বিনা যুদ্ধে পাণ্ডবেরে নাহি দিব আমি ॥
 প্রতিজ্ঞা করিনু আমি না হবে খণ্ডন ।
 পশ্চিমে উদয় যদি হয় ত তপন ॥
 আকাশ পড়য়ে ভূমে পৃথি জলে ভাসে ।
 দিনকর তেজে যদি সপ্তসিদ্ধি শোষে ॥
 যোগী যোগ ত্যজে ধ্যান ত্যজে পঞ্চানন ।
 গায়ত্রীবিহীন যদি হয় দ্বিজগণ ॥
 তথাপি প্রতিজ্ঞা মম না হবে খণ্ডন ।
 পাণ্ডবেরে ছাড়িয়া না দিব রাজ্যধন ॥
 এত শুনি মৌনী হ'য়ে রহে লক্ষ্মীপতি ।
 বলেন ক্ষণেক পরে ধৃতরাষ্ট্র প্রতি ॥
 দূত হ'য়ে আসিলাম দুই কুল হিতে ।
 শুনিবু অদ্ভুত কথা বিহর মুখেতে ॥
 কোন্ দোষ করিলাম শুনহ রাজন ।
 আমারে বান্ধিতে চাহে তোমার নন্দন ॥
 কে পারে বান্ধিতে পারে দেখ বিত্তমানে ।
 ক্ষমা করি শুধু মাত্র চাহি তোমা পানে ॥
 ক্ষুদ্র যুগে মারে যথা কেশরী প্রচণ্ড ।
 নাগেরে গরুড় যথা করে খণ্ড খণ্ড ॥
 সেইরূপ দেখি আমি যত কুরুগণে ।
 মুহূর্তে মারিতে পারি যদি করি মনে ॥

আমার অপেক্ষা হেতু ক্ষমিয়াছি আমি ।
 হ কেন পাণ্ডবেরা ভ্রমে বনভূমি ॥
 ত বলি উচ্চঃস্বরে হাসে নারায়ণ ।
 দিতে হাসিতে হৈল আরক্ত লোচন ॥
 ত্রিক্রোধে কলেবর দেখি লাগে ভয় ।
 বম্বায়া সৃজিলেন দেব দম্বাময় ॥
 জ অঙ্গে দেখালেন এ তিন ভুবন ।
 বাচস্কু সব জনে দেন নারায়ণ ॥
 বাচস্কু পেয়ে তবে একদৃষ্টে চায় ।
 তক দেখিল তাহা कहনে না যায় ॥
 বতা তেত্রিশ কোটি দেখে অঙ্গদেশে ।
 তিন্দ্রে দেখে ব্রহ্মা আছে সবিশেষে ॥
 রদ বক্ষেতে শোভে দেব তপোধন ।
 যনে দেখয়ে একাদশ রুদ্রগণ ॥
 নপশাশং বায়ু অশ্বিনীকুমার ।
 নন্ত বায়ুকী আদি যত নাগ আর ॥
 গবিন্দের পুরোভাগে করে নানা স্তুতি ।
 বে আর নানাবিধ দেখয়ে বিভূতি ॥
 গবর ভঙ্গম দেখে যত দেহিগণ ।
 গবিন্দের অঙ্গে দেখে এ তিন ভুবন ॥
 গবরূপ নিরখিয়া সবে মূর্ছা গেল ।
 গবিন্দের অগ্রে সবে कहিতে লাগিল ॥
 গবতের কর্তা তুমি জগতের পতি ।
 গবন পালন তুমি সংহার মুরতি ॥
 গবর মহিমা তব বেদে অগোচর ।
 গবরূপ সম্বরহ দেব গদাধর ॥
 গবরূপে স্তুতি কৈল যত মুনিগণ ।
 গবদ্রোণ রূপ আদি যতেক সৃজন ॥
 গববশে প্রসন্ন হইলে জগৎপতি ।
 গবরূপ মায়া ছাড়িলেন সে বিভূতি ॥
 গব্যোদনে পুনরপি বুঝাইল সবে ।
 গবর বাক্য ত্র্যযোদন নাশুনিল যবে ॥
 গব হতে উঠি তবে চলে সর্বজন ।
 গব স্থানে গেল তবে যত মন্ত্রিগণ ॥
 গব্যকিরে হাতে ধরি চলেন শ্রীহরি ।
 গব্য দিয়াছিল কুরু অধিকারী ॥

কিছু দেব্য না নিলেন হ'য়ে ক্রোধমন ।
 নীত্রগতি করিলেন রথে আরোহণ ॥
 বিশ্বয় মানিল ধৃতরাষ্ট্র নরপতি ।
 অনর্থ হইল বলে ভীষ্ম মহামতি ॥
 মৌনভাবে রহিলেন অশ্বিকানন্দন ।
 কুন্তীর নিকটে কৃষ্ণ করেন গমন ॥
 সম্ভাষি সবারে পরে কুন্তীরে নমিয়া ।
 বহু কথা कहিলেন নিকটে বসিয়া ॥
 যাবৎ বৃত্তান্ত সব कहিলেন তাঁকে ।
 চলিলেন চক্রপাণি সম্ভাষি সবাকে ॥
 পথে কর্ণ সহ মিলিলেন জনার্দন ।
 কর্ণের সহিত হৈল রহস্য কথন ॥
 কন্যাকালে কুন্তীগর্ভে তোমার উৎপত্তি ।
 তুমি কর্ণ মহাবীর কুন্তীর সম্ভুতি ॥
 যুধিষ্ঠির নৃপতির তুমি সহোদর ।
 আপনা না চিন কর্ণ তুমি কি বর্কর ॥
 ধর্মশাস্ত্র পড়িয়াছ করিয়াছ দান ।
 ব্রাহ্মণ-সভাতে করে তোমার ব্যাখ্যান ॥
 তোমার কনিষ্ঠ পাণ্ডবেরা পঞ্চ ভাই ।
 এ হেন সম্বন্ধ কর্ণ বড় ভাগ্যে পাই ॥
 দ্রৌপদীর পঞ্চ পুত্র অভিমন্যু আদি ।
 পূজিবে ভৃত্যের সম তোমা নিরবধি ॥
 নকুল অর্জুন সহদেব ভীম বীর ।
 তব পদ ধোয়াইবে রাজা যুধিষ্ঠির ॥
 স্বর্ণ রজত কুণ্ডে তব অভিষেক ।
 রাজকন্যা সেবিবে যে দেখিবে প্রত্যেক ॥
 ছয় জনে দ্রৌপদীরে করিবে সেবন ।
 অগ্নিহোত্র করিবেক ধোম্য তপোধন ॥
 তোমাতে সিঞ্চিবে আজি চারবেদী ।
 পাণ্ডবের পুরোহিত কুশলসংবাদী ॥
 যুবরাজ হবে তবে রাজা যুধিষ্ঠির ।
 ধবল চামর ল'য়ে বিচিত্র শরীর ॥
 মস্তকে ধরিবে ছত্র বীর বৃকোদর ।
 রথের সারথি হবে পার্থ ধনুর্ধর ॥
 সূদীর শিখণ্ডী তব হবে আগুসার ।
 এ সব বচন কর্ণ ধরিবে আমার ॥

বৃষ্টিবংশ ল'য়ে তব পিছে যাব আমি ।
 এ সব সম্পদ কর্ণ ভোগ কর তুমি ॥
 বলিলেন এই মত নিজে দামোদর ।
 ভক্তি করি কর্ণ তবে দিলেন উত্তর ॥
 সূর্যের ওরসে জন্ম কুন্তীর উদরে ।
 সূর্যের বচনে মাতা বিসজ্জ্বল মোরে ॥
 সূত মোরে পেয়ে পালে আপনার ঘরে ।
 আমারে পুষিল রাধা যত্ন পুরঃসরে ॥
 স্তন দিয়া পুষিলেন জানে সর্বজন ।
 সর্বলোকে বলে মোরে রাধার নন্দন ॥
 ধর্ম্মেতে পাণ্ডব সূত কুন্তীগর্ভজাত ।
 যুধিষ্ঠিরে না কহিবে এ সব বৃত্তান্ত ॥
 অনুরোধ করিবেন ধর্ম্ম নৃপবর ।
 আমি পুনঃ সর্বথা না যাব দামোদর ॥
 আমি যদি পাই রাজ্য দিব দুর্ঘ্যোধনে ।
 সত্যভঙ্গ তথাপি না করি লয় মনে ॥
 দুর্ঘ্যোধন কৈল মোরে বিস্তর পোষণ ।
 নানা রত্ন ধন দিল দিব্য নারীগণ ॥
 তের বৎসর ভুঞ্জিলাম রাজ্য আদি স্তম্ভ ।
 দুর্ঘ্যোধন প্রসাদেতে নাহি কোন দুঃখ ॥
 করিব নিতান্ত রণ অর্জুন সহিত ।
 প্রতিজ্ঞা করিছু সর্ব কৌরব বিদিত ॥
 যত্নপি জানি যে আমি পাণ্ডবের জয় ।
 সবাক্ষবে দুর্ঘ্যোধন হইবেক ক্ষয় ॥
 অর্জুনের হাতে হবে আমার নিধন ।
 ভীষ্ম দ্রোণে মারিবেক দ্রুপদনন্দন ॥
 ধৃতরাষ্ট্র পুত্র এই শত সহোদর ।
 পাঠাবে শমন-ঘরে বীর বৃকোদর ॥
 তথাপিও না ত্যজিব রাজ্য দুর্ঘ্যোধনে ।
 ক্ষত্রিয়ের ধর্ম্ম জান প্রতিজ্ঞা পালনে ॥
 আপনি জানহ কৃষ্ণ সকল রহস্য ।
 সকল কৌরব নাশ হইবে অবশ্য ॥
 যেখানে তোমার নাম সেইখানে জয় ।
 ইণ্ডে অন্তমত নাহি শুন মহাশয় ॥
 যথা কৃষ্ণ তথা জয় জানি যে সর্বথা ।
 আমার প্রতিজ্ঞা নষ্ট না হইবে তথা ॥

কেবল নিমিত্তভাগী এই তিনজন ।
 দুঃশাসন দুর্ঘ্যোধন স্তবলনন্দন ॥
 কৌরব পাণ্ডব যুদ্ধে রুধিরে কর্দম ।
 মরিবে পাণ্ডব-হাতে কৌরব অধম ॥
 পাণ্ডবের হৈবে জয় কুরু পরাজয় ।
 অবিলম্বে জনার্দন হইবে নিশ্চয় ॥
 মঙ্গল না দেখি কৌরবের কাজে ।
 উৎপাত অদ্রুত দেখি গ্রহগণ মাঝে ॥
 গগনেতে উল্কাপাত নির্ধাত সহিত ।
 পৃথিবী কম্পিতা হয় দেখি বিপরীত ॥
 ভয়ানক শব্দ করি কান্দে অশ্ব গজ ।
 অকস্মাৎ খসি পড়ে যত রথধ্বজ ॥
 গৃধ্র পক্ষী কাক বক মুষিক সঞ্চান ।
 কৌরবের পাছে পাছে দেখি বিগ্ৰহান ॥
 মাংস আর রক্তবৃষ্টি উর্দ্ধ বহে বাত ।
 কৌরবগণের মৃত্যু দেখি জগন্নাথ ॥
 দুঃস্বপ্ন দেখিছু আমি শুন নারায়ণ ।
 অমৃত পায়স ভুঞ্জে পাণ্ডুপুত্রগণ ॥
 পৃথিবী প্রসবে ধর্ম্ম দেখিয়া এমন ।
 পর্বতে উঠিয়া ভীম করে মহারণ ॥
 ধবল কবচ গায় দেখি স্তম্ভোত্তম ।
 পুষ্পমালা গলে শোভে ধবল বসন ॥
 হাতেতে ধবল ছত্র নামি সরোবর ।
 স্বপ্ন আমি দেখিলাম শুন দামোদর ॥
 পাণ্ডব হইল জয়ী কুরু পরাজয় ।
 অচিরে হইবে কৃষ্ণ নাহিক সংশয় ॥
 এত বলি কর্ণ বীর করিল গমন ।
 প্রেমরূপে গোবিন্দে দিল আলিঙ্গন ॥
 কর্ণ বীর গেল যদি আপন ভবন ।
 সৈন্যগণ সহ চলিলেন জনার্দন ॥
 নানাবাণ্ড কোলাহলে চলেন ত্বরিত ।
 বিরাটনগরে হইলেন উপনীত ॥
 হরিহরপুর গ্রাম সর্ব গুণধাম ।
 পুরুষোত্তম নন্দন মুখটী অভিরাম ॥
 কাশীদাস বিরচিল তাঁর আশীর্ব্বাদে ।
 সদা চিন্ত রহে যেন দ্বিজ-পাদপদ্মে ॥

ধৃতরাষ্ট্রের নিকটে সনৎ সুজাত
মুনির আগমন ।

সভা হতে উঠি তবে চলে নারায়ণ ।
দুর সহিত মাত্র রহিল রাজন ॥
গুণের ভয়ে অন্ধ চিস্তানলে জ্বলে ।
মিল সনৎসুজাত মুনি হেনকালে ॥
ভ্রমে বিদুর তবে উঠি সেইক্ষণে ।
গুণে করি দিল বসিতে আসন ॥
রুদ্ধে বিদুর জানাইল সেইক্ষণে ।
মিল সনৎসুজাত তব দরশনে ॥
নি অন্ধ দগুণে করিল প্রণতি ।
দুঃখ আনাইয়া দিল শীঘ্রগতি ॥
কি হ'য়ে আসনেতে ব'সে তপোধন ।
চিত্ত লাগিল তবে অশ্বিকানন্দন ॥
পাত্ৰা কুবুদ্ধি মোর দুৰ্য্যোধন স্তত ।
সহ বাঞ্ছয়ে সদা পাণ্ডব সহিত ॥
ধুপুত্র কভু সেই অহিত না করে ।
তব দারুণ কষ্ট দিল বারে বারে ॥
কল ক্ষমিল তারা আমার কারণ ।
আপিও পারে নাহি দেয় রাজ্যধন ॥
গুণের দূত হ'য়ে বুঝাইল হরি ।
র বাক্য না শুনিল মহাপাপকারী ॥
আইল মুনিগণ না শুনিল কাণে ।
দুঃখ আদি মম যত পুরজনে ॥
র বাক্য না শুনিল দুষ্ক দুৰ্য্যোধন ।
পনি তাহারে কিছু বল তপোধন ॥
জ্ঞান কহি তারে করহ স্মৃতি ।
গুণেরে ছাড়ি যেন দেয় বসুমতী ॥
নৈয়া সনৎসুজাত কহেন তখন ।
মণি উঠে যদি পশ্চিম গগন ॥
পি পাণ্ডব সহ নাহি হবে প্রীতি ।
বির কাহিনী শুন কহি শাস্ত্রনীতি ॥
ল অশ্বরে যবে পৃথিবী পূরিল ।
যজ্ঞ গো ব্রাহ্মণ সকল হিংসিল ॥
পাতে পূরিল ক্ষিতি ধর্ম হৈল ক্ষয় ।
ধর্ম পৃথিবী বড় মনে পেয়ে ভয় ॥

ব্রহ্মার সাক্ষাতে গিয়া করিল গোহারী ।
হিংসকের ভার আর সহিতে না পারি ॥
মায়াতে জন্মিয়া জীব করে অহঙ্কার ।
মোর রাজ্য মোর ধন মোর পরিবার ॥
মরিলে সম্বন্ধ দেখ নাহি কার সনে ।
আমারে হিংসয়ে লোক আপনা না জানে ॥
কার' বাধ্য নাহি আমি কার' আশু নাহি ।
কীট পক্ষী নর বৃক্ষ সবাকারে বহি ॥
আমাতে জন্মিয়া স্তখে আমাতে বিহরে ।
আমাতে জন্মিয়া জীব আমাতেই মরে ॥
উৎপত্তি প্রলয় স্থিতি আমি সবাকার ।
তবে অবিচারে হিংসা করে দুরাচার ॥
অহিংসা পরম ধর্ম মনে নাহি জানে ।
আমার আমার বলি মরে অজ্ঞ জনে ॥
সৃষ্টির রক্ষণ নাহি করিলে আপনে ।
প্রলয় অশ্বর ব্যাপ্ত হইল এখনে ॥
বহিতে না পারি আর অশ্বরের ভর ।
প্রবেশিয়া পাতালেতে যাই আত্মা কর ॥
পৃথিবীর স্তবে তুষ্ট হ'য়ে পদ্মাসন ।
হরির নিকটে গিয়া করেন স্তবন ॥
নমঃ আদি অন্তহীন নিত্য সনাতন ।
তোমার আত্মায় সৃষ্টি হইল সৃজন ॥
হেন সৃষ্টিনাশ করে অশ্বর প্রবল ।
সহিতে না পারে ক্ষিতি যায় রসাতল ॥
উপায়ে উদ্ধার কর ব্রহ্ম সনাতন ।
এইরূপে নানা স্তুতি কৈল পদ্মাসন ॥
স্তুতিবশে স্তম্ভসন্ন হ'য়ে জগন্নাথ ।
দিব্যরূপ হইলেন ব্রহ্মার সাক্ষাৎ ॥
সাক্ষাতে দেখিল হরি কমল-আসন ।
দগুণে করি পুনঃ করিল স্তবন ॥
গোবিন্দ কহেন ভয় না করিহ আর ।
তোমার বচনে আমি হৈব অবতার ॥
চারিযুগে চারি অংশে অবতার করি ।
যতেক অশ্বরগণে ফেলিব সংহারি ॥
এত বলি নিজ স্থানে যান নারায়ণ ।
শুনি ব্রহ্মা চলিলেন হ'য়ে হৃষ্টমন ॥

সান্ধাইয়া পৃথিবীরে বলিল বচন ।
 অচিরাৎ তব ছুঃখ হইবে মোচন ॥
 প্রত্যক্ষ হইয়া প্রভু কহিল আমারে ।
 অবতার হ'য়ে সব মারিব অসুরে ॥
 অচিরাৎ তব ভার করিব মোচন ।
 যুগে যুগে অবতার হ'য়ে নারায়ণ ॥
 শুনিয়া পৃথিবী হৈলা আনন্দিতা মনে ।
 প্রণমি ব্রহ্মারে তবে গেল নিজ স্থানে ॥
 অঙ্গীকার পালিবারে দেব দামোদর ।
 প্রথমে ধরেন প্রভু মৎস্য-কলেবর ॥
 বেদ উদ্ধারিয়া হয়গ্রীব বিনাশন ।
 তৎপরে বরাহমূর্তি ধরি নারায়ণ ॥
 ধরণী উদ্ধারি মারি হিরণ্যাক্ষ বীরে ।
 নৃসিংহাবতার হইলেন অতঃপরে ॥
 হিরণ্যকশিপু দৈত্যে করেন নিধন ।
 অনন্তরে কুর্মরূপ হন নারায়ণ ॥
 মন্দর ধরিয়া করি সমুদ্র মন্ধান ।
 নারীরূপে করিলেন অসুর মোহন ॥
 ধরিয়া বামনরূপ দেব তার পর ।
 বলির মত্ততা নাশিলেন দামোদর ॥
 নাগপাশে বান্ধি তারে রাখি রসাতলে ।
 নিজ অধিকার দেন যত দিকপালে ॥
 সত্যযুগে হইলেন এই অবতার ।
 অসুরের অহঙ্কার হৈল ছারখার ॥
 ত্রেতাযুগে ক্ষত্রে সব পৃথিবী পূরিল ।
 ভৃগুবংশে তাঁর অংশে অবতার হৈল ॥
 পৃথিবীর ক্ষত্রগণ করিল সংহার ।
 রামরূপে পুনরপি হৈল অবতার ॥
 দারুণ রাক্ষস মারিলেন দশাননে ।
 কৃষ্ণ অবতার প্রভু হ'লেন এক্ষণে ॥
 বকাসুর কংস আর পুতনা রাক্ষসী ।
 জরাসন্ধ রাজা আর শিশুপাল কেনী ॥
 অবহেলে বধিলেন এ সব অসুরে ।
 অবশেষ যত মারিবেন সবাকারে ॥
 বিশ্বের কারণ সেই পালন সৃজন ।
 যেই সৃজে সেই পালে করে সম্বরণ ॥

তার বশ দেখ এই এ তিন ভুবন ।
 ভেদবুদ্ধি করাবার তিনিই কারণ ॥
 তাঁহার বিষম মায়া কে বুঝিতে পারে ।
 অন্তের বাড়ান ক্রোধ অন্তরে সংহারে ॥
 অদৃষ্টে যাহার যেই আছয়ে লিখন ।
 বিধাতার শক্তি নাহি করিতে খণ্ডন ॥
 পৃথিবীর ক্ষত্র নাশ হইবে অবশ্য ।
 চিত্তে ক্ষমা দেহ রাজা শুনহ রহস্য ॥
 যদুবংশে দেখ যত যত ক্ষত্রগণ ।
 অন্তে অন্তে ভেদ করি হইবে নিধন ॥
 দ্বাপর যুগের রাজা হৈল অবশেষ ।
 ক্ষত্র ক্ষয় হ'তে হবে জানিহু বিশেষ ॥
 ভবিষ্যত অবতার হবে কলিশেষে ।
 যদুকুল নিরমূল হবে অবশেষে ॥
 এ সব জানিয়া সবে ধর্ম্মে দেহ মন ।
 পরলোক হেতু চিন্তা ঈশ্বর-চরণ ॥
 নানা যজ্ঞ ধর্ম্ম কর্ম্ম কর অবিরত ।
 এ বিনা উপায় নাহি কহিহু নিশ্চিত ॥
 এত বলি সনৎসুজাত সে তপোধন ।
 আপন আশ্রম প্রতি করিল গমন ॥
 চিন্তিতে প্রবোধ পেয়ে অন্ধ নরপতি ।
 ক্ষমা দিয়া মোনভাবে রহে মহামতি ॥
 বিদুর চলিয়া গেল আপন ভবন ।
 কহিলাম মহারাজ কথা পুরাতন ॥
 মহাভারতের কথা অমৃত-লহরা ।
 কাশী কহে শুনিলে তরয়ে ভববারি ।
 শুনিলে অধর্ম্ম খণ্ডে পরলোকে তরে ।
 অবহেলে শুনে যেন সকল সংসারে ॥

পাণ্ডব সভায় শ্রীকৃষ্ণের আগমন ও সঙ্গে
 পাণ্ডবদের কুরুক্ষেত্রে গমন ।

মুনি বলে অবধান শুনহ রাজন ।
 সভা করি বসিয়াছে ভাই পঞ্চজন ॥
 হেনকালে উপনীত হন নারায়ণ ।
 কৃষ্ণে দেখি সম্মুখে উঠেন পঞ্চজন ॥

বসিতে আসন দিয়া জিজ্ঞাসেন তাঁয় ।
 কি কার্য্য করিলে কৃষ্ণ কুরুর সভায় ॥
 বিবরিয়া সব কথা কহি নারায়ণ ।
 এত শুনি হাসিমুখে কহে জনার্দন ॥
 বড় নরাধম অরি রাজা দুৰ্য্যোধন ।
 কহা'র' বচন নাহি শুনিল কখন ॥
 তোমার বিভাগ দিতে সবে বুঝাইল ।
 কার' বাক্য দুৰ্য্যোধন কর্ণে না শুনিল ॥
 অবশেষে আমি বহু কহিলাম তায় ।
 তথাপি উচিত ভাগ নাহি দিতে চায় ॥
 পঞ্চখানি গ্রাম কহিলাম ছাড়ি দিতে ।
 শুনি সভা হৈতে উঠি গেল সে ক্রোধেতে ॥
 ঘন ঘন হাত নাড়ি কহিল সভায় ।
 সাবধানে শুন কৃষ্ণ কহি যে তোমায় ॥
 তাক্ষ নৃচি অগ্রে ভূমি আচ্ছাদয়ে যত ।
 বিনা যুদ্ধে পাণ্ডবেরে নাহি দিব তত ॥
 নিশ্চয় হইবে যুদ্ধ না হয় থগুন ।
 ইহার বিধান তবে করহ রাজন ॥
 এতক শুনিয়া তবে পাণ্ডুর নন্দন ।
 ক্রোধেতে অবশ অঙ্গ কাঁপে ঘন ঘন ॥
 ক্রোধে ক্রোধ নিবারিয়া কহেন রাজন ।
 দ্রুতপথ দুৰ্য্যোধন করিল সৃজন ॥
 শুন বীর ধনঞ্জয় সহদেব বীর ।
 শুনহ নকুল আর সত্যকি সুধীর ॥
 পঞ্চাল নৃপতি ধৃষ্টদ্যুম্ন মহাশয় ।
 জয়সেন আদি যত ভোজের তনয় ॥
 যুদ্ধের সময় হৈল স্থির কর বুদ্ধি ।
 সাবধানে কর সবে মম কার্য্যাসিদ্ধি ॥
 শুনি অঙ্গীকার করিলেন বীরগণ ।
 পাণপানে তব আজ্ঞা কারব পালন ॥
 কঠোতে যাবৎ প্রাণ সবার আছয় ।
 যাবৎ করিব যুদ্ধ শুন মহাশয় ॥
 বীরগণ বাক্য তবে শুনি নরপতি ।
 সহদেবে ডাকি আজ্ঞা দিল মহামতি ॥
 শুভযাত্রা দেখে ভাই যাব কুরুক্ষেত্র ।
 সন্তুগণে সাজিবারে বলহ একত্র ॥

সহদেব বলে রাজা আজি শুভক্ষণ ।
 পঞ্চমী দিবার আজি নক্ষত্র উত্তম ॥
 আজি যাত্রা করিবারে হয় ত উচিত ।
 আজ্ঞা কৈলে করি যত সৈন্য সমাহিত ॥
 এত শুনি আজ্ঞা দেন ধর্ম্মের নন্দন ।
 সৈন্য সেনাপতি শীঘ্র করহ সাজন ॥
 পাইয়া রাজার আজ্ঞা চারি মহোদর ।
 সৈন্য সেনাপতিগণ সাজিল বিস্তর ॥
 পঞ্চ কোটি সহস্র শতক মহাবলী ।
 বহু কোটি শ্রেষ্ঠ শ্রেষ্ঠ সাজে সেনাপতি ॥
 কোটি কোটি অশ্ব আর পত্তি অগণন ।
 সাত অক্ষৌহিণী সেনা করিল সাজন ॥
 ঘটোৎকচ বীর আসে পেয়ে সমাচার ।
 দু-কোটি রাক্ষস হয় যার পরিবার ॥
 চতুরঙ্গ দল বল সাজে অগণন ।
 এইমত পাণ্ডুসৈন্য করিল সাজন ॥
 শূন্যে দেবগণ করে জয় জয় ধ্বনি ।
 অতি শুভক্ষণে চলে পাণ্ডববাহিনী ॥
 তিনদিনে আসে পথ শতক যোজন ।
 কুরুক্ষেত্রে উভরিল পাণ্ডুপুত্রগণ ॥
 গড় দেখি পঞ্চ ভাই হইলেন খীত ।
 যুদ্ধের সামগ্রী দেখিলেন অপ্রমিত ॥
 আত্মবর্গ যত আসে রাজরাজেশ্বরে ।
 সাত্যকিরে বলে অভ্যর্থনা করিবারে ॥
 সাত্যকি চানন আজ্ঞামাত্র বিচক্ষণ ।
 সমাবেশ করে ক্রমে নর সৈন্যগণ ॥
 যথাযোগ্য বসিতে সবারে দিল স্থিতি ।
 নানা দ্রব্য উপহার দিল মহামতি ॥
 মহাভারতের কথা অমৃত-সমান ।
 কাশীরাম দাস কহে শুনে পুণ্যবান ॥

কুরুক্ষেত্রের কুরুক্ষেত্রে যাত্রা ।

মুনি বলে শুন রাজা শ্রীজন্মেজয় ।
 কুরুক্ষেত্রে আসিলেন পাণ্ডুর তনয় ॥
 সাত অক্ষৌহিণী সেনা করিয়া সাজন ।
 রহেন উত্তর ভাগে সিংহের গর্জন ॥

চর আসি দুর্ঘ্যোধনে করে নিবেদন ।
 কুরুক্ষেত্রে সাজি আসে পাণ্ডুপুত্রগণ ॥
 শুনিয়া নৃপতি আজ্ঞা দিল দুঃশাসনে ।
 শীত্রগতি ডাকি আন যত সভাজনে ॥
 রণসজ্জা কর আসিয়াছে শত্রুগণ ।
 শুভযাত্রা দেখি সৈন্য করহ গমন ॥
 পাইয়া রাজার আজ্ঞা বীর দুঃশাসন ।
 দৈবজ্ঞ আনিয়া দিন করিল গণন ॥
 রাজারে কহিল তবে বীর দুঃশাসন ।
 তৃতীয় প্রহরে যাত্রা দিন শুভক্ষণ ॥
 সাজিবারে আজ্ঞা দিল যত সৈন্যগণ ।
 জয় শব্দ করে যত সৈন্য হুটমন ॥
 অসংখ্য সাজিল রথী লিখিতে না পারি ।
 অর্কবৃন্দ অর্কবৃন্দ যত সাজিল দুধারি ॥
 গজ বাজী পত্তি সাজে রথ অগণন ।
 সমুদ্র সমান সৈন্য সাজে কুরুগণ ॥
 ধ্বজ ছত্র পতাকায় ঢাকিল আকাশ ।
 বাহুকি সৈন্যের ভরে পায় বড় ত্রাস ॥
 টলমল করে পৃথ্বী যায় রসাতলে ।
 প্রলয় কালেতে যেন সমুদ্রে উঠলে ॥
 একাদশ অক্ষৌহিণী করিল সাজন ।
 পঞ্চ শত ক্রোশ যুড়ি রহে সৈন্যগণ ॥
 তবে দুর্ঘ্যোধন রাজা আনি সভাজনে ।
 ভীষ্ম দ্রোণ কৃপ কর্ণ পৃষতনন্দনে ॥
 জয়দ্রথ সোমদত্ত ভগদত্ত বীর ।
 পঞ্চ ভাই ত্রিগর্ত সহিত নৃপতির ॥
 শল্য মদ্রেখর আর সুশর্মা নৃপতি ।
 সবারে বিনয় করি কহে নরপতি ॥
 ক্ষত্রমধ্যে পরাপর নাহি শাস্ত্রনীত ।
 যুদ্ধেতে উপেক্ষা করা না হয় উচিত ॥
 পিতা পুত্রে যুদ্ধ হলে না করি উপেক্ষা ।
 সে কারণে না করিবে কাহারো প্রতীক্ষা ॥
 প্রাণ উপেক্ষিয়া সবে করিবে সমর ।
 নিকটে সাজিয়া এল পাণ্ডব কোণ্ডর ॥
 শুনি অঙ্গীকার কৈল যত বীরগণ ।
 হইল আনন্দচিত্ত রাজা দুর্ঘ্যোধন ॥

তবে শত ভাই সঙ্গে গান্ধারীনন্দন ।
 যাত্রা করি সজ্জীভূত হৈল সেইক্ষণ ॥
 বিদায় হইতে গেল বাপের সদন ।
 নমস্কার করি কহে ভাই শত জন ॥
 প্রসন্ন হইয়া তাত করহ অদেশ ।
 শুভযাত্রা আজি যাব কুরুক্ষেত্র দেশ ॥
 নিকটে আসিয়া সবে হৈল উপনীত ।
 যুদ্ধ করিবারে তব হয় ত উচিত ॥
 তোমার প্রসাদে তাত হবে রিপুকর ।
 যুদ্ধ করিবারে আজ্ঞা দেহ মহাশয় ॥
 শুনিয়া হইল অন্ধ ক্রোধিত অন্তর ।
 মনে মনে অনুশোচ করিল বিস্তর ॥
 আশীর্ব্বাদ দিল, হেঁট করিয়া বদন ।
 মায়ের নিকটে তবে গেল দুর্ঘ্যোধন ॥
 শত ভাই কহে কথা করিয়া মিনতি ॥
 প্রসন্ন হইয়া মাতা দেহ ত আরতি ॥
 শুনিয়া স্থবলহুতা সজল-লোচন ।
 আশ্বাসিয়া পুত্রগণে বলিল বচন ॥
 ইতর তোমার রিপু নহে পাণ্ডুহত ।
 একৈক পাণ্ডব জিনিবে পুরহুত ॥
 দেবের অজেয় রিপু বিখ্যাত ভুবনে ।
 জীয়ন্তে পাণ্ডবে কেহ না পারিবে রণে ॥
 সে কারণে তাহা সহ কলহ না রুচে ।
 মোর বাক্যে প্রীতি কর যদি মনে ইচ্ছে ॥
 শুনিয়া কহিল নাস্তি রাজা দুর্ঘ্যোধন ।
 হেন বাক্য মাতা নাহি বলিও কখন ॥
 কর্ণ মোর পক্ষ আর দ্রোণ মহাশয় ।
 পিতামহ ভীষ্মবীর সংগ্রামে দুর্জয় ॥
 অশ্বখামা কৃতবর্মা রূপ মহাবীর ।
 শল্য মদ্রেখর রাজা সংগ্রামে সুধীর ॥
 লক্ষ লক্ষ বীরগণ আমার সহায় ।
 পাণ্ডুপুত্রে সমরেতে মারিব হেলায় ॥
 পাণ্ডবের পরাজয় মোর হবে জয় ।
 নাহিক সংশয় ইথে কহিনু নিশ্চয় ॥
 আশীর্ব্বাদ কর মাতা বিলম্ব না সয় ॥
 ক্ষণ বহি যায় মাতা করহ বিদায় ॥

এত শুনি হৈল মাতা মলিন বদন ।
 ক্রয়ী হও বলি মুখে বলিল বচন ॥
 অরো এক কথা পুত্র শুন দুর্ব্যোধন ।
 “যথা ধর্ম তথা জয়” বেদের বচন ॥
 এই বাণ্য মুখে বলে মাতা স্তবদনী ।
 আকাশে নির্ঘাত বাণী হৈল ঘোর ধ্বনি ॥
 বিনা মেঘে রক্তবৃষ্টি হয় ত গগনে ।
 চাঁৎকার শব্দ করি ডাকে মেঘগণে ॥
 বামেতে শকুনিগণ উড়য়ে আকাশে ।
 মন্দতেজঃ হৈল রবি না করে প্রকাশে ॥
 নগর নিকটে আসি ডাকে শিবাগণ ।
 এইরূপে যাত্রাকালে হৈল কুলক্ষণ ॥
 অহঙ্কারে দুর্ব্যোধন মনে না করিল ।
 মায়েরে বিদায় মাগি রথে আরোহিল ॥
 ভীষ্ম দ্রোণ কৃন্তবর্মা রূপ মহামতি ।
 কর্ণ আদি করি সাজে যত মহারথী ॥
 জয় শব্দ করি চলে রাজা দুর্ব্যোধন ।
 কুরুক্ষেত্রে উত্তরিল যত কুরুগণ ॥
 গভ্র ক্রোশ যুড়ি রহে কৌরবের সেনা ।
 রথ রথী গজ বাজী পত্তি অগণনা ॥
 প্রলয়ের সিন্ধু সম সৈন্যের গর্জনে ।
 জগৎ বধির হৈল না শুনি শ্রবণে ॥
 তবে দুর্ব্যোধন রাজা হ’য়ে হৃষ্টমন ।
 উলুকে ডাকিয়া আশ্রা দিল সেইক্ষণ ॥
 সাহ ত উলুক তুমি বিলম্ব না সহে ।
 দেখহ আমার সৈন্য কোথা কত রহে ॥
 যে দেখিলে বিবরিয়া কহিবে পাণ্ডবে ।
 যুদ্ধ কর আসি সবে যুক্তি অনুভবে ॥
 কহিবে ভীমের মোর নিষ্ঠুর বচন ।
 মোর সঙ্গে আসি শক্তিমত কর রণ ॥
 দ্রোণদীর অপমান আর দাসপণ ।
 মত দুঃখ পেলে বনে করহ স্মরণ ॥
 সে সব স্মরিয়া সাহসেতে কর ভর ।
 মোর সঙ্গে আসি তুমি করহ সমর ॥
 আমারে জিনিয়া হুখে ভুঞ্জ বহুমতী ।
 নহবা আমার হাতে হইবে সঙ্গতি ॥

অর্জুনেরে কহিবে দস্ত করিয়া বিস্তর ।
 পূর্বের যতেক দুঃখ স্মরহ অন্তর ॥
 যে প্রতিজ্ঞা করেছিলে করহ পালন ।
 আমারে জিনিয়া হুখে ভুঞ্জ ত্রিভুবন ॥
 নতুবা কর্ণের হাতে দেখিবে শমন ।
 অবিলম্বে কর আসি যাহা লয় মন ॥
 কৃষ্ণেরে কহিবে দস্ত করিয়া অপার ।
 পাণ্ডবের পক্ষ হ’য়ে হও আগুসার ॥
 যেই বিদ্যা দেখাইলে মভা বিদ্যামানে ।
 সে মায়া করিয়া এস অর্জুনের সনে ॥
 সহদেব নকুলেরে কহিবে বচন ।
 পূর্ব দুঃখ ভাবি দুইজনে কর রণ ॥
 কহিবে ধর্ম্মেরে মোর বচন বিশেষে ।
 ব্রহ্মচারী বলি তোমা জগতেতে বোম্বে ॥
 ধান্মিকের শ্রেষ্ঠ তোমা বলে সর্বজন ।
 তপস্বী বলিয়া তোমা করি যে গণন ॥
 এখন সে সব কথা হইল প্রচার ।
 বিড়াল সন্ন্যাসী প্রায় তব ব্যবহার ॥
 পূর্বতে তাহার শুনিয়াছি যে কারণ ।
 সেই অভিপ্রায় তব যজ্ঞ আচরণ ॥
 মুখে মাত্র বল ধর্ম্ম অন্তরেতে আন ।
 বিড়াল সন্ন্যাসী প্রায় হারাইবে প্রাণ ॥
 এত শুনি সবিস্ময়ে উলুক তখন ।
 নৃপতির জিজ্ঞাসিল বিনয় বচন ॥
 বিড়াল সন্ন্যাসী হ’য়েছিল কি কারণে ।
 আপনার দোষে সেই মরিল কেমনে ॥
 পশু হ’য়ে কৈল কেন তপ আচরণ ।
 বিবরিয়া কহ শুনি ইহার কারণ ॥
 উদ্যোগপর্বের কথা অমৃত-সমান ।
 ব্যাসের রচিত দিব্য ভারত-পুরাণ ॥
 মস্তকে বন্দিয়া ব্রাহ্মণের পদরজঃ ।
 কাশীদাস কহে গদাধর দাসাগ্রজ ॥

দুর্ব্যোধন কর্তৃক বিড়াল সন্ন্যাসীর উপাখ্যান কথন ।

রাজা বলে শুম শুন ওহে অনুচর ।
 সত্যযুগে ছিল এক তাপসপ্রবর ॥

সর্বগুণসমম্বিত ছিল ত ব্রাহ্মণ ।
 স্নেহোষ তাহার নাম শাস্ত্রে বিচক্ষণ ॥
 স্নান নামেতে তাঁর ভাৰ্য্যা গুণবতী ।
 পুত্রবাঞ্ছা করি ধনী সেবে পশুপতি ॥
 পুত্র না জন্মিল তাঁর যুবাকাল গেল ।
 বিপ্রে'র বৈরাগ্য বড় অন্তরে হইল ॥
 ভাৰ্য্যা সহ বনে গেল তপস্যা কারণ ।
 হিমালয় তটে উত্তরিল দুইজন ॥
 দেখিয়া বিচিত্রে বন প্রীত পায় মনে ॥
 রচিয়া কুটীর তথা রহে দুইজনে ॥
 একদিন গেল ঋষি ফলের কারণ ।
 ভ্রমিতে ভ্রমিতে দেখে দৈব নির্বন্ধন ॥
 অনাথ মার্জ্জার শিশু পড়ি আছে বনে ।
 ব্রাহ্মণ দেখিয়া শিশু চাহে চারি পানে ॥
 পলাইতে শক্তি নাহি শিশু কলেবর ।
 চতুর্দিকে বেড়িয়াছে বায়স পামর ॥
 তার ছুঁখ দেখি বিপ্র হৃদে হৈল দয়া ।
 জিজ্ঞাসিল মার্জ্জারের নিকটেতে গিয়া ॥
 একাকী এথায় তুমি কিসের কারণ ।
 মাতা পিতা বন্ধু তোর নাহি কোন জন ॥
 বিড়াল বলয়ে কেহ নাহিক সংসারে ।
 প্রসবিয়া মাতা মোর গেছে কোথাকাারে ॥
 জননী ছাড়িয়া গেল দৈব নির্বন্ধন ।
 একাকী অনাথ হ'য়ে রহিয়াছি বনে ॥
 মুনি বলে আমি তোমা করিব পালন ।
 বন্ধিবে পরম স্নেহে আমার সদন ॥
 অপুত্রক আছি আমি পুত্র নাহি হয় ।
 পুত্রবৎ করি তোমা পালিব নিশ্চয় ॥
 এত শুনি বিড়ালের হৃষ্ট হৈল মন ।
 বিপ্রে'র চরণে আসি করিল বন্দন ॥
 বিড়ালে লইয়া মুনি আসিল কুটীরে ।
 পালন করিতে তারে দিলেন ভাৰ্য্যারে ॥
 বিড়াল লইয়া তুষ্ট হইল স্নানরা ।
 পালন করিল তারে পুত্রবৎ করি ॥
 স্নান মোহে বদ্ধ হ'য়ে সবে পাশরিল ।
 বিড়ালে লইয়া দৌহে নগরে আসিল ॥

পুনরপি গৃহধর্ম করে দুইজনে ।
 বলবন্ত হৈল সেই অধিক পালনে ॥
 স্বভাব পশুর জাতি ছাড়িবারে নারে ।
 বহু উপদ্রব করে গৃহস্থের ঘরে ॥
 যজ্ঞহবি নষ্ট করে পায়মান খায় ।
 মারিতে আসিলে লোক পলাইয়া যায় ॥
 ক্রোধে নগরের লোক ছুঁখী মনে মন ।
 সবে ব্রাহ্মণেরে গালি দেয় অনুক্ষণ ॥
 কোথায় তপস্যা তব কোথায় ব্রাহ্মণ ।
 পুত্রহীন হ'য়ে তুমি হলে মতিচ্ছন্ন ॥
 বিড়ালে'রে এত স্নেহ পুত্রবৎ কর ।
 সহজে পশুর জাতি মনে নাহি ডর ॥
 এইরূপে বলে মন্দ নগরের জন ।
 ব্রাহ্মণ ব্রাহ্মণী ক্রোধে জ্বলিল তখন ॥
 ধরিয়া সিঁচিকাবাড়ি প্রহারে বিড়ালে ।
 বান্ধিয়া রাখিল তারে হাতে পায়ে গলে ॥
 দিন দুই তিন তারে রাখিল বন্ধনে ।
 বড়ই বৈরাগ্য হৈল বিড়ালের মনে ॥
 কোনমতে পারি যদি ছাড়াতে বন্ধন ।
 তপস্যা করিয়া পাপ করিব মোচন ॥
 গৃহবাসে কার্য্য নাই যাব বনবাস ।
 অনাহারে পাপ আত্মা করিব বিনাশ ॥
 এরূপে বিড়াল মনে মনে যুক্তি করি ।
 দন্তেতে কাটিল তবে বন্ধনের দড়ি ॥
 সেইক্ষণে গৃহ হ'তে হইল বাহির ।
 দণ্ডক কাননে গিয়া হইলেক স্থির ॥
 বিন্দু সরোবরে তথা কার স্নানদান ।
 একে একে সর্বতীর্থে করিল প্রয়াণ ॥
 ধরা প্রদক্ষিণ ব্রত করি একে একে ।
 বিড়াল সম্যাসী বলি খ্যাত হৈল লোকে ॥
 সমুদ্রের মাঝে দ্বীপ অতিরম্য নামে ।
 বহু যুগাগণ তথা থাকে অনুক্রমে ॥
 তথা গিয়া উত্তরিল বিড়াল সম্যাসী ।
 দেখিয়া সকল মুখা মনে ভয় বাসি ॥
 হাহাকার করি সব পলায় তরাসে ।
 আশ্বাসিয়া বিড়াল তবে কহে সবিশেষে ॥

আমারে দেখিয়া ভয় কেন কর মনে ।
 পরম ধার্মিক আমি সর্বলোকে জানে ॥
 তপস্যা করিয়া মোর চিরকাল গেল ।
 হিংসা হেন বস্তু মোর কখন নহিল ॥
 পবন আহারী আমি শুন মুষাগণ ।
 আমারে তিলেক ভয় না কর কখন ॥
 আনন্দ কোতুক সবে ভ্রমহ নির্ভয় ।
 তপস্যা করিব আমি সবার আশ্রয় ॥
 এত শুনি মুষাগণ হৈল হৃষ্টমন ।
 যার যেই স্থানে ক্রমে আসে সর্বজন ॥
 মর্যাদা করিয়া বহু স্থাপি বিড়ালে ।
 নির্ভয়েতে মুষাগণ ভ্রমে কুতূহলে ॥
 কতদিন গেল তবে জন্মিল বিশ্বাস ।
 বার যেই শিশুগণ রাখি তার পাশ ॥
 দূর বনে যায় সবে আহার কারণ ।
 নারিল ছাড়িতে লোভ বিড়ালের মন ॥
 সহজে পশুর জাতি নাহি আশ্রয় পর ।
 চারিদিকে চাহি তার ফুলে কলেবর ॥
 উদর পূরিয়া খায় মুষা শিশুগণে ।
 হাত মুখ মুছিয়া ত বসিল ধোয়ানে ॥
 খাইতে খাইতে লোভ অনেক হইল ।
 দিনে দিনে শিশুগণ অনেক খাইল ॥
 এ সকল তত্ত্ব নাহি জানে কোনজন ।
 দিনে দিনে অন্ন হয় মুষা শিশুগণ ॥
 এক মুষা বুদ্ধিমন্ত তাহাতে আছিল ।
 অন্ন শিশুগণ দেখি হৃদয়ে ভাবিল ॥
 এ বেটা তপস্বী ভণ্ড জানিনু লক্ষণে ।
 চুরি করি খায় যত মুষা-শিশুগণে ॥
 দেখিয়া প্রবীণ মুষা করে হাহাকার ।
 পব মুষাগণে গিয়া দিল সমাচার ॥
 শুনিয়া সকল মুষা হৈল দুঃখমন ।
 উপায় স্থজিল তার নিধন কারণ ॥
 এক যুক্তি করি সবে হয় একমন ।
 ঠোপের চৌদিকে সবে করয়ে খনন ॥
 নিল গভীর গর্ত দীর্ঘতে বিস্তর ।
 হাতে পড়িয়া মরে বিড়াল পামর ॥

সেইমত যুধিষ্ঠির কৈল আচরণ ।
 মুহূর্ত্তেকে মোর হাতে হরাবে জীবন ॥
 উলুক এতেক শুনি আনন্দিত মনে ।
 সাধু সাধু বলি প্রাণশিল দুর্ঘোষনে ॥
 মহা ভারতের কথা অমৃত-সমান ।
 কাশীরাম দাস কহে শুনে পুণ্যবান ॥

উলুকের প্রতি পাণ্ডবদের কথা ।

উলুক রাজার আজ্ঞাবশে বহে বাট ।
 শীঘ্রগতি গেল যথা পাণ্ডবের ঠাট ॥
 যত কহি পাঠাইল কুরু নৃপমণি ।
 দণ্ডবৎ করি সব কহিল কাহিনী ॥
 শুনিয়া রুষিল পঞ্চ পাণ্ডুর নন্দন ।
 উলুকে চাহিয়া বলে ক্রোধ করি মন ॥
 উলুক কহিবে শীঘ্র গিয়া দুর্ঘোষনে ।
 প্রবীণ পক্ষীর প্রায় তোর আচরণে ॥
 প্রবীণ নামেতে পক্ষী ছিল দুরাচার ।
 নিরন্তর জাতিগণে কৈল অপকার ॥
 তার ভয়ে জ্ঞাতিগণ স্থানভ্রষ্ট হ'য়ে ।
 পৃথিবী ভ্রমিল সবে নানা দুঃখ পেয়ে ॥
 শুভদিন সমুদিত যবে জ্ঞাতিগণে ।
 এক যুক্তি করি সবে মারিল দারুণে ॥
 সেইমত মোর হাতে মরিবে নিশ্চয় ।
 আজি কালি মধ্যে যাবে যমের আলয় ॥
 তোমার মরণ দুট হৈত সেই দিনে ।
 দ্রৌপদীর কেশে ধরিয়াছ যেই দিনে ॥
 শুনহ উলুক বলি কহে বৃকোদর ।
 গদার প্রহারে উরু ভাঙ্গিব তাহার ॥
 এই লৌহ মহাগদা দেখ বিগ্ৰহমান ।
 ইহাতে সকল ভাই হারাইবে প্রাণ ॥
 এত বাল ল'য়ে বীর বৃকোদর ।
 চক্রিচক্র ফিরে বসন্তক উপর ॥
 গাণ্ডীব ধনুক তবে ধরে অর্জুন ।
 আকর্ণ পূরিয়া উদ্ধারেন ধনুগুণ ॥
 এককালে হৈল যেন শত বজ্রাবাত ।
 প্রমাদ গণিল সবে দেখিয়া নির্ধাত ॥

মূর্ছা হ'য়ে পড়িল উলুক অমুচর ।
 সচেতন করিলেন তারে দামোদর ॥
 চেতন পাইয়া চর চাহে চারি পানে ।
 হাসিয়া তাহারে কৃষ্ণ কহেন তখনে ॥
 দেখিছ উলুক চর রক্ষা নাহি আর ।
 রুধিল অর্জুন বীর কুন্তীর কুমার ॥
 সত্য কথা কুরুগণে মারিবে নিমিষে ।
 ত্রিভুবন নাহি আঁটে পার্থ যদি রোষে ॥
 ধনঞ্জয় কহিলেন উলুকে চাহিয়া ।
 মোর দস্ত দুৰ্য্যোধনে শীঘ্র কহ গিয়া ॥
 সূতপুত্র সঙ্গে এস করিয়া সাজন ।
 মোর হাতে তোমা সহ লইবে শমন ॥
 ইন্দ্র যদি রক্ষা করে রক্ষা নাহি পাবে ।
 অবশ্য আমার হাতে যমঘরে যাবে ॥
 এইরূপে পার্থ গর্ব্ব করেন বিস্তর ।
 মাদ্রীর তনয় তবে কহিল সত্তর ॥
 ধৃষ্টদ্যুম্ন সাত্যকি যতেক বীরগণ ।
 একে একে উলুকেরে কহে সর্ব্বজন ॥
 উলুক পাইয়া আজ্ঞা রথে আরোহিয়া ।
 দুৰ্য্যোধনে সব কথা নিবেদিল গিয়া ॥
 যে কহিল পাণ্ডবেরা কহিতে সে ভয় ।
 কহিল নিষ্ঠুর কথা ভীম ধনঞ্জয় ॥
 রাজা বলে কিবা ভয় কহত কাহিনী ।
 কি কহিল ভীমসেন ধর্ম্ম নৃপমণি ॥
 কি কহিল ধনঞ্জয় মাদ্রীর নন্দন ।
 ধৃষ্টদ্যুম্ন বিরাটাদি যত বীরগণ ॥
 উলুক বলিল রাজা না কহিলে নয় ।
 শুন যাহা বলিলেন ধর্ম্ম মহাশয় ॥
 ধৃতরাষ্ট্র গান্ধারীর চাহি আমি মুখ ।
 সে কারণে সহিলাম দিল যত দুঃখ ॥
 কৃষ্ণেরে পাঠাই অগ্রে করিবারে প্রীতি ।
 অহঙ্কারে না শুনিল গোবিন্দের নীতি ॥
 ইহার উচিত শাস্তি হাতে হাতে পাবে ।
 অচিরাতে সবংশেতে নিপাত হইবে ॥
 ক্রোধে ভীম দর্প করি বলিল বচন ।
 মোর সম বলিষ্ঠ না দেখি কোনজন ॥

রাক্ষস দানব মোর অগ্রে নহে স্থির ।
 গদার বাড়িতে তার নাশিব শরীর ॥
 মাদ্রীর নন্দন আদি যত বীরগণ ।
 একে একে প্রতিজ্ঞা করে জনে জন ॥
 যে হয় উচিত রাজা করহ বিহিত ।
 শুনি দুৰ্য্যোধন করে সৈন্য সমাহিত ॥
 আশ্বাসি কহিল সব যত যোদ্ধাগণে ।
 মোর মনোবাঞ্ছা পূর্ণ কর সর্ব্বজনে ॥
 শুন কর্ণ মহাবীর রাধার নন্দন ।
 পরম বাহুব তুমি মোর প্রাণধন ॥
 পূর্বে অঙ্গীকার কৈলে সবার গোচরে ।
 পাণ্ডবে মারিয়া রাজ্য দিবে হে আমারে ॥
 তাহার সমর এই হৈল উপনীত ।
 করহ বিধান সখে ইহার উচিত ॥
 কর্ণ বলে রাজা মোর সত্য অঙ্গীকার ।
 প্রাণপণে কার্য্য সিদ্ধ করিব তোমার ॥
 যাবৎ শরীরে প্রাণ আছেয়ে আমার ।
 তাবৎ সাধিব কার্য্য শুন সারোদ্ধার ॥
 এত শুনি দুৰ্য্যোধন হৈল হৃষ্টমন ।
 বহু পুরস্কার কর্ণে দিল সেইক্ষণ ॥

কর্ণের জন্ম বিবরণ ।

জন্মেজয় জিজ্ঞাসিল কহ তপোধন ।
 কুন্তীগর্ভে জন্মে কর্ণ বিখ্যাত ভুবন ॥
 কৌরবের পক্ষে কেন সূর্য্যের নন্দন ।
 দেখিয়া ধরিল কুন্তী কিরূপে জীবন ॥
 মুনি বলে শুন কুরুবংশ-চুড়ামণি ।
 কৌরবের রণে গেল কর্ণবীর শুনি ॥
 বিদুরের মুখে শুনি এ সব বচন ।
 চিন্তিতে চিন্তিত কুন্তী ভাবে মনে মন ॥
 আমার নন্দন কর্ণ কেহ না জানিল ।
 সূর্য্যের ঔরসে জন্ম কর্ণের হইল ॥
 দৈবের এ সব কথা বিধির ঘটন ।
 রাধা যে পাইয়া পুত্র করিল পালন ॥
 রাধার নন্দন বলি ঘোষে সর্ব্বজন ।
 কেহ জ্ঞাত নহে কর্ণ আমার নন্দন ॥

এ সময়ে লোকে যদি হয় সে প্রচার ।
 উপহাস করিবেক কৌরবকুমার ॥
 ইহার কারণে আমি করিব গমন ।
 কর্ণেরে কহিব আমি এ সব বচন ॥
 আমার বচন কর্ণ খণ্ডিতে নারিবে ।
 অবশ্য সহায় পাণ্ডুপুত্রদের হবে ॥
 কিরূপে নিভূতে দেখা হবে কর্ণ সনে ।
 এতেক ভাবিয়া কুন্তী যুক্তি কৈল মনে ॥
 প্রাতঃস্নান নিত্য কর্ণ যমুনায় করে ।
 একেখর যায় স্নানে নাহি লয় কারে ॥
 তব জানি কুন্তী তথা করিল গমন ।
 যমুনায় নামি কর্ণ করয়ে তর্পণ ॥
 নিত্য কৰ্ম্ম সমাপিয়া সূর্য্যে করে স্তব ।
 উঠিয়া আইসে কুন্তী মানিল উৎসব ॥
 কর্ণের সাক্ষাতে কহে গদগদ বাণী ।
 যবধানে শুন তব পূর্ব্বের কাহিনী ॥
 আমার নন্দন তুমি সূর্য্যের ঔরসে ।
 এখন ছিলাম আমি জনকের বাসে ॥
 অত্রি-সেবায় তাত রাখিল আমারে ।
 অনেক সেবন কৈলু দুর্ব্বাসা মুনিরে ॥
 চতুর্থাৎ সেবিলাম বিধির বিধানে ।
 আজ্ঞাবর্ত্তী হ'য়ে আমি রহি অনুক্ষণে ॥
 আমার সেবায় মুনি সন্তুষ্ট হইয়া ।
 সন্তান করিলেন আমারে ডাকিয়া ॥
 এই মন্ত্র দিতেছি যে তব বিঘ্নমান ।
 মন্ত্র পড়ি যেই দেবে করিবে আস্থান ॥
 সেইক্ষণে আসিবেন তোমার সাক্ষাতে ।
 যে বর মাগিবে তাহা পাইবে নিশ্চিত ॥
 এত বলি মহামুনি গেল যথাস্থানে ।
 তবে আমি মন্ত্র পরীক্ষিতে একদিনে ॥
 কলসে আনিতে যাই যমুনার বারি ।
 কোটুক ভূপিনু মন্ত্র সূর্য্যে ধ্যান করি ॥
 তখন আসিল সূর্য্য মোর বিঘ্নমানে ।
 সূর্য্য দেখি ভীত আমি হইলাম মনে ॥
 অনেক বিনয় করি কহিনু বচন ।
 বুঝি তোমারে আমি করি আবাহন ॥

অজ্ঞান স্ত্রীজন-দোষ ক্ষমিবে আমার ।
 শুনিয়া হাসিয়া সূর্য্য কহে আরবার ॥
 কভু মিথ্যা নাহি হয় মুনির বচন ।
 কভু মিথ্যা নহে কত্কা মম আগমন ॥
 আমারে ভজ্জহ তুমি নাহিক সংশয় ।
 না ভাজিলে মন্ত্র মিথ্যা হইবে নিশ্চয় ॥
 বিবাহিতা নহ, চিন্তা করিছ অন্তরে ।
 মম বরে মহারাজ বরিবে তোমারে ॥
 এত শুনি বশ আমি হইলু তাঁহার ।
 বর দিয়া গেল সূর্য্য ভূঞ্জিয়া শৃঙ্গার ॥
 সূর্য্যের সঙ্গমে হৈল গর্ভের উৎপত্তি ।
 তখনি তোমারে প্রসবিলাম স্মৃতি ॥
 প্রসব করিয়া তোমা সচিস্তিত মন ।
 কুমারীর কালে জন্ম হইল নন্দন ॥
 লোকে খ্যাত হয় পাছে এ সব কাহিনী ।
 যমুনায় ভাসাইলু তাত্রকুণ্ড আনি ॥
 আনিয়া তোমাকে রাখা করিল পালন ।
 কদাচিত নহ তুমি রাখার নন্দন ॥
 যে হইল সে হইল অজ্ঞাত কারণ ।
 ভাইগণ সঙ্গে তুমি করহ মিলন ॥
 ছয় ভাই মিলি বৎস নাশ মোর দুঃখ ।
 শত্রুগণে মারি ভুঞ্জ যত রাজ্যস্থখ ॥
 এত শুনি কর্ণ কহে করিয়া মিনতি ।
 এ সকল গুপ্ত কথা জানিয়ে ভারতী ॥
 জানিয়া করিলে ত্যাগ আমারে পূর্ব্বতে ।
 রাখা যে পুষ্টিগ মোরে বিখ্যাত জগতে ॥
 রাখার নন্দন বলি ঘোষে ত্রিভুবনে ।
 তব পুত্র বলি এবে বালব কেমনে ॥
 বলিলে কি লোকে হই করিবে প্রত্যয় ।
 জগতে কুশল লজ্জা হবে অতিশয় ॥
 বলিলেক ক্ষত্রগণ করি উপহাস ।
 যুদ্ধকাল দেখি কর্ণ পাইল তরাস ॥
 ভাই বলি পাণ্ডবের হৈল শরণ ।
 ব্যর্থ কর্ণ নাম ধরি ঘোষে অকারণ ॥
 এ সব হইতে মুহূর্ত্ত ভাল শতগুণে ।
 এ কৰ্ম্ম করিতে নাহি পারিব কখনে ॥

তাহে চুৰ্য্যোধন মোরে শিশুকাল হ'তে ।
 নানা ভোগে পুরস্কারে পালিল বহুতে ॥
 দেশ ভূমি গ্রাম রত্ন দিল বহুতর ।
 হরিহর আত্মা যেন নহে ভিন্ন পর ॥
 তিলেক বিভিন্ন মনে নহে কদাচনে ।
 ইহার হিংসন আমি করিব কেমনে ॥
 বিশেষ তাহাতে আমি কৈনু অঙ্গীকার ।
 অৰ্জুনের সঙ্গে পণ সমর আমার ॥
 মোর হাতে পরলোকে যাবে ধনঞ্জয় ।
 কিন্ম অৰ্জুনের হাতে মোর মৃত্যু হয় ॥
 এইত প্রতিজ্ঞা কৈনু সভা বিদ্যমানে ।
 সত্যভ্রষ্ট হ'তে নাহি পারিব কখনে ॥
 সে কারণে ক্ষমা কর জননী আমারে ।
 এত শুনি পুনঃ কুন্তী কহিল কর্ণেরে ॥
 ভাইগণ সঙ্গে যদি না কর মিলন ।
 মোর বাক্য নাহি যদি করিবে পালন ॥
 তবে এক সত্য কর মোর বিদ্যমানে ।
 আর চারি পুত্রে মোর না মারিবে প্রাণে ॥
 এত শুনি কর্ণ কৈল সত্য অঙ্গীকার ।
 আর চারি ভায়েরে না করিব সংহার ॥

পঞ্চপুত্রে রবে তব এই পৃথিবীতে ।
 অৰ্জুন সহিত কিন্ম আমার সহিতে ॥
 ব্যাসের বচন মাতা আছে পূর্বাপর ।
 পৃথিবীতে তব পঞ্চ রহিবে কোত্তর ॥
 সংসারের মধ্যে হবে রণে মহাতেজা ।
 একচ্ছত্রে পৃথিবীতে হবে মহারাজা ॥
 ব্যাসের বচন মিথ্যা নহে কদাচন ।
 জগতে রহিবে মাত্র তোমার নন্দন ॥
 পাইবে তোমার পুত্রগণ রাজধানী ।
 নিশ্চয় আমার মৃত্যু হইবে জননী ॥
 না ভাবিও দুঃখ মাতা যাহ নিজস্থানে ॥
 এত বলি দণ্ডবৎ করিল চরণে ॥
 বিদায় হইয়া কর্ণ গেল নিজ পুরে ।
 যথাস্থানে গেল কুন্তী দুঃখিতা অন্তরে ।
 বিদুরের প্রতি কুন্তী কহিল সকল ।
 শুনি বিদুরের হৃদে হৈল কুতূহল ॥
 পুণ্যকথা ভারতের শুনে পুণ্যবান্ ।
 ব্যাসের রচিত দিব্য ভারত পুরাণ ॥
 কাশীরাম দাস কহে শুনে পুণ্যবান্ ।
 উদ্যোগপর্বের কথা হৈল সমাপন ॥

ইতি উদ্যোগপর্ব সমাপ্ত ।